

Namo tassa bhagavato arahato sammāsambuddhassa

Aṅuttaranikāyo

Sattakanipātapāli

Paṭhamapaṇṇāsakaṃ

1. Dhanavaggo

1. Paṭhamapiyasuttaṃ

1. Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tatra kho bhagavā bhikkhū āmantesi – “bhikkhavo”ti. “Bhadante”ti te bhikkhū bhagavato paccassosum. Bhagavā etadavoca –

“Sattahi, bhikkhave, dhammehi samannāgato bhikkhu sabrahmacārīnaṃ appiyo ca hoti amanāpo ca agaru ca abhāvanīyo ca. Katamehi sattahi? Idha, bhikkhave, bhikkhu lābhakāmo ca hoti, sakkārakāmo ca hoti, anavaññattikāmo ca hoti, ahiriko ca hoti, anottappī ca, pāpiccho ca, micchādiṭṭhi ca. Imehi kho, bhikkhave, sattahi dhammehi samannāgato bhikkhu sabrahmacārīnaṃ appiyo ca hoti amanāpo ca agaru ca abhāvanīyo ca.

“Sattahi, bhikkhave, dhammehi samannāgato bhikkhu sabrahmacārīnaṃ piyo ca hoti, manāpo ca garu ca bhāvanīyo ca. Katamehi sattahi? Idha, bhikkhave, bhikkhu na lābhakāmo ca hoti, na sakkārakāmo ca hoti, na anavaññattikāmo ca hoti, hirimā ca hoti, ottappī ca, appiccho ca, sammādiṭṭhi ca. Imehi kho, bhikkhave, sattahi dhammehi samannāgato bhikkhu sabrahmacārīnaṃ piyo ca hoti manāpo ca garu ca bhāvanīyo ca”ti. Paṭhamam.

2. Dutiyapiyasuttaṃ

2. “Sattahi, bhikkhave, dhammehi samannāgato bhikkhu sabrahmacārīnaṃ appiyo ca hoti amanāpo ca agaru ca abhāvanīyo ca. Katamehi sattahi? Idha, bhikkhave, bhikkhu lābhakāmo ca hoti, sakkārakāmo ca hoti, anavaññattikāmo ca hoti, ahiriko ca hoti, anottappī ca, issukī ca, maccharī ca. Imehi kho, bhikkhave, sattahi dhammehi samannāgato bhikkhu sabrahmacārīnaṃ appiyo ca hoti amanāpo ca agaru ca abhāvanīyo ca.

“Sattahi, bhikkhave, dhammehi samannāgato bhikkhu+? Sabrahmacārīnaṃ piyo ca hoti manāpo ca garu ca bhāvanīyo ca. Katamehi sattahi? Idha, bhikkhave, bhikkhu na lābhakāmo ca hoti, na sakkārakāmo ca hoti, na anavaññattikāmo ca hoti, hirimā ca hoti, ottappī ca, anissukī ca, amaccharī ca. Imehi kho, bhikkhave, sattahi dhammehi samannāgato bhikkhu sabrahmacārīnaṃ piyo ca hoti manāpo ca garu ca bhāvanīyo ca”ti. Dutiyam.

3. Saṃkhittabalaṃsuttaṃ

3. Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme...pe... sattimāni, bhikkhave, balāni. Katamāni satta? Saddhābalaṃ, vīriyabalaṃ, hirībalaṃ, ottappabalaṃ, satibalaṃ, samādhībalaṃ, paññābalaṃ. Imāni kho, bhikkhave, satta balānīti.

“Saddhābalaṃ vīriyañca, hirī [hiri (sī. pī. ka.)] ottappiyaṃ balaṃ;
Satibalaṃ samādhi ca, paññā ve sattamaṃ balaṃ;
Etehi balavā bhikkhu, sukhaṃ jīvati paṇḍito;

“Yoniso vicine dhammaṃ, paññāyatthaṃ vipassati;
Pajjotasseva nibbānaṃ, vimokkho hoti cetaso”ti. tatiyaṃ;

4. Vitthatabalasuttaṃ

4. “Sattimāni, bhikkhave, balāni. Katamāni satta? Saddhābala, vīriyabalaṃ, hirībalaṃ, ottappabalaṃ, satibalaṃ, samādhibalaṃ, paññābalaṃ.

“Katamañca, bhikkhave, saddhābalaṃ? Idha, bhikkhave, ariyasāvako saddho hoti, saddahati tathāgatassa bodhiṃ – ‘itipi so bhagavā arahaṃ sammāsambuddho...pe... satthā devamanussānaṃ buddho bhagavā’ti. Idaṃ vuccati, bhikkhave, saddhābalaṃ.

“Katamañca, bhikkhave, vīriyabalaṃ? Idha, bhikkhave, ariyasāvako āradhāvīriyo viharati akusalānaṃ dhammānaṃ pahānāya, kusalānaṃ dhammānaṃ upasampadāya, thāmaṃvā dalhaparakkamo anikkhattadhuro kusalesu dhammesu. Idaṃ vuccati, bhikkhave, vīriyabalaṃ.

“Katamañca, bhikkhave, hirībalaṃ? Idha, bhikkhave, ariyasāvako hirimā hoti, hirīyati kāyaduccaritena vacīduccaritena manoduccaritena, hirīyati pāpakānaṃ akusalānaṃ dhammānaṃ samāpattiyā. Idaṃ vuccati, bhikkhave, hirībalaṃ.

“Katamañca, bhikkhave, ottappabalaṃ? Idha, bhikkhave, ariyasāvako ottappī hoti, ottappati kāyaduccaritena vacīduccaritena manoduccaritena, ottappati pāpakānaṃ akusalānaṃ dhammānaṃ samāpattiyā. Idaṃ vuccati, bhikkhave, ottappabalaṃ.

“Katamañca, bhikkhave, satibalaṃ? Idha, bhikkhave, ariyasāvako satimā hoti paramena satinepakkena samannāgato cirakatampi cirabhāsitampi saritā anussaritā. Idaṃ, vuccati, bhikkhave, satibalaṃ.

“Katamañca, bhikkhave, samādhibalaṃ? Idha, bhikkhave, ariyasāvako vivicceva kāmehi...pe... catutthaṃ jhānaṃ upasampajja viharati. Idaṃ vuccati, bhikkhave, samādhibalaṃ.

“Katamañca, bhikkhave, paññābalaṃ? Idha, bhikkhave, ariyasāvako paññavā hoti udayatthagāminiyā paññāya samannāgato ariyāya nibbedhikāya sammā dukkhakkhayagāminiyā. Idaṃ vuccati, bhikkhave, paññābalaṃ. Imāni kho, bhikkhave, satta balānīti.

“Saddhābalaṃ vīriyañca, hirī ottappiyaṃ balaṃ;
Satibalaṃ samādhi ca, paññā ve sattamaṃ balaṃ;
Etehi balavā bhikkhu, sukhaṃ jīvati paṇḍito.

“Yoniso vicine dhammaṃ, paññāyatthaṃ vipassati;
Pajjotasseva nibbānaṃ, vimokkho hoti cetaso”ti. catutthaṃ;

5. Saṃkhittadhanasuttaṃ

5. “Sattimāni, bhikkhave, dhanāni. Katamāni satta? Saddhādhanaṃ, sīladhanaṃ, hirīdhanaṃ, ottappadhanaṃ, sutadhanaṃ, cāgadhanaṃ, paññādhanaṃ. Imāni kho, bhikkhave, satta dhanānīti.

“Saddhādhanam sīladhanam, hirī ottappiyam dhanam;
Sutadhanañca cāgo ca, paññā ve sattamam dhanam.

“Yassa ete dhanā atthi, itthiyā purisassa vā;
Adaliddoti tam āhu, amogham tassa jīvitam.

“Tasmā saddhañca sīlañca, pasādam dhammadassanam;
Anuyuñjetha medhāvī, saram [varam (ka.)] buddhāna sāsana’nti. pañcamam;

6. Vitthatadhanasuttam

6. “Sattimāni, bhikkhave, dhanāni. Katamāni satta? Saddhādhanam, sīladhanam, hirīdhanam, ottappadhanam, sutadhanam, cāgadhanam, paññādhanam.

“Katamañca, bhikkhave, saddhādhanam? Idha, bhikkhave, ariyasāvako saddho hoti, saddahati tathāgatassa bodhiṃ – ‘itipi so bhagavā araham sammāsambuddho...pe... buddho bhagavā’ti. Idam vuccati, bhikkhave, saddhādhanam.

“Katamañca, bhikkhave, sīladhanam? Idha, bhikkhave, ariyasāvako pañātipātā paṭivirato hoti... pe... surāmerayamajjapamādaṭṭhānā paṭivirato hoti. Idam vuccati, bhikkhave, sīladhanam.

“Katamañca, bhikkhave, hirīdhanam? Idha, bhikkhave, ariyasāvako hirīmā hoti, hirīyati kāyaduccaritena vacīduccaritena manoduccaritena, hirīyati pāpakānam akusalānam dhammānam samāpattiyā. Idam vuccati, bhikkhave, hirīdhanam.

“Katamañca, bhikkhave, ottappadhanam? Idha, bhikkhave, ariyasāvako ottappī hoti, ottappati kāyaduccaritena vacīduccaritena manoduccaritena, ottappati pāpakānam akusalānam dhammānam samāpattiyā. Idam vuccati, bhikkhave, ottappadhanam.

“Katamañca, bhikkhave, sutadhanam? Idha, bhikkhave, ariyasāvako bahussuto hoti sutadharo sutasannicayo. Ye te dhammā ādikalyāṇā majjhakalyāṇā pariyośānakalyāṇā sāttham sabyañjanam, kevalaparipuṇṇam parisuddham brahmacariyam abhivadanti. Tathārūpāssa dhammā bahussutā honti dhātā vacasā paricitā manasānupekkhitā diṭṭhiyā suppaṭividdhā. Idam vuccati, bhikkhave, sutadhanam.

“Katamañca, bhikkhave, cāgadhanam? Idha, bhikkhave, ariyasāvako vigatamalamaccherena cetasā agāram ajjhāvasati muttacāgo payatapāṇi vossaggarato yācayogo dānasamvibhāgarato. Idam vuccati, bhikkhave, cāgadhanam.

“Katamañca, bhikkhave, paññādhanam? Idha, bhikkhave, ariyasāvako paññavā hoti...pe... sammā dukkhakkhayagāminiyā. Idam vuccati, bhikkhave, paññādhanam. Imāni kho, bhikkhave, sattadhanānti.

“Saddhādhanam sīladhanam, hirī ottappiyam dhanam;
Sutadhanañca cāgo ca, paññā ve sattamam dhanam.

“Yassa ete dhanā atthi, itthiyā purisassa vā;
Adaliddoti tam āhu, amogham tassa jīvitam.

“Tasmā saddhañca sīlañca, pasādam dhammadassanam;
Anuyuñjetha medhāvī, saram buddhāna sāsana’nti. chaṭṭham;

7. Uggasuttam

7. Atha kho uggo rājamahāmatto yena bhagavā tenupasaṅkami; upasaṅkamitvā bhagavantam abhivādetvā ekamantaṃ nisīdi. Ekamantaṃ nisinno kho uggo rājamahāmatto bhagavantam etadavoca –

“Acchariyaṃ, bhante, abbhutaṃ, bhante! Yāva aḍḍho cāyaṃ, bhante, migāro rohaṇeyyo yāva mahaddhano yāva mahābhogo”ti. “Kīva aḍḍho panugga, migāro rohaṇeyyo, kīva mahaddhano, kīva mahābhogo”ti? “Sataṃ, bhante, sataśahassānaṃ [sahassānaṃ (sī.), saḥassāni (syā.), sataśahassāni (?)] hiraññassa, ko pana vādo rūpiyassā”ti! “Atthi kho etaṃ, ugga, dhanam netam ‘natthi’ti vadāmīti. Tañca kho etaṃ, ugga, dhanam sādharmaṇam agginā udakena rājūhi corehi appiyehi dāyādehi. Satta kho imāni, ugga, dhanāni asādhāraṇāni agginā udakena rājūhi corehi appiyehi dāyādehi. Katamāni satta? Saddhādhanam, sīladhanam, hirīdhanam, ottappadhanam, sutadhanam, cāgadhanam, paññāadhanam. Imāni kho, ugga, satta dhanāni asādhāraṇāni agginā udakena rājūhi corehi appiyehi dāyādehīti.

“Saddhādhanam sīladhanam, hirī ottappiyaṃ dhanam;
Sutadhanañca cāgo ca, paññā ve sattamaṃ dhanam.

“Yassa ete dhanā atthi, itthiyā purisassa vā;
Sa ve mahaddhano loke, ajeyyo devamānuse.

“Tasmā saddhañca sīlañca, pasādam dhammadassanaṃ;
Anuyuñjetha medhāvī, saram buddhāna sāsana”nti. sattamaṃ;

8. Saṃyojanasuttam

8. “Sattimāni, bhikkhave, saṃyojanāni. Katamāni satta? Anunayasamyojanam, paṭighasamyojanam, diṭṭhisamyojanam, vicikicchāsamyojanam, mānasamyojanam, bhavarāgasamyojanam, avijjāsamyojanam. Imāni kho, bhikkhave, satta saṃyojanāni”ti. Aṭṭhamam.

9. Pahānasuttam

9. “Sattannaṃ, bhikkhave, saṃyojanānaṃ pahānāya samucchēdāya brahmacariyaṃ vussati. Katamesaṃ sattannaṃ? Anunayasamyojanassa pahānāya samucchēdāya brahmacariyaṃ vussati, paṭighasamyojanassa...pe... diṭṭhisamyojanassa... vicikicchāsamyojanassa... mānasamyojanassa... bhavarāgasamyojanassa ... avijjāsamyojanassa pahānāya samucchēdāya brahmacariyaṃ vussati. Imesaṃ kho, bhikkhave, sattannaṃ saṃyojanānaṃ pahānāya samucchēdāya brahmacariyaṃ vussati. Yato ca kho, bhikkhave, bhikkhuno anunayasamyojanam pahīnaṃ hoti ucchinnamūlaṃ tālāvatthukataṃ anabhāvaṃ kataṃ āyatim anuppādadhammaṃ. Paṭighasamyojanam...pe... diṭṭhisamyojanam... vicikicchāsamyojanam... mānasamyojanam... bhavarāgasamyojanam... avijjāsamyojanam pahīnaṃ hoti ucchinnamūlaṃ tālāvatthukataṃ anabhāvaṃ kataṃ āyatim anuppādadhammaṃ. Ayaṃ vuccati, bhikkhave, bhikkhu acchecchi taṇhaṃ, vivattayi saṃyojanam, sammā mānābhisaṃmayā antamakāsi dukkhassā”ti. Navamaṃ.

10. Macchariyasuttam

10. “Sattimāni, bhikkhave, saṃyojanāni. Katamāni satta? Anunayasamyojanam, paṭighasamyojanam, diṭṭhisamyojanam, vicikicchāsamyojanam, mānasamyojanam, issāsamyojanam, macchariyasamyojanam. Imāni kho, bhikkhave, satta saṃyojanāni”ti. Dasamaṃ.

Dhanavaggo paṭhamo.

Tassuddānaṃ –

Dve piyāni balaṃ dhaṇaṃ, saṃkhittañceva vitthatāṃ;
Uggaṃ saṃyojanañceva, pahānaṃ macchariyena cāti.

2. Anusayavaggo

1. Paṭhamaanusayasuttaṃ

11. “Sattime, bhikkhave, anusayā. Katame satta? Kāmarāgānusayo, paṭighānusayo, diṭṭhānusayo, vicikicchānusayo, mānānusayo, bhavarāgānusayo, avijjānusayo. Ime kho, bhikkhave, satta anusayā”ti. Paṭhamāṃ.

2. Dutiyaaanusayasuttaṃ

12. “Sattannaṃ, bhikkhave, anusayānaṃ pahānāya samucchedāya brahmacariyaṃ vussati. Katamesaṃ sattannaṃ? Kāmarāgānusayassa pahānāya samucchedāya brahmacariyaṃ vussati, paṭighānusayassa...pe... diṭṭhānusayassa... vicikicchānusayassa... mānānusayassa... bhavarāgānusayassa... avijjānusayassa pahānāya samucchedāya brahmacariyaṃ vussati. Imesaṃ kho, bhikkhave, sattannaṃ anusayānaṃ pahānāya samucchedāya brahmacariyaṃ vussati.

“Yato ca kho, bhikkhave, bhikkhuno kāmarāgānusayo pahīno hoti ucchinnamūlo tālāvattukato anabhāvaṃkato āyatīṃ anuppādadhammo. Paṭighānusayo...pe... diṭṭhānusayo... vicikicchānusayo... mānānusayo... bhavarāgānusayo... avijjānusayo pahīno hoti ucchinnamūlo tālāvattukato anabhāvaṃkato āyatīṃ anuppādadhammo. Ayaṃ vuccati, bhikkhave, bhikkhu accecchi taṇhaṃ, vivattayi saṃyojanaṃ, sammā mānābhisaṃmayā antamakāsi dukkhassā”ti. Dutiyaṃ.

3. Kulasuttaṃ

13. “Sattahi, bhikkhave, aṅgehi samannāgataṃ kulaṃ anupagantvā vā nālaṃ upagantaṃ, upagantvā vā nālaṃ upanisīdituṃ. Katamehi sattahi? Na manāpena paccuṭṭhenti, na manāpena abhivādenti, na manāpena āsanaṃ denti, santamassa pariguhanti, bahukampi thokaṃ denti, paṇītampi lūkhaṃ denti, asakkaccaṃ denti no sakkaccaṃ. Imehi kho, bhikkhave, sattahi aṅgehi samannāgataṃ kulaṃ anupagantvā vā nālaṃ upagantaṃ, upagantvā vā nālaṃ upanisīdituṃ.

“Sattahi, bhikkhave, aṅgehi samannāgataṃ kulaṃ anupagantvā vā alaṃ upagantaṃ, upagantvā vā alaṃ upanisīdituṃ. Katamehi sattahi? Manāpena paccuṭṭhenti, manāpena abhivādenti, manāpena āsanaṃ denti, santamassa na pariguhanti, bahukampi bahukaṃ denti, paṇītampi paṇītaṃ denti, sakkaccaṃ denti no asakkaccaṃ. Imehi kho, bhikkhave, sattahi aṅgehi samannāgataṃ kulaṃ anupagantvā vā alaṃ upagantaṃ, upagantvā vā alaṃ upanisīditu”nti. Tatiyaṃ.

4. Puggalasuttaṃ

14. “Sattime, bhikkhave, puggalā āhuneyyā pāhuneyyā dakkhiṇeyyā añjalikaraṇīyā anuttaraṃ puññakkhettaṃ lokassa. Katame satta? Ubhatobhāgavimutto, paññāvimutto, kāyasakkhī, diṭṭhippatta [diṭṭhappatto (ka.)], saddhāvimutto, dhammānusārī, saddhānusārī. Ime kho, bhikkhave, satta puggalā āhuneyyā pāhuneyyā dakkhiṇeyyā añjalikaraṇīyā anuttaraṃ puññakkhettaṃ lokassā”ti. Catutthaṃ.

5. Udakūpamāsuttaṃ

15. “Sattime, bhikkhave, udakūpamā puggalā santo saṃvijjamānā lokasmiṃ. Katame satta? [pu. pa. 203; kathā. 852] Idha, bhikkhave, ekacco puggalo sakimṃ nimuggo nimuggova hoti; idha pana, bhikkhave, ekacco puggalo ummujjivā nimujjati; idha pana, bhikkhave, ekacco puggalo ummujjivā ṭhito hoti; idha pana, bhikkhave, ekacco puggalo ummujjivā vipassati viloketi; idha pana, bhikkhave, ekacco puggalo ummujjivā patarati; idha pana, bhikkhave, ekacco puggalo ummujjivā patigādhappatto hoti; idha pana, bhikkhave, ekacco puggalo ummujjivā tiṇṇo hoti pāraṅgato [pāragato (sī. syā. kaṃ.)] thale tiṭṭhati brāhmaṇo.

“Kathaṇca, bhikkhave, puggalo sakimṃ nimuggo nimuggova hoti? Idha bhikkhave, ekacco puggalo samannāgato hoti ekantakāḷakehi akusalehi dhammehi. Evaṃ kho, bhikkhave, puggalo sakimṃ nimuggo nimuggova hoti.

“Kathaṇca, bhikkhave, puggalo ummujjivā nimujjati? Idha, bhikkhave, ekacco puggalo ummujjati sādhu saddhā kusalesu dhammesu, sādhu hirī...pe... sādhu ottappaṃ... sādhu vīriyaṃ [vīriyaṃ (sī. syā. kaṃ. pī.)] ... sādhu paññā kusalesu dhammesūti. Tassa sā saddhā neva tiṭṭhati no vaḍḍhati hāyatiyeva, tassa sā hirī...pe... tassa taṃ ottappaṃ... tassa taṃ vīriyaṃ... tassa sā paññā neva tiṭṭhati no vaḍḍhati hāyatiyeva. Evaṃ kho, bhikkhave, puggalo ummujjivā nimujjati.

“Kathaṇca, bhikkhave, puggalo ummujjivā ṭhito hoti? Idha, bhikkhave, ekacco puggalo ummujjati sādhu saddhā kusalesu dhammesu, sādhu hirī...pe... sādhu ottappaṃ... sādhu vīriyaṃ... sādhu paññā kusalesu dhammesūti. Tassa sā saddhā neva hāyati no vaḍḍhati ṭhitā hoti. Tassa sā hirī...pe... tassa taṃ ottappaṃ... tassa taṃ vīriyaṃ... tassa sā paññā neva hāyati no vaḍḍhati ṭhitā hoti. Evaṃ kho, bhikkhave, puggalo ummujjivā ṭhito hoti.

“Kathaṇca, bhikkhave, puggalo ummujjivā vipassati viloketi? Idha, bhikkhave, ekacco puggalo ummujjati sādhu saddhā kusalesu dhammesu, sādhu hirī...pe... sādhu ottappaṃ... sādhu vīriyaṃ... sādhu paññā kusalesu dhammesūti. So tiṇṇaṃ saṃyojanānaṃ parikkhayā sotāpanno hoti avinipātadhammo niyato sambodhiparāyaṇo. Evaṃ kho, bhikkhave, puggalo ummujjivā vipassati viloketi.

“Kathaṇca, bhikkhave, puggalo ummujjivā patarati? Idha, bhikkhave, ekacco puggalo ummujjati sādhu saddhā kusalesu dhammesu, sādhu hirī...pe... sādhu ottappaṃ... sādhu vīriyaṃ... sādhu paññā kusalesu dhammesūti. So tiṇṇaṃ saṃyojanānaṃ parikkhayā rāgadosamohānaṃ tanuttā sakadāgāmī hoti, sakideva [sakimdeva (ka.)] imaṃ lokaṃ āgantvā dukkhassantaṃ karoti [dukkhassantakaro hoti (ka.)]. Evaṃ kho, bhikkhave, puggalo ummujjivā patarati.

“Kathaṇca, bhikkhave, puggalo ummujjivā patigādhappatto hoti? Idha, bhikkhave, ekacco puggalo ummujjati sādhu saddhā kusalesu dhammesu, sādhu hirī...pe... sādhu ottappaṃ... sādhu vīriyaṃ... sādhu paññā kusalesu dhammesūti. So pañcannaṃ orambhāgiyānaṃ saṃyojanānaṃ parikkhayā opapātiko hoti tattha parinibbāyī anāvattidhammo tasmā lokā. Evaṃ kho, bhikkhave, puggalo ummujjivā patigādhappatto hoti.

“Kathaṇca, bhikkhave, puggalo ummujjivā tiṇṇo hoti pāraṅgato thale tiṭṭhati brāhmaṇo. Idha, bhikkhave, ekacco puggalo ummujjati sādhu saddhā kusalesu dhammesu, sādhu hirī...pe... sādhu ottappaṃ... sādhu vīriyaṃ... sādhu paññā kusalesu dhammesūti. So āsavānaṃ khayā anāsavaṃ cetovimuttiṃ paññāvimuttiṃ diṭṭheva dhamme sayamaṃ abhiññā sacchikatvā upasampajja viharati. Evaṃ kho, bhikkhave, puggalo ummujjivā tiṇṇo hoti pāraṅgato thale tiṭṭhati brāhmaṇo.

“Ime kho, bhikkhave, satta udakūpamā puggalā santo saṃvijjamānā lokasmi”nti. Pañcamaṃ.

6. Aniccānupassīsuttaṃ

16. “Sattime, bhikkhave, puggalā āhuneyyā pāhuneyyā dakkhiṇeyyā añjalikaraṇīyā anuttaraṃ puññakkhettaṃ lokassa. Katame satta? Idha, bhikkhave, ekacco puggalo sabbasaṅkhāresu aniccānupassī viharati, aniccasaññī, aniccaṭṭisaṃvedī satataṃ samitaṃ abbokiṇṇaṃ cetasā adhimuccamāno paññāya pariyoḡāhamāno. So āsavānaṃ khayā...pe... sacchikatvā upasampajja viharati. Ayaṃ, bhikkhave, paṭhamo puggalo āhuneyyo pāhuneyyo dakkhiṇeyyo añjalikaraṇīyo anuttaraṃ puññakkhettaṃ lokassa.

“Puna caparaṃ, bhikkhave, idhekacco puggalo sabbasaṅkhāresu aniccānupassī viharati, aniccasaññī, aniccaṭṭisaṃvedī satataṃ samitaṃ abbokiṇṇaṃ cetasā adhimuccamāno paññāya pariyoḡāhamāno. Tassa apubbaṃ acarimaṃ āsavapariyādānaṃca hoti jīvitapariyādānaṃca. Ayaṃ, bhikkhave, dutiyo puggalo āhuneyyo...pe... anuttaraṃ puññakkhettaṃ lokassa.

“Puna caparaṃ, bhikkhave, idhekacco puggalo sabbasaṅkhāresu aniccānupassī viharati, aniccasaññī, aniccaṭṭisaṃvedī satataṃ samitaṃ abbokiṇṇaṃ cetasā adhimuccamāno paññāya pariyoḡāhamāno. So pañcannaṃ orambhāgiyānaṃ saṃyojanānaṃ parikkhayā antarāparinibbāyī hoti...pe... upahaccaparinibbāyī hoti...pe... asaṅkhāraparinibbāyī hoti...pe... sasaṅkhāraparinibbāyī hoti...pe... uddhaṃsoto hoti akaniṭṭhagāmī. Ayaṃ, bhikkhave, sattamo puggalo āhuneyyo pāhuneyyo dakkhiṇeyyo añjalikaraṇīyo anuttaraṃ puññakkhettaṃ lokassa. Ime kho, bhikkhave, satta puggalā āhuneyyā pāhuneyyā dakkhiṇeyyā añjalikaraṇīyā anuttaraṃ puññakkhettaṃ lokassā”ti. Chaṭṭhaṃ.

7. Dukkānupassīsuttaṃ

17. Sattime, bhikkhave, puggalā āhuneyyā...pe... anuttaraṃ puññakkhettaṃ lokassa. Katame satta? Idha, bhikkhave, ekacco puggalo sabbasaṅkhāresu dukkhānupassī viharati...pe.... Sattamaṃ.

8. Anattānupassīsuttaṃ

18. Sabbesu dhammesu anattānupassī viharati...pe.... Aṭṭhamaṃ.

9. Nibbānasuttaṃ

19. [kathā. 547-548] “Nibbāne sukhānupassī viharati sukhasaññī sukhaṭṭisaṃvedī satataṃ samitaṃ abbokiṇṇaṃ cetasā adhimuccamāno paññāya pariyoḡāhamāno. So āsavānaṃ khayā...pe... sacchikatvā upasampajja viharati. Ayaṃ bhikkhave, paṭhamo puggalo āhuneyyo...pe... puññakkhettaṃ lokassa.

“Puna caparaṃ, bhikkhave, idhekacco puggalo nibbāne sukhānupassī viharati sukhasaññī sukhaṭṭisaṃvedī satataṃ samitaṃ abbokiṇṇaṃ cetasā adhimuccamāno paññāya pariyoḡāhamāno. Tassa apubbaṃ acarimaṃ āsavapariyādānaṃca hoti jīvitapariyādānaṃca. Ayaṃ, bhikkhave, dutiyo puggalo āhuneyyo...pe... anuttaraṃ puññakkhettaṃ lokassa.

“Puna caparaṃ, bhikkhave, idhekacco puggalo nibbāne sukhānupassī viharati sukhasaññī sukhaṭṭisaṃvedī satataṃ samitaṃ abbokiṇṇaṃ cetasā adhimuccamāno paññāya pariyoḡāhamāno. So pañcannaṃ orambhāgiyānaṃ saṃyojanānaṃ parikkhayā antarāparinibbāyī hoti...pe... upahaccaparinibbāyī hoti...pe... asaṅkhāraparinibbāyī hoti...pe... sasaṅkhāraparinibbāyī hoti...pe... uddhaṃsoto hoti akaniṭṭhagāmī. Ayaṃ, bhikkhave, sattamo puggalo āhuneyyo...pe... anuttaraṃ puññakkhettaṃ lokassa. Ime kho, bhikkhave, satta puggalā āhuneyyā...pe... anuttaraṃ puññakkhettaṃ lokassā”ti. Navamaṃ.

10. Niddasavatthusuttaṃ

20. “Sattimāni, bhikkhave, niddasavatthūni. Katamāni satta? Idha, bhikkhave, bhikkhu

sikkhāsamādāne tibbacchando hoti āyatiñca sikkhāsamādāne avigatapemo [adhigatapemo (syā.) a. ni. 7.42; dī. ni. 3.331], dhammanisantiyā tibbacchando hoti āyatiñca dhammanisantiyā avigatapemo, icchāvinaye tibbacchando hoti āyatiñca icchāvinaye avigatapemo, paṭisallāne tibbacchando hoti āyatiñca paṭisallāne avigatapemo, vīriyārambhe [vīriyārabbe (ka.)] tibbacchando hoti āyatiñca vīriyārambhe avigatapemo, satinepakke tibbacchando hoti āyatiñca satinepakke avigatapemo, diṭṭhipaṭivedhe tibbacchando hoti āyatiñca diṭṭhipaṭivedhe avigatapemo. Imāni kho, bhikkhave, satta niddasavatthūnī”ti. Dasamaṃ.

Anusayavaggo dutiyo.

Tassuddānaṃ –

Duve anusayā kulaṃ, puggalaṃ udakūpamaṃ;
Aniccaṃ dukkhaṃ anattā ca, nibbānaṃ niddasavatthu cāti.

3. Vajjisattakavaggo

1. Sārandadasuttaṃ

21. Evaṃ me suttaṃ – ekaṃ samayaṃ bhagavā vesāliyaṃ viharati sārandade cetiye. Atha kho sambahulā licchavī yena bhagavā tenupasaṅkamimsu; upasaṅkamitvā bhagavantaṃ abhivādetvā ekamantaṃ nisīdīmsu. Ekamantaṃ nisinne kho te licchavī bhagavā etadavoca – “satta vo, licchavī, aparihāniye [aparihāniye (ka.)] dhamme desessāmi. Taṃ suṇātha, sādhukaṃ manasi karotha; bhāsissāmi”ti. “Evaṃ, bhante”ti kho te licchavī bhagavato paccassosum. Bhagavā etadavoca –

“Katame ca, licchavī, satta aparihāniyā dhammā? Yāvakīvañca, licchavī, vajjī abhiñhaṃ sannipātā bhavissanti sannipātabahulā; vuddhiyeva, licchavī, vajjīnaṃ pāṭikañkhā, no parihāni.

“Yāvakīvañca, licchavī, vajjī samaggā sannipatissanti, samaggā vuṭṭhahissanti, samaggā vajjikaraṇīyāni karissanti; vuddhiyeva, licchavī, vajjīnaṃ pāṭikañkhā, no parihāni.

“Yāvakīvañca, licchavī, vajjī apaññattaṃ na paññāpessanti, paññattaṃ na samucchindissanti, yathāpaññatte porāṇe vajjidhamme samādāya vattissanti; vuddhiyeva, licchavī, vajjīnaṃ pāṭikañkhā, no parihāni.

“Yāvakīvañca, licchavī, vajjī ye te vajjīnaṃ vajjimahallakā te sakkarissanti garuṃ karissanti mānessanti pūjessanti, tesañca sotabbaṃ maññissanti; vuddhiyeva, licchavī, vajjīnaṃ pāṭikañkhā, no parihāni.

“Yāvakīvañca, licchavī, vajjī yā tā kulitthiyo kulakumāriyo tā na okassa pasayha vāsessanti; vuddhiyeva, licchavī, vajjīnaṃ pāṭikañkhā, no parihāni.

“Yāvakīvañca, licchavī, vajjī yāni tāni vajjīnaṃ vajjicetiyaṇi abbhantarāni ceva bāhirāni ca tāni sakkarissanti garuṃ karissanti mānessanti pūjessanti, tesañca dinnapubbaṃ katapubbaṃ dhammikaṃ baliṃ no parihāpessanti; vuddhiyeva, licchavī, vajjīnaṃ pāṭikañkhā, no parihāni.

“Yāvakīvañca, licchavī, vajjīnaṃ arahantesu dhammikā rakkhāvaraṇagutti susaṃvihitā bhavissati – ‘kinti anāgatā ca arahanto vijitaṃ āgaccheyyum, āgatā ca arahanto vijite phāsum vihareyyu’nti; vuddhiyeva, licchavī, vajjīnaṃ pāṭikañkhā, no parihāni.

“Yāvakīvañca, licchavī, ime satta aparihāniyā dhammā vajjīsu ṭhassanti [vattissanti (ka.)], imesu ca sattu aparihāniyesu dhammesu vajjī sandississanti [sandissanti (sī. pī. ka.)]; vuddhiyeva, licchavī, vajjīnaṃ pāṭikañkhā, no parihāni”ti. Paṭhamam.

2. Vassakārasuttam

22. Evaṃ me sutam – ekaṃ samayaṃ bhagavā rājagahe viharati giṃhakūṭe pabbate. Tena kho pana samayena rājā māgadho ajātasattu vedehiputto vajjī abhiyātukāmo hoti. So evamāha – “ahaṃ hime vajjī evaṃmahiddhike evaṃmahānubhāve ucchecchāmi [ucchējissāmi (syā.), ucchijissāmi (ka.)], vajjī vināsessāmi, vajjī anayabyasanaṃ āpādessāmi”ti [āpādessāmi vajjīti (ka.) dī. ni. 2.131].

Atha kho rājā māgadho ajātasattu vedehiputto vassakāraṃ brāhmaṇaṃ māgadhamahāmatam āmantesi – “ehi tvaṃ, brāhmaṇa, yena bhagavā tenupasaṅkama; upasaṅkamitvā mama vacanena bhagavato pāde sirasā vandāhi, appābādham appātākaṃ lahuṭṭhānaṃ balaṃ phāsuvihāraṃ puccha – ‘rājā, bhante, māgadho ajātasattu vedehiputto bhagavato pāde sirasā vandati, appābādham appātākaṃ lahuṭṭhānaṃ balaṃ phāsuvihāraṃ pucchati’ti. Evañca vadehi – ‘rājā, bhante, māgadho ajātasattu vedehiputto vajjī abhiyātukāmo. So evamāha – ‘ahaṃ hime vajjī evaṃmahiddhike evaṃmahānubhāve ucchecchāmi, vajjī vināsessāmi, vajjī anayabyasanaṃ āpādessāmi’ti. Yathā te bhagavā byākaroti, taṃ sādhukaṃ uggahetvā mama āroceyyāsi. Na hi tathāgatā vitathaṃ bhaṇanti’”ti.

“Evaṃ, bho”ti kho vassakāro brāhmaṇo māgadhamahāmatto rañño māgadhasa ajātasattussa vedehiputtassa paṭissutvā yena bhagavā tenupasaṅkama; upasaṅkamitvā bhagavatā saddhiṃ sammodi. Sammodanīyaṃ kathaṃ saraṇīyaṃ vītisāretvā ekamantaṃ nisīdi. Ekamantaṃ nisinno kho vassakāro brāhmaṇo māgadhamahāmatto bhagavantaṃ etadavoca – “rājā, bho gotama, māgadho ajātasattu vedehiputto bhoto gotamassa pāde sirasā vandati, appābādham appātākaṃ lahuṭṭhānaṃ balaṃ phāsuvihāraṃ pucchati. Rājā [evañca vadeti rājā (sī. ka.)], bho gotama, māgadho ajātasattu vedehiputto vajjī abhiyātukāmo. So evamāha – ‘ahaṃ hime vajjī evaṃmahiddhike evaṃmahānubhāve ucchecchāmi, vajjī vināsessāmi, vajjī anayabyasanaṃ āpādessāmi’”ti.

Tena kho pana samayena āyasmā ānando bhagavato piṭṭhito ṭhito hoti bhagavantaṃ bījāyamāno [vījamāno (sī. syā.)]. Atha kho bhagavā āyasmantaṃ ānantaṃ āmantesi – “kinti te, ānanda, sutam – ‘vajjī abhiṇhaṃ sannipātā sannipātabahulā’”ti? “Sutam metaṃ, bhante – ‘vajjī abhiṇhaṃ sannipātā sannipātabahulā’”ti. “Yāvakīvañca, ānanda, vajjī abhiṇhaṃ sannipātā bhavissanti sannipātabahulā; vuddhiyeva, ānanda, vajjīnaṃ pāṭikañkhā, no parihāni.

“Kinti te, ānanda, sutam – ‘vajjī samaggā sannipatanti, samaggā vuṭṭhahanti, samaggā vajjikaraṇīyāni karonti’”ti? “Sutam metaṃ, bhante – ‘vajjī samaggā sannipatanti, samaggā vuṭṭhahanti, samaggā vajjikaraṇīyāni karonti’”ti. “Yāvakīvañca, ānanda, vajjī samaggā sannipatissanti, samaggā vuṭṭhahissanti, samaggā vajjikaraṇīyāni karissanti; vuddhiyeva, ānanda, vajjīnaṃ pāṭikañkhā, no parihāni.

“Kinti te, ānanda, sutam – ‘vajjī apaññattaṃ na paññāpentī, paññattaṃ na samucchindanti, yathāpaññatte porāṇe vajjidhamme samādāya vattanti’”ti? “Sutam metaṃ, bhante – ‘vajjī apaññattaṃ na paññāpentī, paññattaṃ na samucchindanti, yathāpaññatte porāṇe vajjidhamme samādāya vattanti’”ti. “Yāvakīvañca, ānanda, vajjī apaññattaṃ na paññāpessanti, paññattaṃ na samucchindissanti, yathāpaññatte porāṇe vajjidhamme samādāya vattissanti; vuddhiyeva, ānanda, vajjīnaṃ pāṭikañkhā, no parihāni.

“Kinti te, ānanda, sutam – ‘vajjī ye te vajjīnaṃ vajjimahallakā te sakkaronti garuṃ karonti mānenti pūjenti, tesañca sotabbaṃ maññanti’”ti? “Sutam metaṃ, bhante – ‘vajjī ye te vajjīnaṃ vajjimahallakā te sakkaronti garuṃ karonti mānenti pūjenti, tesañca sotabbaṃ maññanti’”ti. “Yāvakīvañca, ānanda,

vajjī ye te vajjīnaṃ vajjimahallakā te sakkarissanti garuṃ karissanti mānessanti pūjessanti, tesañca sotabbam maññissanti; vuddhiyeva, ānanda, vajjīnaṃ pāṭikañkhā, no parihāni.

“Kinti te, ānanda, sutam – ‘vajjī yā tā kulitthiyo kulakumāriyo tā na okassa pasayha vāsenti’”ti?
 “Sutam metam, bhante – ‘vajjī yā tā kulitthiyo kulakumāriyo tā na okassa pasayha vāsenti’”ti.
 “Yāvakīvañca, ānanda, vajjī yā tā kulitthiyo kulakumāriyo tā na okassa pasayha vāsessanti; vuddhiyeva, ānanda, vajjīnaṃ pāṭikañkhā, no parihāni.

“Kinti te, ānanda, sutam – ‘vajjī yāni tāni vajjīnaṃ vajjicetiyaṇi abbhantarāni ceva bāhirāni ca tāni sakkaronti garuṃ karonti mānenti pūjenti, tesañca dinnapubbam katapubbam dhammikaṃ baliṃ no parihāpentī’”ti? “Sutam metam, bhante – ‘vajjī yāni tāni vajjīnaṃ vajjicetiyaṇi abbhantarāni ceva bāhirāni ca tāni sakkaronti garuṃ karonti mānenti pūjenti, tesañca dinnapubbam katapubbam dhammikaṃ baliṃ no parihāpentī’”ti. “Yāvakīvañca, ānanda, vajjī yāni tāni vajjīnaṃ vajjicetiyaṇi abbhantarāni ceva bāhirāni ca tāni sakkarissanti garuṃ karissanti mānessanti pūjessanti, tesañca dinnapubbam katapubbam dhammikaṃ baliṃ no parihāpessanti; vuddhiyeva, ānanda, vajjīnaṃ pāṭikañkhā, no parihāni.

“Kinti te, ānanda, sutam – ‘vajjīnaṃ arahantesu dhammikā rakkhāvaraṇagutti susaṃvihitā – kinti anāgatā ca arahanto vijitam āgaccheyyūṃ, āgatā ca arahanto vijite phāsuṃ vihareyyu’”nti? “Sutam metam, bhante – ‘vajjīnaṃ arahantesu dhammikā rakkhāvaraṇagutti susaṃvihitā bhavissati – kinti anāgatā ca arahanto vijitam āgaccheyyūṃ, āgatā ca arahanto vijite phāsuṃ vihareyyu’”nti.
 “Yāvakīvañca, ānanda, vajjīnaṃ arahantesu dhammikā rakkhāvaraṇagutti susaṃvihitā bhavissati – ‘kinti anāgatā ca arahanto vijitam āgaccheyyūṃ, āgatā ca arahanto vijite phāsuṃ vihareyyu’nti; vuddhiyeva, ānanda, vajjīnaṃ pāṭikañkhā, no parihāni’”ti.

Atha kho bhagavā vassakāraṃ brāhmaṇaṃ māgadhamahāmattaṃ āmantesi – “ekamidāham, brāhmaṇa, samayaṃ vesāliyaṃ viharāmi sārandaḍḍe cetiye. Tatrāham, brāhmaṇa, vajjīnaṃ ime satta aparihāniye dhamme desesiṃ. Yāvakīvañca, brāhmaṇa, ime satta aparihāniyā dhammā vajjīsu ṭhassanti, imesu ca sattu aparihāniyesu dhammesu vajjī sandississanti; vuddhiyeva, brāhmaṇa, vajjīnaṃ pāṭikañkhā, no parihāni’”ti.

“Ekamekenapi [ekamekenapi tena kho (ka.) dī. ni. 2.135] bho, gotama, aparihāniyena dhammena samannāgatānaṃ vajjīnaṃ vuddhiyeva pāṭikañkhā, no parihāni; ko pana vādo sattahi aparihāniyehi dhammehi! Akaraṇīyā ca, bho gotama, vajjī raññā māgadhenā ajātasattunā vedehiputtana yadidaṃ yuddhassa, aññatra upalāpanāya [upalāpanā (ka. sī. ka.)], aññatra mithubhedā. Handa ca dāni mayaṃ, bho gotama, gacchāma, bahukiccā mayaṃ bahukaraṇīyā’”ti. “Yassadāni tvam, brāhmaṇa, kālaṃ maññasi’”ti. Atha kho vassakāro brāhmaṇo māgadhamahāmatto bhagavato bhāsitaṃ abhinanditvā anumoditvā utthāyāsanaṃ pakkāmiti. Dutiyaṃ.

3. Paṭhamasattakasuttaṃ

23. Evaṃ me sutam – ekaṃ samayaṃ bhagavā rājagahe viharati gijjhakūṭe pabbate. Tatra kho bhagavā bhikkhū āmantesi – “satta vo, bhikkhave, aparihāniye dhamme desessāmi. Tam suṇātha, sādhukaṃ manasi karotha; bhāsissāmi’”ti. “Evaṃ, bhante’”ti kho te bhikkhū bhagavato paccassosum. Bhagavā etadavoca –

“Katame ca, bhikkhave, satta aparihāniyā dhammā? Yāvakīvañca, bhikkhave, bhikkhū abhiṇham sannipātā bhavissanti sannipātabahulā; vuddhiyeva, bhikkhave, bhikkhūnaṃ pāṭikañkhā, no parihāni.

“Yāvakīvañca, bhikkhave, bhikkhū samaggā sannipatissanti, samaggā vuṭṭhahissanti, samaggā saṅghakaraṇīyāni karissanti; vuddhiyeva, bhikkhave, bhikkhūnaṃ pāṭikañkhā, no parihāni.

“Yāvakīvañca, bhikkhave, bhikkhū apaññattaṃ na paññāpessanti, paññattaṃ na samucchindissanti, yathāpaññattesu sikkhāpadesu samādāya vattissanti; vuddhiyeva, bhikkhave, bhikkhūnaṃ pāṭikañkhā, no parihāni.

“Yāvakīvañca, bhikkhave, bhikkhū ye te bhikkhū therā rattaññū cirapabbajitā saṅghapitaro saṅghapariṇāyakā te sakkarissanti garuṃ karissanti mānessanti pūjessanti, tesañca sotabbaṃ maññissanti; vuddhiyeva, bhikkhave, bhikkhūnaṃ pāṭikañkhā, no parihāni.

“Yāvakīvañca, bhikkhave, bhikkhū uppanāya taṇhāya ponobhavikāya na vasaṃ gacchissanti; vuddhiyeva, bhikkhave, bhikkhūnaṃ pāṭikañkhā, no parihāni.

“Yāvakīvañca, bhikkhave, bhikkhū āraññakesu senāsanesu sāpekkhā bhavissanti; vuddhiyeva, bhikkhave, bhikkhūnaṃ pāṭikañkhā, no parihāni.

“Yāvakīvañca, bhikkhave, bhikkhū paccattaññeva satim upaṭṭhāpessanti – ‘kinti anāgatā ca pesalā sabrahmacārī āgaccheyyūṃ, āgatā ca pesalā sabrahmacārī phāsum vihareyyu’nti; vuddhiyeva, bhikkhave, bhikkhūnaṃ pāṭikañkhā, no parihāni.

“Yāvakīvañca, bhikkhave, ime satta aparihāniyā dhammā bhikkhūsu ṭhassanti, imesu ca sattasu aparihāniyesu dhammesu bhikkhū sandississanti; vuddhiyeva, bhikkhave, bhikkhūnaṃ pāṭikañkhā, no parihāni’”ti. Tatiyaṃ.

4. Dutiyasattakasuttaṃ

24. [dī. ni. 2.138] “Satta vo, bhikkhave, aparihāniye dhamme desessāmi. Taṃ suṇātha, sādhucaṃ manasi karotha...pe... katame ca, bhikkhave, satta aparihāniyā dhammā?

Yāvakīvañca, bhikkhave, bhikkhū na kammārāmā bhavissanti, na kammaratā, na kammārāmatam anuyuttā; vuddhiyeva, bhikkhave, bhikkhūnaṃ pāṭikañkhā, no parihāni.

“Yāvakīvañca, bhikkhave, bhikkhū na bhassārāmā bhavissanti...pe... na niddārāmā bhavissanti... na saṅgaṇikārāmā bhavissanti... na pāpicchā bhavissanti na pāpikānaṃ icchānaṃ vasaṃ gatā... na pāpamittā bhavissanti na pāpasahāyā na pāpasampavañkā... na oramattakena visesādhigamena antarāvosaṇaṃ āpajjissanti; vuddhiyeva, bhikkhave, bhikkhūnaṃ pāṭikañkhā, no parihāni.

“Yāvakīvañca, bhikkhave, ime satta aparihāniyā dhammā bhikkhūsu ṭhassanti, imesu ca sattasu aparihāniyesu dhammesu bhikkhū sandississanti; vuddhiyeva, bhikkhave, bhikkhūnaṃ pāṭikañkhā, no parihāni’”ti. Catutthaṃ.

5. Tatiyasattakasuttaṃ

25. “Satta vo, bhikkhave, aparihāniye dhamme desessāmi. Taṃ suṇātha, sādhucaṃ manasi karotha...pe... katame ca, bhikkhave, satta aparihāniyā dhammā? Yāvakīvañca, bhikkhave, bhikkhū saddhā bhavissanti; vuddhiyeva, bhikkhave, bhikkhūnaṃ pāṭikañkhā, no parihāni.

“Yāvakīvañca, bhikkhave, bhikkhū hirimanto [hirimā (sī.), hirimanā (dī. ni. 2.138)] bhavissanti... pe... ottappino [ottāpīno (sī.)] bhavissanti... bahussutā bhavissanti... āradhaviṛiyā bhavissanti... satimanto bhavissanti... paññavanto bhavissanti; vuddhiyeva, bhikkhave, bhikkhūnaṃ pāṭikañkhā, no parihāni. “Yāvakīvañca, bhikkhave, ime satta aparihāniyā dhammā bhikkhūsu ṭhassanti, imesu ca sattasu aparihāniyesu dhammesu bhikkhū sandississanti; vuddhiyeva, bhikkhave, bhikkhūnaṃ pāṭikañkhā, no parihāni’”ti. Pañcamaṃ.

6. Bojjhaṅgasuttaṃ

26. “Satta vo, bhikkhave, aparihāniye dhamme desessāmi. Taṃ suṇātha, sādhukaṃ manasi karotha...pe... katame ca, bhikkhave, satta aparihāniyā dhammā? Yāvakīvañca, bhikkhave, bhikkhū satisambojjhaṅgaṃ bhāvevanti; vuddhiyeva, bhikkhave, bhikkhūnaṃ pāṭikaṅkhā, no parihāni.

“Yāvakīvañca, bhikkhave, bhikkhū dhammavicayasambojjhaṅgaṃ bhāvevanti...pe... vīriyasambojjhaṅgaṃ bhāvevanti... pītisambojjhaṅgaṃ bhāvevanti... passaddhisambojjhaṅgaṃ bhāvevanti... samādhisambojjhaṅgaṃ bhāvevanti... upekkhāsambojjhaṅgaṃ bhāvevanti; vuddhiyeva, bhikkhave, bhikkhūnaṃ pāṭikaṅkhā, no parihāni. “Yāvakīvañca, bhikkhave, ime satta aparihāniyā dhammā bhikkhūsu ṭhassanti, imesu ca sattasu aparihāniyesu dhammesu bhikkhū sandissivanti; vuddhiyeva, bhikkhave, bhikkhūnaṃ pāṭikaṅkhā, no parihāni”ti. Chaṭṭhaṃ.

7. Saññāsuttaṃ

27. “Satta vo, bhikkhave, aparihāniye dhamme desessāmi. Taṃ suṇātha, sādhukaṃ manasi karotha...pe... Katame ca, bhikkhave, satta aparihāniyā dhammā? Yāvakīvañca, bhikkhave, bhikkhū aniccasaññaṃ bhāvevanti; vuddhiyeva, bhikkhave, bhikkhūnaṃ pāṭikaṅkhā, no parihāni.

“Yāvakīvañca, bhikkhave, bhikkhū anattasaññaṃ bhāvevanti...pe... asubhasaññaṃ bhāvevanti... ādīnavasaññaṃ bhāvevanti... pahānasaññaṃ bhāvevanti... virāgasaññaṃ bhāvevanti... nirodhasaññaṃ bhāvevanti; vuddhiyeva, bhikkhave, bhikkhūnaṃ pāṭikaṅkhā, no parihāni. “Yāvakīvañca, bhikkhave, ime satta aparihāniyā dhammā bhikkhūsu ṭhassanti, imesu ca sattasu aparihāniyesu dhammesu, bhikkhū sandissivanti; vuddhiyeva, bhikkhave, bhikkhūnaṃ pāṭikaṅkhā, no parihāni”ti [dī. ni. 2.138]. Sattamaṃ.

8. Paṭhamaparihānisuttaṃ

28. Evaṃ me suttaṃ – ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tatra kho bhagavā bhikkhū āmantesi – “sattime, bhikkhave, dhammā sekhassa bhikkhuno parihānāya saṃvattanti. Katame satta? Kammārāmatā, bhassārāmatā, niddārāmatā, saṅgaṇikārāmatā, indriyesu aguttadvāratā, bhojane amattaññutā, santi kho pana saṅhe saṅghakaraṇīyāni; tatra sekho bhikkhu [tatra bhikkhu (sī. syā.)] iti paṭisaṅcikkhati – ‘santi kho pana saṅhe therā [kho saṃghattherā (ka.)] rattaññū cirapabbajitā bhāravāhino, te [na te (ka.)] tena paññāyivanti’ti attanā tesu yogaṃ [attanā voyogaṃ (sī. syā.)] āpajjati. Ime kho, bhikkhave, satta dhammā sekhassa bhikkhuno parihānāya saṃvattanti.

“Sattime, bhikkhave, dhammā sekhassa bhikkhuno parihānāya saṃvattanti. Katame satta? Na kammārāmatā, na bhassārāmatā, na niddārāmatā, na saṅgaṇikārāmatā, indriyesu guttadvāratā, bhojane mattaññutā, santi kho pana saṅhe saṅghakaraṇīyāni; tatra sekho bhikkhu iti paṭisaṅcikkhati – ‘santi kho pana saṅhe therā rattaññū cirapabbajitā bhāravāhino, te tena paññāyivanti’ti attanā na tesu yogaṃ āpajjati. Ime kho, bhikkhave, satta dhammā sekhassa bhikkhuno parihānāya saṃvattanti’ti. Aṭṭhamaṃ.

9. Dutiyaparihānisuttaṃ

29. “Sattime, bhikkhave, dhammā upāsakassa parihānāya saṃvattanti. Katame satta? Bhikkhudassanaṃ hāpeti, saddhammassavanaṃ pamajjati, adhisīle na sikkhati, appasādhābahuḷo hoti, bhikkhūsu thesū ceva navesu ca majjhimesu ca upārambhacitto dhammaṃ suṇāti randhagavesī, ito bahiddhā dakkhiṇeyyaṃ gavesati, tattha ca pubbakāraṃ karoti. Ime kho, bhikkhave, satta dhammā upāsakassa parihānāya saṃvattanti.

“Sattime, bhikkhave, dhammā upāsakassa aparihānāya saṃvattanti. Katame satta?
 Bhikkhudassanaṃ na hāpeti, saddhammassavanaṃ nappamajjati, adhisīle sikkhati, pasādabahulo hoti,
 bhikkhūsu theresu ceva navesu ca majjhimesu ca anupārambhacitto dhammaṃ suṇāti na randhagavesī,
 na ito bahiddhā dakkhiṇeyyaṃ gavesati, idha ca pubbakāraṃ karoti. Ime kho, bhikkhave, satta dhammā
 upāsakassa aparihānāya saṃvattanti”ti. Idamavoca bhagavā. Idaṃ vatvāna sugato athāparaṃ etadavoca
 satthā –

“Dassanaṃ bhāvitattānaṃ, yo hāpeti upāsako;
 Savanañca ariyadhammānaṃ, adhisīle na sikkhati.

“Appasādo ca bhikkhūsu, bhiyyo bhiyyo pavaḍḍhati;
 Upārambhakacitto ca, saddhammaṃ sotumicchati.

“Ito ca bahiddhā aññaṃ, dakkhiṇeyyaṃ gavesati;
 Tattheva ca pubbakāraṃ, yo karoti upāsako.

“Ete kho parihāniye, satta dhamme sudesite;
 Upāsako sevamāno, saddhammā parihāyati.

“Dassanaṃ bhāvitattānaṃ, yo na hāpeti upāsako;
 Savanañca ariyadhammānaṃ, adhisīle ca sikkhati.

“Pasādo cassa bhikkhūsu, bhiyyo bhiyyo pavaḍḍhati;
 Anupārambhacitto ca, saddhammaṃ sotumicchati.

“Na ito bahiddhā aññaṃ, dakkhiṇeyyaṃ gavesati;
 Idheva ca pubbakāraṃ, yo karoti upāsako.

“Ete kho aparihāniye, satta dhamme sudesite;
 Upāsako sevamāno, saddhammā na parihāyatī”ti. navamaṃ;

10. Vipattisuttaṃ

30. Sattimā, bhikkhave, upāsakassa vipattiyo...pe... sattimā, bhikkhave, upāsakassa sampadā...
 pe.... Dasamaṃ.

11. Parābhavasuttaṃ

31. “Sattime, bhikkhave, upāsakassa parābhavā...pe... sattime, bhikkhave, upāsakassa sambhavā.
 Katame satta? Bhikkhudassanaṃ na hāpeti, saddhammassavanaṃ nappamajjati, adhisīle sikkhati,
 pasādabahulo hoti, bhikkhūsu theresu ceva navesu ca majjhimesu ca anupārambhacitto dhammaṃ suṇāti
 na randhagavesī, na ito bahiddhā dakkhiṇeyyaṃ gavesati, idha ca pubbakāraṃ karoti. Ime kho,
 bhikkhave, satta upāsakassa sambhavāti.

“Dassanaṃ bhāvitattānaṃ, yo hāpeti upāsako;
 Savanañca ariyadhammānaṃ, adhisīle na sikkhati.

“Appasādo ca bhikkhūsu, bhiyyo bhiyyo pavaḍḍhati;
 Upārambhakacitto ca, saddhammaṃ sotumicchati.

“Ito ca bahiddhā aññaṃ, dakkhiṇeyyaṃ gavesati;
Tattheva ca pubbakāraṃ, yo karoti upāsako.

“Ete kho parihāniye, satta dhamme sudesite;
Upāsako sevamāno, saddhammā parihāyati.

“Dassanaṃ bhāvitattānaṃ, yo na hāpeti upāsako;
Savanañca ariyadhammānaṃ, adhisīle ca sikkhati.

“Pasādo cassa bhikkhūsu, bhiyyo bhiyyo pavaḍḍhati;
Anupārambhacitto ca, saddhammaṃ sotumicchati.

“Na ito bahiddhā aññaṃ, dakkhiṇeyyaṃ gavesati;
Idheva ca pubbakāraṃ, yo karoti upāsako.

“Ete kho aparihāniye, satta dhamme sudesite;
Upāsako sevamāno, saddhammā na parihāyatī”’ti. ekādasamaṃ;

Vajjisattakavaggo [vajjivaggo (syā.)] tatiyo.

Tassuddānaṃ –

Sāranda -vassakāro ca, tisattakāni bhikkhukā;
Bodhisañña dve ca hāni, vipatti ca parābhavoti.

4. Devatāvaggo

1. Appamādagāravasuttaṃ

32. Atha kho aññatarā devatā abhikkantāya rattiyā abhikkantavaṇṇā kevalakappaṃ jetavanaṃ obhāsetvā yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ aṭṭhāsi. Ekamantaṃ ṭhitā kho sā devatā bhagavantaṃ etadavoca –

“Sattime, bhante, dhammā bhikkhuno aparihānāya saṃvattanti. Katame satta? Satthugāravatā, dhammagāravatā, saṅhagāravatā, sikkhāgāravatā, samādhigāravatā, appamādagāravatā, paṭisanthāragāravatā. Ime kho, bhante, satta dhammā bhikkhuno aparihānāya saṃvattanti”’ti. Idamavoca sā devatā. Samanuñño satthā ahoṣi. Atha kho sā devatā “samanuñño me satthā”’ti bhagavantaṃ abhivādetvā padakkhiṇaṃ katvā tatthevantaradhāyi.

Atha kho bhagavā tassā rattiyā accayena bhikkhū āmantesi – “imaṃ, bhikkhave, rattiṃ aññatarā devatā abhikkantāya rattiyā abhikkantavaṇṇā kevalakappaṃ jetavanaṃ obhāsetvā yenaṃ tenupasaṅkami; upasaṅkamitvā maṃ abhivādetvā ekamantaṃ aṭṭhāsi. Ekamantaṃ ṭhitā kho, bhikkhave, sā devatā maṃ etadavoca – ‘sattime, bhante, dhammā bhikkhuno aparihānāya saṃvattanti. Katame satta? Satthugāravatā, dhammagāravatā, saṅhagāravatā, sikkhāgāravatā, samādhigāravatā, appamādagāravatā, paṭisanthāragāravatā – ime kho, bhante, satta dhammā bhikkhuno aparihānāya saṃvattanti”’ti. Idamavoca, bhikkhave, sā devatā. Idam vtvā maṃ abhivādetvā padakkhiṇaṃ katvā tatthevantaradhāyi”’ti.

“Satthugaru dhammagaru, saṅghe ca tibbagāravo;
Samādhigaru ātāpī [samādhigāravatāpī ca (ka.)], sikkhāya tibbagāravo.

“Appamādagaru bhikkhu, paṭisanthāragāro;
Abhabbo parihānāya, nibbānasseva santike”ti. paṭhamam;

2. Hirigāravasuttam

33. “Imam, bhikkhave, rattim aññatarā devatā abhikkantāya rattiya abhikkantavaṇṇā kevalakappam jetavanam obhāsetvā yenāham tenupasaṅkami; upasaṅkamitvā maṃ abhivādetvā ekamantaṃ aṭṭhāsi. Ekamantaṃ ṭhitā kho, bhikkhave, sā devatā maṃ etadavoca – ‘sattime, bhante, dhammā bhikkhuno aparihānāya saṃvattanti. Katame satta? Sattugāravatā, dhammagāravatā, saṅghagāravatā, sikkhāgāravatā, samādhigāravatā, hirigāravatā, ottappagāravatā. Ime kho, bhante, satta dhammā bhikkhuno aparihānāya saṃvattanti”ti. Idamavoca, bhikkhave, sā devatā. Idam vatvā maṃ abhivādetvā padakkhiṇam katvā tatthevantaradhāyī”ti.

“Sattugaru dhammagaru, saṅhe ca tibbagāro;
Samādhigaru ātāpī, sikkhāya tibbagāro.

“Hiri ottappasampanno, sappatisso sagāro;
Abhabbo parihānāya, nibbānasseva santike”ti. dutiyam;

3. Paṭhamasovacassatāsuttam

34. “Imam, bhikkhave, rattim aññatarā devatā...pe... maṃ etadavoca – ‘sattime, bhante, dhammā bhikkhuno aparihānāya saṃvattanti. Katame satta? Sattugāravatā, dhammagāravatā, saṅghagāravatā, sikkhāgāravatā, samādhigāravatā, sovacassatā, kalyāṇamittatā. Ime kho, bhante, satta dhammā bhikkhuno aparihānāya saṃvattanti”ti. Idamavoca, bhikkhave, sā devatā. Idam vatvā maṃ abhivādetvā padakkhiṇam katvā tatthevantaradhāyī”ti.

“Sattugaru dhammagaru, saṅhe ca tibbagāro;
Samādhigaru ātāpī, sikkhāya tibbagāro.

“Kalyāṇamitto suvaco, sappatisso sagāro;
Abhabbo parihānāya, nibbānasseva santike”ti. tatiyam;

4. Dutiyasovacassatāsuttam

35. “Imam, bhikkhave, rattim aññatarā devatā abhikkantāya rattiya abhikkantavaṇṇā...pe... ‘sattime, bhante, dhammā bhikkhuno aparihānāya saṃvattanti. Katame satta? Sattugāravatā, dhammagāravatā, saṅghagāravatā, sikkhāgāravatā, samādhigāravatā, sovacassatā, kalyāṇamittatā. Ime kho, bhante, satta dhammā bhikkhuno aparihānāya saṃvattanti”ti. Idamavoca, bhikkhave, sā devatā. Idam vatvā maṃ abhivādetvā padakkhiṇam katvā tatthevantaradhāyī”ti.

Evam vutte āyasmā sārīputto bhagavantam etadavoca – “imassa kho aham, bhante, bhagavatā saṃkhittena bhāsītassa evam vitthārena attham ājānāmi. Idha, bhante, bhikkhu attanā ca sattugāro hoti, sattugāravatāya ca vaṇṇavādī. Ye caññe bhikkhū na sattugāravā te ca sattugāravatāya samādapeti. Ye caññe bhikkhū sattugāravā tesaṇca vaṇṇam bhaṇati bhūtam taccham kālena. Attanā ca dhammagāro hoti...pe... saṅghagāro hoti... sikkhāgāro hoti... samādhigāro hoti... suvaco hoti... kalyāṇamitto hoti, kalyāṇamittatāya ca vaṇṇavādī. Ye caññe bhikkhū na kalyāṇamittā te ca kalyāṇamittatāya samādapeti. Ye caññe bhikkhū kalyāṇamittā tesaṇca vaṇṇam bhaṇati bhūtam taccham kālenāti. Imassa kho aham, bhante, bhagavatā saṃkhittena bhāsītassa evam vitthārena attham ājānāmi”ti.

“Sādhu sādhu, sārīputta! Sādhu kho tvaṃ, sārīputta, imassa mayā saṃkhittena bhāsītassa evaṃ vitthārena atthaṃ ājānāsi. Idha, sārīputta, bhikkhu attanā ca satthugāravo hoti, satthugāravatāya ca vaṇṇavādī. Ye caññe bhikkhū na satthugāravā te ca satthugāravatāya samādapeti. Ye caññe bhikkhū satthugāravā tesañca vaṇṇaṃ bhaṇati bhūtaṃ tacchaṃ kālena. Attanā ca dhammagāravo hoti...pe... saṅghagāravo hoti... sikkhagāravo hoti... samādhigāravo hoti... suvaco hoti... kalyāṇamitto hoti, kalyāṇamittatāya ca vaṇṇavādī. Ye caññe bhikkhū na kalyāṇamittā te ca kalyāṇamittatāya samādapeti. Ye caññe bhikkhū kalyāṇamittā tesañca vaṇṇaṃ bhaṇati bhūtaṃ tacchaṃ kālenāti. Imassa kho, sārīputta, mayā saṃkhittena bhāsītassa evaṃ vitthārena attho daṭṭhabbo”ti. Catutthaṃ.

5. Paṭhamamittasuttaṃ

36. “Sattahi, bhikkhave, aṅgehi samannāgato mitto sevitabbo. Katamehi sattahi? Duddadaṃ dadāti, dukkaraṃ karoti, dukkhamāṃ khamati, guyhamassa [guyhassa (ka.)] āvi karoti, guyhamassa [guyhaṃ assa (sī.), guyhassa (ka.)] pariguhati [parigūhati (sī. syā.), pariguyhati (ka.)], āpadāsu na jahati, khīṇena [khīṇe (ka.)] nātimaññati. Imehi kho, bhikkhave, sattahi aṅgehi samannāgato mitto sevitabbo”ti.

“Duddadaṃ dadāti mitto, dukkarañcāpi kubbati;
Athopissa duruttāni, khamati dukkhamāni ca [dukkhamāni (sī. syā.).]

“Guyhañca tassa [guyhamassa ca (syā.)] akkhāti, guyhassa parigūhati;
Āpadāsu na jahāti, khīṇena nātimaññati.

“Yamhi etāni ṭhānāni, saṃvijjantīdha [saṃvijjanti ca (ka.)] puggale;
So mitto mittakāmena, bhajitabbo tathāvidho”ti. pañcamāṃ;

6. Dutiyamittasuttaṃ

37. “Sattahi, bhikkhave, dhammehi samannāgato bhikkhu mitto sevitabbo bhajitabbo payirupāsītabbo api panujjamānenapi [panujjamānenapi (sī.)]. Katamehi sattahi? Piyo ca hoti manāpo ca garu ca bhāvanīyo ca vattā ca vacanakkhamo ca gambhīrañca kathaṃ kattā hoti, no ca aṭṭhāne niyojati. Imehi kho, bhikkhave, sattahi dhammehi samannāgato bhikkhu mitto sevitabbo bhajitabbo payirupāsītabbo api panujjamānenapi”ti.

“Piyo garu bhāvanīyo, vattā ca vacanakkhamo;
Gambhīrañca kathaṃ kattā, no aṭṭhāne niyojako [niyojaye (sī. syā.).]

“Yamhi etāni ṭhānāni, saṃvijjantīdha puggale;
So mitto mittakāmena, atthakāmānukampato;
Api nāsiyamānena, bhajitabbo tathāvidho”ti. chaṭṭhaṃ;

7. Paṭhamapaṭisambhidāsuttaṃ

38. “Sattahi, bhikkhave, dhammehi samannāgato bhikkhu nacirasseva catasso paṭisambhidā sayāṃ abhiññā sacchikatvā upasampajja vihareyya. Katamehi sattahi? Idha, bhikkhave, bhikkhu ‘idaṃ me cetaso līnatta’nti yathābhūtaṃ pajānāti; ajjhataṃ saṃkhittaṃ vā cittaṃ ‘ajjhataṃ me saṃkhittaṃ citta’nti yathābhūtaṃ pajānāti; bahiddhā vikkhittaṃ vā cittaṃ ‘bahiddhā me vikkhittaṃ citta’nti yathābhūtaṃ pajānāti; tassa viditā vedanā uppajjanti, viditā upaṭṭhahanti, viditā abbatthaṃ gacchanti; viditā saññā uppajjanti, viditā upaṭṭhahanti, viditā abbatthaṃ gacchanti; viditā vitakkā uppajjanti, viditā upaṭṭhahanti, viditā abbatthaṃ gacchanti; sappāyāsappāyesu kho panassa dhammesu hīnappañtesu kaṇhasukkasappatibhāgesu nimittaṃ suggahitaṃ hoti sumanasikataṃ sūpadhāritaṃ suppaṭividdhaṃ paññāya. Imehi kho, bhikkhave, sattahi dhammehi samannāgato bhikkhu nacirasseva catasso

paṭisambhidā sayamaṃ abhiññā sacchikatvā upasampajja vihareyyā”ti. Sattamaṃ.

8. Dutiyapaṭisambhidāsuttaṃ

39. “Sattahi, bhikkhave, dhammehi samannāgato sārīputto catasso paṭisambhidā sayamaṃ abhiññā sacchikatvā upasampajja viharati. Katamehi sattahi? Idha, bhikkhave, sārīputto ‘idaṃ me cetaso līnatta’nti yathābhūtaṃ pajānāti; ajjhattaṃ saṃkhittaṃ vā cittaṃ ‘ajjhattaṃ me saṃkhittaṃ citta’nti yathābhūtaṃ pajānāti; bahiddhā vikkhittaṃ vā cittaṃ ‘bahiddhā me vikkhittaṃ citta’nti yathābhūtaṃ pajānāti; tassa viditā vedanā uppajjanti, viditā upaṭṭhahanti, viditā abbatthamaṃ gacchanti; viditā saññā... pe... vitakkā uppajjanti, viditā upaṭṭhahanti, viditā abbatthamaṃ gacchanti; sappāyāsappāyesu kho panassa dhammesu hīnappaṇītesu kaṇhasukkasappatibhāgesu nimittaṃ suggahitaṃ sumanasikataṃ sūpadhāritaṃ suppaṭividdhaṃ paññāya. Imehi kho, bhikkhave, sattahi dhammehi samannāgato sārīputto catasso paṭisambhidā sayamaṃ abhiññā sacchikatvā upasampajja viharati”ti. Aṭṭhamaṃ.

9. Paṭhamavasasuttaṃ

40. “Sattahi, bhikkhave, dhammehi samannāgato bhikkhu cittaṃ vase [vasaṃ (ka.)] vatteti, no ca bhikkhu cittaṃ vasena vattati. Katamehi sattahi? Idha, bhikkhave, bhikkhu samādhikusalo hoti, samādhissa samāpattikusalo hoti, samādhissa ṭhitikusalo hoti, samādhissa vuṭṭhānakusalo hoti, samādhissa kalyāṇakusalo hoti, samādhissa gocarakusalo hoti, samādhissa abhinīhārakusalo hoti. Imehi kho, bhikkhave, sattahi dhammehi samannāgato bhikkhu cittaṃ vase vatteti, no ca bhikkhu cittaṃ vasena vattati”ti. Navamaṃ.

10. Dutiyavasasuttaṃ

41. “Sattahi, bhikkhave, dhammehi samannāgato sārīputto cittaṃ vase vatteti, no ca sārīputto cittaṃ vasena vattati. Katamehi sattahi? Idha, bhikkhave, sārīputto samādhikusalo hoti, samādhissa samāpattikusalo, samādhissa ṭhitikusalo, samādhissa vuṭṭhānakusalo, samādhissa kalyāṇakusalo, samādhissa gocarakusalo, samādhissa abhinīhārakusalo hoti. Imehi kho, bhikkhave, sattahi dhammehi samannāgato sārīputto cittaṃ vase vatteti, no ca sārīputto cittaṃ vasena vattati”ti. Dasamaṃ.

11. Paṭhamaniddasasuttaṃ

42. Atha kho āyasmā sārīputto pubbaṇhasamayaṃ nivāsetvā pattacīvaramādāya sāvatthiṃ piṇḍāya pāvīsi. Atha kho āyasmato sārīputtassa etadahosi – “atippago kho tāva sāvatthiyaṃ piṇḍāya carituṃ. Yaṃnūnāhaṃ yena aññatitthiyānaṃ paribbājakānaṃ āraṃmo tenupasaṅkameyya”nti. Atha kho āyasmā sārīputto yena aññatitthiyānaṃ paribbājakānaṃ āraṃmo tenupasaṅkami; upasaṅkamitvā tehi aññatitthiyehi paribbājakehi saddhiṃ sammodi. Sammodanīyaṃ kathaṃ sāraṇīyaṃ vītisāretvā ekamantaṃ nisīdi. Tena kho pana samayena tesāṃ aññatitthiyānaṃ paribbājakānaṃ sannisinnānaṃ sannipatitānaṃ ayamantarākathā udapādi – “yo hi koci, āvuso, dvādasavassāni paripuṇṇaṃ parisuddhaṃ brahmacariyaṃ carati, ‘niddaso bhikkhū’ti alaṃ vacanāyā”ti.

Atha kho āyasmā sārīputto tesāṃ aññatitthiyānaṃ paribbājakānaṃ bhāsitaṃ neva abhinandi nappaṭikkosī. Anabhinanditvā appaṭikkositvā utṭhāyāsanaṃ pakkāmi – “bhagavato santike etassa bhāsitaṃ atthaṃ ajānissāmī”ti. Atha kho āyasmā sārīputto sāvatthiyaṃ piṇḍāya caritvā pacchābhattaṃ piṇḍapātaṭikkanto yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisīno kho āyasmā sārīputto bhagavantaṃ etadavoca –

“Idhāhaṃ, bhante, pubbaṇhasamayaṃ nivāsetvā pattacīvaramādāya sāvatthiṃ piṇḍāya pāvīsiṃ. Tassa mayhaṃ, bhante, etadahosi – ‘atippago kho tāva sāvatthiyaṃ piṇḍāya carituṃ. Yaṃnūnāhaṃ yena aññatitthiyānaṃ paribbājakānaṃ āraṃmo tenupasaṅkameyya’nti. Atha khvāhaṃ, bhante, yena

aññatitthiyānaṃ paribbājakānaṃ ārāmo tenupasaṅkamaṃ; upasaṅkamtivā tehi aññatitthiyehi paribbājakehi saddhiṃ sammodiṃ. Sammodanīyaṃ kathaṃ sāraṇīyaṃ vītisāretvā ekamantaṃ nisīdiṃ. Tena kho pana, bhante, samayena tesāṃ aññatitthiyānaṃ paribbājakānaṃ sannisinnānaṃ sannipatitānaṃ ayamantarākathā udapādi – ‘yo hi koci, āvuso, dvādasavassāni paripuṇṇaṃ parisuddhaṃ brahmacariyaṃ carati, niddaso bhikkhūti alaṃ vacanāyā’ti. Atha khvāhaṃ, bhante, tesāṃ aññatitthiyānaṃ paribbājakānaṃ bhāsitaṃ neva abhinandiṃ nappaṭikkosiṃ. Anabhinanditvā appaṭikkositvā utthāyāsanaṃ pakkamiṃ [pakkāmiṃ (sī. syā.)] – ‘bhagavato santike etassa atthaṃ ājānissāmī’ti. Sakkā nu kho, bhante, imasmiṃ dhammavinaye kevalaṃ vassagaṇanamattena niddaso bhikkhu paññāpetu’nti?

“Na kho, sārīputta, sakkā imasmiṃ dhammavinaye kevalaṃ vassagaṇanamattena niddaso bhikkhu paññāpetuṃ. Satta kho imāni, sārīputta, niddasavatthūni mayā sayāṃ abhiññā sacchikatvā paveditāni.

[a. ni. 7.20; dī. ni. 3.331] “Katamāni satta? Idha, sārīputta, bhikkhu sikkhāsamādāne tibbacchando hoti āyatiṅca sikkhāsamādāne avigatapemo, dhammanisantiyā tibbacchando hoti āyatiṅca dhammanisantiyā avigatapemo, icchāvinaye tibbacchando hoti āyatiṅca icchāvinaye avigatapemo, paṭisallāne tibbacchando hoti āyatiṅca paṭisallāne avigatapemo, vīriyārambhe tibbacchando hoti āyatiṅca vīriyārambhe avigatapemo, satinepakke tibbacchando hoti āyatiṅca satinepakke avigatapemo, diṭṭhipaṭivedhe tibbacchando hoti āyatiṅca diṭṭhipaṭivedhe avigatapemo. Imāni kho, sārīputta, satta niddasavatthūni mayā sayāṃ abhiññā sacchikatvā paveditāni. Imehi kho, sārīputta, sattahi niddasavatthūhi samannāgato bhikkhu dvādasa cepi vassāni paripuṇṇaṃ parisuddhaṃ brahmacariyaṃ carati, ‘niddaso bhikkhū’ti alaṃ vacanāyā; catubbīsati cepi vassāni paripuṇṇaṃ parisuddhaṃ brahmacariyaṃ carati, ‘niddaso bhikkhū’ti alaṃ vacanāyā; chattīṃsati cepi vassāni paripuṇṇaṃ parisuddhaṃ brahmacariyaṃ carati, ‘niddaso bhikkhū’ti alaṃ vacanāyā, aṭṭhacattārīsaṃ cepi vassāni paripuṇṇaṃ parisuddhaṃ brahmacariyaṃ carati, ‘niddaso bhikkhū’ti alaṃ vacanāyā’ti. Ekādasamaṃ.

12. Dutīyaniddasasuttaṃ

43. Evaṃ me suttaṃ – ekaṃ samayaṃ bhagavā kosambiyaṃ viharati ghoṣitārāme. Atha kho āyasmā ānando pubbaṅhasamayaṃ nivāsetvā pattacīvaramādāya kosambiṃ piṇḍāya pāvīsi. Atha kho āyasmato ānandassa etadahosi – ‘atippago kho tāva kosambiyaṃ piṇḍāya carituṃ. Yaṃnūnāhaṃ yena aññatitthiyānaṃ paribbājakānaṃ ārāmo tenupasaṅkameyya’nti. Atha kho āyasmā ānando yena aññatitthiyānaṃ paribbājakānaṃ ārāmo tenupasaṅkamaṃ; upasaṅkamtivā tehi aññatitthiyehi paribbājakehi saddhiṃ sammodi. Sammodanīyaṃ kathaṃ sāraṇīyaṃ vītisāretvā ekamantaṃ nisīdi.

Tena kho pana samayena tesāṃ aññatitthiyānaṃ paribbājakānaṃ sannisinnānaṃ sannipatitānaṃ ayamantarākathā udapādi – ‘yo hi koci, āvuso, dvādasa vassāni paripuṇṇaṃ parisuddhaṃ brahmacariyaṃ carati, ‘niddaso bhikkhū’ti alaṃ vacanāyā’ti.

Atha kho āyasmā ānando tesāṃ aññatitthiyānaṃ paribbājakānaṃ bhāsitaṃ neva abhinandi nappaṭikkosi. Anabhinanditvā appaṭikkositvā utthāyāsanaṃ pakkāmi – ‘bhagavato santike etassa bhāsītassa atthaṃ ājānissāmī’ti. Atha kho āyasmā ānando kosambiyaṃ piṇḍāya caritvā pacchābhattaṃ piṇḍapātaṭikkanto yena bhagavā tenupasaṅkamaṃ; upasaṅkamtivā bhagavantaṃ abhivādetvā ekamantaṃ nisīdi. Ekamantaṃ nisīno kho āyasmā ānando bhagavantaṃ etadavoca –

“Idhāhaṃ, bhante, pubbaṅhasamayaṃ nivāsetvā pattacīvaramādāya kosambiṃ piṇḍāya pāvīsiṃ. Tassa mayhaṃ, bhante, etadahosi – ‘atippago kho tāva kosambiyaṃ piṇḍāya carituṃ. Yaṃnūnāhaṃ yena aññatitthiyānaṃ paribbājakānaṃ ārāmo tenupasaṅkameyya’nti...pe... tehi saddhiṃ sammodiṃ. Sammodanīyaṃ kathaṃ sāraṇīyaṃ vītisāretvā ekamantaṃ nisīdiṃ.

“Tena kho pana, bhante, samayena tesāṃ aññatitthiyānaṃ paribbājakānaṃ sannisinnānaṃ sannipatitānaṃ ayamantarākathā udapādi – ‘yo hi koci, āvuso, dvādasavassāni paripuṇṇaṃ parisuddhaṃ

brahmacariyaṃ carati, niddaso bhikkhūti alaṃ vacanāyā'ti. Atha khvāhaṃ, bhante, tesam aññatthiyānaṃ paribbājakānaṃ bhāsitaṃ neva abhinandiṃ nappaṭikkosiṃ. Anabhinanditvā, appaṭikkositvā uṭṭhāyāsanaṃ pakkamiṃ – 'bhagavato santike etassa bhāsitassa atthaṃ ājānissāmi'ti. Sakkā nu kho, bhante, imasmiṃ dhammavinaye kevalaṃ vassagaṇanamattena niddaso bhikkhu paññāpetu'nti?

“Na kho, ānanda, sakkā imasmiṃ dhammavinaye kevalaṃ vassagaṇanamattena niddaso bhikkhu paññāpetuṃ. Satta kho imāni, ānanda, niddasavatthūni mayā sayam abhiññā sacchikatvā paveditāni.

“Katamāni satta? Idhānanda, bhikkhu, saddho hoti, hirīmā hoti, ottappī hoti, bahussuto hoti, āradhāvīriyo hoti, satimā hoti, paññavā hoti. Imāni kho, ānanda, satta niddasavatthūni mayā sayam abhiññā sacchikatvā paveditāni. Imehi kho, ānanda, sattahi niddasavatthūhi samannāgato bhikkhu dvādasā cepi vassāni paripuṇṇaṃ parisuddhaṃ brahmacariyaṃ carati, 'niddaso bhikkhū'ti alaṃ vacanāya; catubbīsati cepi vassāni paripuṇṇaṃ parisuddhaṃ brahmacariyaṃ carati, 'niddaso bhikkhū'ti alaṃ vacanāya; chattimsati cepi vassāni paripuṇṇaṃ parisuddhaṃ brahmacariyaṃ carati, 'niddaso bhikkhū'ti alaṃ vacanāya, aṭṭhacattārīsā cepi vassāni paripuṇṇaṃ parisuddhaṃ brahmacariyaṃ carati, 'niddaso bhikkhū'ti alaṃ vacanāyā'ti. Dvādasamaṃ.

Devatāvaggo catuttho.

Tassuddānaṃ –

Appamādo hirī ceva, dve suvacā duve mittā;
Dve paṭisambhidā dve vasā, duve niddasavatthunāti.

5. Mahāyaññavaggo

1. Sattaviññāṇaṭṭhitisuttaṃ

44. [dī. ni. 3.332; cūḷani. posālamāṇavapucchāniddeśa 83] “Sattimā, bhikkhave, viññāṇaṭṭhitiyo. Katamā satta? Santi, bhikkhave, sattā nānattakāyā nānattasaññino, seyyathāpi manussā, ekacce ca devā, ekacce ca vinipātikā. Ayaṃ paṭhamā viññāṇaṭṭhiti.

“Santi, bhikkhave, sattā nānattakāyā ekattasaññino, seyyathāpi devā brahmacāyikā paṭhamābhiniḃbattā. Ayaṃ dutiyā viññāṇaṭṭhiti.

“Santi, bhikkhave, sattā ekattakāyā nānattasaññino, seyyathāpi devā ābhassarā. Ayaṃ tatiyā viññāṇaṭṭhiti.

“Santi, bhikkhave, sattā ekattakāyā ekattasaññino, seyyathāpi devā subhakiṇhā. Ayaṃ catutthā viññāṇaṭṭhiti.

“Santi, bhikkhave, sattā sabbaso rūpasaññānaṃ samatikkamā paṭighasaññānaṃ atthaṅgamā nānattasaññānaṃ amanasikārā 'ananto ākāso'ti ākāsaññācāyatanūpagā. Ayaṃ pañcamā viññāṇaṭṭhiti.

“Santi, bhikkhave, sattā sabbaso ākāsaññācāyatanānaṃ samatikkamma 'anantaṃ viññāṇa'ti viññāṇaññācāyatanūpagā. Ayaṃ chaṭṭhā viññāṇaṭṭhiti.

“Santi, bhikkhave, sattā sabbaso viññāṇaññācāyatanānaṃ samatikkamma 'natthi kiñcī'ti ākiñcaññācāyatanūpagā. Ayaṃ sattamā viññāṇaṭṭhiti. Imā kho, bhikkhave, satta viññāṇaṭṭhitiyo'ti.

Paṭhamam.

2. Samādhiparikkhārasuttam

45. “Sattime, bhikkhave, samādhiparikkhārā. Katame satta? Sammādiṭṭhi, sammāsaṅkappo, sammāvācā, sammākammanto, sammāājīvo, sammāvāyāmo, sammāsati. Yā kho, bhikkhave, imehi sattahaṅgehi cittassekaggatā parikkhatā [[‘saparikkhāratā’](#)tipi, [‘saparikkhatā’](#)tipi ([sam. ni. 5.28](#))], ayam vuccati, bhikkhave, ariyo sammāsamādhi [[samādhi \(syā.\)](#)] saupaniso itipi saparikkhāro itipi”ti. Dutiyam.

3. Paṭhamaaggisuttam

46. “Sattime, bhikkhave, aggī. Katame satta? Rāgaggi, dosaggi, mohaggi, āhuneyyaggi, gahapataggi, dakkhiṇeyyaggi, kaṭṭhaggi – ime kho, bhikkhave, satta aggī”ti. Tatiyam.

4. Dutiyaaggisuttam

47. Tena kho pana samayena uggatasarīrassa brāhmaṇassa mahāyañño upakkaṭṭho hoti. Pañca usabhasatāni thūṇūpanītāni honti yaññatthāya, pañca vacchatarasatāni thūṇūpanītāni honti yaññatthāya, pañca vacchatarisatāni thūṇūpanītāni honti yaññatthāya, pañca ajasatāni thūṇūpanītāni honti yaññatthāya, pañca urabhasatāni thūṇūpanītāni honti yaññatthāya. Atha kho uggatasarīro brāhmaṇo yena bhagavā tenupasaṅkami; upasaṅkamitvā bhagavatā saddhiṃ sammodi. Sammodanīyam katham saraṇīyam vītisāretvā ekamantaṃ nisīdi. Ekamantaṃ nisinno kho uggatasarīro brāhmaṇo bhagavantaṃ etadavoca –

“Sutaṃ metaṃ, bho gotama, aggissa ādānaṃ [[ādhānaṃ \(sī. syā.\)](#)] yūpassa ussāpanaṃ mahapphalaṃ hoti mahānisaṃsa”nti. “Mayāpi kho etaṃ, brāhmaṇa, sutaṃ aggissa ādānaṃ yūpassa ussāpanaṃ mahapphalaṃ hoti mahānisaṃsa”nti. Dutiyampi kho uggatasarīro brāhmaṇo...pe... tatiyampi kho uggatasarīro brāhmaṇo bhagavantaṃ etadavoca – “sutaṃ metaṃ, bho gotama, aggissa ādānaṃ yūpassa ussāpanaṃ mahapphalaṃ hoti mahānisaṃsa”nti. “Mayāpi kho etaṃ, brāhmaṇa, sutaṃ aggissa ādānaṃ yūpassa ussāpanaṃ mahapphalaṃ hoti mahānisaṃsa”nti. “Tayidaṃ, bho gotama, sameti bhoto ceva gotamassa amhākaṅca, yadidaṃ sabbena sabbaṃ”.

Evaṃ vutte āyasmā ānando uggatasarīraṃ brāhmaṇaṃ etadavoca – “na kho, brāhmaṇa, tathāgatā evaṃ pucchitabbā – ‘sutaṃ metaṃ, bho gotama, aggissa ādānaṃ yūpassa ussāpanaṃ mahapphalaṃ hoti mahānisaṃsa’nti. Evaṃ kho, brāhmaṇa, tathāgatā pucchitabbā – ‘ahañhi, bhante, aggim [[aggissa \(ka.\)](#)] ādātukāmo, [[ādhātukāmo \(sī. syā.\)](#)] yūpaṃ ussāpetukāmo. Ovadatu maṃ, bhante, bhagavā. Anusāsatu maṃ, bhante, bhagavā yaṃ mama assa dīgharattaṃ hitāya sukhāyā”ti.

Atha kho uggatasarīro brāhmaṇo bhagavantaṃ etadavoca – “ahañhi, bho gotama, aggim ādātukāmo yūpaṃ ussāpetukāmo. Ovadatu maṃ bhavaṃ gotamo. Anusāsatu maṃ bhavaṃ gotamo yaṃ mama assa dīgharattaṃ hitāya sukhāyā”ti.

“Aggim, brāhmaṇa, ādento [[ādhento \(sī. syā.\)](#)] yūpaṃ ussāpento pubbeva yaññā tīṇi satthāni ussāpeti akusalāni dukkhudrayāni [[dukkhuddayāni \(sī.\)](#)] dukkhavipākāni. Katamāni tīṇi? Kāyasatthaṃ, vacīsatthaṃ, manosatthaṃ. Aggim, brāhmaṇa, ādento yūpaṃ ussāpento pubbeva yaññā evaṃ cittaṃ uppādesi – ‘ettakā usabhā haññantu yaññatthāya, ettakā vacchatarā haññantu yaññatthāya, ettakā vacchatarīyo haññantu yaññatthāya, ettakā ajā haññantu yaññatthāya, ettakā urabbhā haññantu yaññatthāyā’ti. So ‘puññaṃ karomī’ti apuññaṃ karoti, ‘kusalaṃ karomī’ti akusalaṃ karoti, ‘sugatiyā maggaṃ pariyesāmī’ti duggatiyā maggaṃ pariyesati. Aggim, brāhmaṇa, ādento yūpaṃ ussāpento pubbeva yaññā idaṃ paṭhamaṃ manosatthaṃ ussāpeti akusalaṃ dukkhudrayaṃ dukkhavipākaṃ.

“Puna caparam, brāhmaṇa, aggim ādento yūpaṃ ussāpento pubbeva yaññā evaṃ vācaṃ bhāsati – ‘ettakā usabhā haññantu yaññatthāya, ettakā vacchatarā haññantu yaññatthāya, ettakā vacchatariyo haññantu yaññatthāya, ettakā ajā haññantu yaññatthāya, ettakā urabbhā haññantu yaññatthāyā’ ti. So ‘puññaṃ karomī’ ti apuññaṃ karoti, ‘kusalaṃ karomī’ ti akusalaṃ karoti, ‘sugatiyā maggaṃ pariyesāmī’ ti duggatiyā maggaṃ pariyesati. Aggim, brāhmaṇa, ādento yūpaṃ ussāpento pubbeva yaññā idaṃ dutiyaṃ vacīsattaṃ ussāpeti akusalaṃ dukkhudrayaṃ dukkhavipākaṃ.

“Puna caparam, brāhmaṇa, aggim ādento yūpaṃ ussāpento pubbeva yaññā sayam paṭhamam samārambhati [samārabhhati (sī. ka.), samārabhhati (syā.)] usabhā hantum [haññantu (sī. syā.)] yaññatthāya, sayam paṭhamam samārambhati vacchatarā hantum yaññatthāya, sayam paṭhamam samārambhati vacchatarīyo hantum yaññatthāya, sayam paṭhamam samārambhati ajā hantum yaññatthāya, sayam paṭhamam samārambhati urabbhā hantum yaññatthāya [haññantu yaññatthāyāti (sī. syā.)]. So ‘puññaṃ karomī’ ti apuññaṃ karoti, ‘kusalaṃ karomī’ ti akusalaṃ karoti, ‘sugatiyā maggaṃ pariyesāmī’ ti duggatiyā maggaṃ pariyesati. Aggim, brāhmaṇa, ādento yūpaṃ ussāpento pubbeva yaññā idaṃ tatiyaṃ kāyasattaṃ ussāpeti akusalaṃ dukkhudrayaṃ dukkhavipākaṃ. Aggim, brāhmaṇa, ādento yūpaṃ ussāpento pubbeva yaññā imāni tīṇi sattaṇi ussāpeti akusalāni dukkhudrayāni dukkhavipākāni.

“Tayo me, brāhmaṇa, aggī pahātabbā parivajjetabbā, na sevitabbā. Katame tayo? Rāgaggi, dosaggi, mohaggi.

“Kasmā cāyaṃ, brāhmaṇa, rāgaggi pahātabbo parivajjetabbo, na sevitabbo? Ratto kho, brāhmaṇa, rāgena abhibhūto pariyādinnacitto kāyena duccharitaṃ carati, vācāya duccharitaṃ carati, manasā duccharitaṃ carati. So kāyena duccharitaṃ caritvā, vācāya duccharitaṃ caritvā, manasā duccharitaṃ caritvā kāyassa bhedaṃ paraṃ maraṇā apāyaṃ duggatiṃ vinipātaṃ nirayaṃ upapajjati. Tasmāyaṃ rāgaggi pahātabbo parivajjetabbo, na sevitabbo.

“Kasmā cāyaṃ, brāhmaṇa, dosaggi pahātabbo parivajjetabbo, na sevitabbo? Duṭṭho kho, brāhmaṇa, dosena abhibhūto pariyādinnacitto kāyena duccharitaṃ carati, vācāya duccharitaṃ carati, manasā duccharitaṃ carati. So kāyena duccharitaṃ caritvā, vācāya duccharitaṃ caritvā, manasā duccharitaṃ caritvā kāyassa bhedaṃ paraṃ maraṇā apāyaṃ duggatiṃ vinipātaṃ nirayaṃ upapajjati. Tasmāyaṃ dosaggi pahātabbo parivajjetabbo, na sevitabbo.

“Kasmā cāyaṃ, brāhmaṇa, mohaggi pahātabbo parivajjetabbo, na sevitabbo? Mūḷho kho, brāhmaṇa, mohena abhibhūto pariyādinnacitto kāyena duccharitaṃ carati, vācāya duccharitaṃ carati, manasā duccharitaṃ carati. So kāyena duccharitaṃ caritvā, vācāya duccharitaṃ caritvā, manasā duccharitaṃ caritvā kāyassa bhedaṃ paraṃ maraṇā apāyaṃ duggatiṃ vinipātaṃ nirayaṃ upapajjati. Tasmāyaṃ mohaggi pahātabbo parivajjetabbo, na sevitabbo. Ime kho tayo, brāhmaṇa, aggī pahātabbā parivajjetabbā, na sevitabbā.

“Tayo kho, brāhmaṇa, aggī sakkatvā garuṃ katvā mānetvā pūjetvā sammā sukhaṃ parihātabbā. Katame tayo? Āhuneyyaggi, gahapataggi, dakkhiṇeyyaggi.

“Katamo ca, brāhmaṇa, āhuneyyaggi? Idha, brāhmaṇa, yassa te honti mātāti vā pitāti vā, ayaṃ vuccati, brāhmaṇa, āhuneyyaggi. Taṃ kissa hetu? Atohayam [itopāyam (ka.)], brāhmaṇa, āhuto sambhūto, tasmāyaṃ āhuneyyaggi sakkatvā garuṃ katvā mānetvā pūjetvā sammā sukhaṃ parihātabbo.

“Katamo ca, brāhmaṇa, gahapataggi? Idha, brāhmaṇa, yassa te honti puttāti vā dārāti vā dāsāti vā pessāti vā kammakarāti vā, ayaṃ vuccati, brāhmaṇa, gahapataggi. Tasmāyaṃ gahapataggi sakkatvā garuṃ katvā mānetvā pūjetvā sammā sukhaṃ parihātabbo.

“Katamo ca, brāhmaṇa, dakkhiṇeyyaggi? Idha, brāhmaṇa, ye te samaṇabrāhmaṇā parappavādā

paṭiviratā khantisoraṅge niviṭṭhā ekamattānaṃ damenti, ekamattānaṃ samenti, ekamattānaṃ parinibbāpenti, ayaṃ vuccati, brāhmaṇa, dakkhiṇeyyaggi. Tasmāyaṃ dakkhiṇeyyaggi sakkatvā garuṃ katvā mānetvā pūjetvā sammā sukhaṃ parihātabbo. Ime kho, brāhmaṇa, tayo aggī sakkatvā garuṃ katvā mānetvā pūjetvā sammā sukhaṃ parihātabbā.

“Ayaṃ kho pana, brāhmaṇa, kaṭṭhaggi kālena kālaṃ ujjāletabbo, kālena kālaṃ ajjupekkhitabbo, kālena kālaṃ nibbāpetabbo, kālena kālaṃ nikkhipitabbo”ti.

Evam vutte uggatasarīro brāhmaṇo bhagavantaṃ etadavoca – “abhikkantaṃ, bho gotama; abhikkantaṃ, bho gotama...pe... upāsakaṃ maṃ bhavaṃ gotamo dhāretu ajjatagge pānupetaṃ saraṇaṃ gatanti. Esāhaṃ, bho gotama, pañca usabhasatāni muñcāmi jīvitaṃ demi, pañca vaccharasatāni muñcāmi jīvitaṃ demi, pañca vaccharisatāni muñcāmi jīvitaṃ demi, pañca ajasatāni muñcāmi jīvitaṃ demi, pañca urabhasatāni muñcāmi jīvitaṃ demi. Haritāni ceva tiṇāni khādantu, sītāni ca pānīyāni pivantu, sīto ca nesaṃ vāto upavāyata”nti [upavāyatūti (ka.)]. Catutthaṃ.

5. Paṭhamasaññāsuttaṃ

48. “Sattimā, bhikkhave, saññā bhāvitā bahulikatā mahapphalā honti mahānisamsā amatogadhā amatapariyosānā.

“Katamā satta? Asubhasaññā, maraṇasaññā, āhāre paṭikūlasaññā, sabbaloke anabhiratasaññā, aniccasaññā, anicce dukkhasaññā, dukkhe anattasaññā. Imā kho, bhikkhave, satta saññā bhāvitā bahulikatā mahapphalā honti mahānisamsā amatogadhā amatapariyosānā”ti. Pañcamaṃ.

6. Dutiyasaññāsuttaṃ

49. “Sattimā, bhikkhave, saññā bhāvitā bahulikatā mahapphalā honti mahānisamsā amatogadhā amatapariyosānā. Katamā satta? Asubhasaññā, maraṇasaññā, āhāre paṭikūlasaññā, sabbaloke anabhiratasaññā, aniccasaññā, anicce dukkhasaññā, dukkhe anattasaññā. Imā kho, bhikkhave, satta saññā bhāvitā bahulikatā mahapphalā honti mahānisamsā amatogadhā amatapariyosānāti.

““Asubhasaññā, bhikkhave, bhāvitā bahulikatā mahapphalā hoti mahānisamsā amatogadhā amatapariyosānā”ti. Iti kho panetaṃ vuttaṃ. Kiñcetaṃ paṭicca vuttaṃ? Asubhasaññāparicītena, bhikkhave, bhikkhuno cetasā bahulaṃ viharato methunadhammasamāpattiyā cittaṃ patilīyati patikuṭati pativattati, na sampasāriyati upekkhā vā pāṭikulyatā vā saṅghāti. Seyyathāpi, bhikkhave, kukkuṭapattaṃ vā nhārudaddulaṃ vā aggimhi pakkhittaṃ patilīyati patikuṭati pativattati, na sampasāriyati. Evamevaṃ kho, bhikkhave, bhikkhuno asubhasaññāparicītena cetasā bahulaṃ viharato methunadhammasamāpattiyā cittaṃ patilīyati patikuṭati pativattati, na sampasāriyati upekkhā vā pāṭikulyatā vā saṅghāti.

“Sace, bhikkhave, bhikkhuno asubhasaññāparicītena cetasā bahulaṃ viharato methunadhammasamāpattiyā cittaṃ anusandahati [anusaññāti (sī.)] appaṭikulyatā saṅghāti; veditabbametaṃ, bhikkhave, bhikkhunā ‘abhāvitā me asubhasaññā, natthi me pubbenāparaṃ viśeso, appattaṃ me bhāvanābala’nti. Itiha tatha sampajāno hoti. Sace pana, bhikkhave, bhikkhuno asubhasaññāparicītena cetasā bahulaṃ viharato methunadhammasamāpattiyā cittaṃ patilīyati patikuṭati pativattati, na sampasāriyati upekkhā vā pāṭikulyatā vā saṅghāti; veditabbametaṃ, bhikkhave, bhikkhunā ‘subhāvitā me asubhasaññā, atthi me pubbenāparaṃ viśeso, pattaṃ me bhāvanābala’nti. Itiha tatha sampajāno hoti. ‘Asubhasaññā, bhikkhave, bhāvitā bahulikatā mahapphalā hoti mahānisamsā amatogadhā amatapariyosānā’ti, iti yaṃ taṃ vuttaṃ idametaṃ paṭicca vuttaṃ.

““Maraṇasaññā, bhikkhave, bhāvitā bahulikatā mahapphalā hoti mahānisamsā amatogadhā

amatapariyosānā'ti, iti kho panetaṃ vuttaṃ kiñcetaṃ paṭicca vuttaṃ? Maraṇasaññāpariciteṇa, bhikkhave, bhikkhuno cetasā bahulaṃ viharato jīvitānikantiyā cittaṃ patilīyati patikuṭati pativattati, na sampasāriyati upekkhā vā pāṭikulyatā vā saṅghāti. Seyyathāpi, bhikkhave, kukkuṭapattaṃ vā nhārudaddulaṃ vā aggimhi pakkhittaṃ patilīyati patikuṭati pativattati, na sampasāriyati. Evamevaṃ kho, bhikkhave, bhikkhuno maraṇasaññāpariciteṇa cetasā bahulaṃ viharato jīvitānikantiyā cittaṃ patilīyati patikuṭati pativattati, na sampasāriyati upekkhā vā pāṭikulyatā vā saṅghāti.

“Sace, bhikkhave, bhikkhuno maraṇasaññāpariciteṇa cetasā bahulaṃ viharato jīvitānikantiyā cittaṃ anusandahati appaṭikulyatā saṅghāti; veditabbametaṃ, bhikkhave, bhikkhunā ‘abhāvitā me maraṇasaññā, natthi me pubbenāparaṃ vireso, appattaṃ me bhāvanābala’nti. Itiha tattha sampajāno hoti. Sace pana, bhikkhave, bhikkhuno maraṇasaññāpariciteṇa cetasā bahulaṃ viharato jīvitānikantiyā cittaṃ patilīyati patikuṭati pativattati, na sampasāriyati upekkhā vā pāṭikulyatā vā saṅghāti; veditabbametaṃ, bhikkhave, bhikkhunā ‘subhāvitā me maraṇasaññā, atthi me pubbenāparaṃ vireso, pattaṃ me bhāvanābala’nti. Itiha tattha sampajāno hoti. ‘Maraṇasaññā, bhikkhave, bhāvitā bahulīkatā mahapphalā hoti mahānisamsā amatogadhā amatapariyosānā’ti, iti yaṃ taṃ vuttaṃ idametaṃ paṭicca vuttaṃ.

“‘Āhāre paṭikūlasaññā, bhikkhave, bhāvitā bahulīkatā mahapphalā hoti mahānisamsā amatogadhā amatapariyosānā’ti, iti kho panetaṃ vuttaṃ, kiñcetaṃ paṭicca vuttaṃ? Āhāre paṭikūlasaññāpariciteṇa, bhikkhave, bhikkhuno cetasā bahulaṃ viharato rasataṅhāya cittaṃ patilīyati ...pe... upekkhā vā pāṭikulyatā vā saṅghāti. Seyyathāpi, bhikkhave, kukkuṭapattaṃ vā nhārudaddulaṃ vā aggimhi pakkhittaṃ patilīyati patikuṭati pativattati, na sampasāriyati. Evamevaṃ kho, bhikkhave, bhikkhuno āhāre paṭikūlasaññāpariciteṇa cetasā bahulaṃ viharato rasataṅhāya cittaṃ patilīyati...pe... upekkhā vā pāṭikulyatā vā saṅghāti.

“Sace, bhikkhave, bhikkhuno āhāre paṭikūlasaññāpariciteṇa cetasā bahulaṃ viharato rasataṅhāya cittaṃ anusandahati appaṭikulyatā saṅghāti; veditabbametaṃ, bhikkhave, bhikkhunā ‘abhāvitā me āhāre paṭikūlasaññā, natthi me pubbenāparaṃ vireso, appattaṃ me bhāvanābala’nti. Itiha tattha sampajāno hoti. Sace pana, bhikkhave, bhikkhuno āhāre paṭikūlasaññāpariciteṇa cetasā bahulaṃ viharato rasataṅhāya cittaṃ patilīyati...pe... upekkhā vā pāṭikulyatā vā saṅghāti; veditabbametaṃ, bhikkhave, bhikkhunā ‘subhāvitā me āhāre paṭikūlasaññā, atthi me pubbenāparaṃ vireso, pattaṃ me bhāvanābala’nti. Itiha tattha sampajāno hoti. ‘Āhāre paṭikūlasaññā, bhikkhave, bhāvitā bahulīkatā mahapphalā hoti mahānisamsā amatogadhā amatapariyosānā’ti, iti yaṃ taṃ vuttaṃ idametaṃ paṭicca vuttaṃ.

“‘Sabbaloke anabhiratasaññā, bhikkhave, bhāvitā bahulīkatā mahapphalā hoti mahānisamsā amatogadhā amatapariyosānā’ti, iti kho panetaṃ vuttaṃ. Kiñcetaṃ paṭicca vuttaṃ? Sabbaloke anabhiratasaññāpariciteṇa, bhikkhave, bhikkhuno cetasā bahulaṃ viharato lokacitresu cittaṃ patilīyati...pe... seyyathāpi bhikkhave...pe... patilīyati patikuṭati pativattati, na sampasāriyati. Evamevaṃ kho, bhikkhave, bhikkhuno sabbaloke anabhiratasaññāpariciteṇa cetasā bahulaṃ viharato lokacitresu cittaṃ patilīyati patikuṭati pativattati, na sampasāriyati upekkhā vā pāṭikulyatā vā saṅghāti.

“Sace, bhikkhave, bhikkhuno sabbaloke anabhiratasaññāpariciteṇa cetasā bahulaṃ viharato lokacitresu cittaṃ anusandahati appaṭikulyatā saṅghāti; veditabbametaṃ, bhikkhave, bhikkhunā ‘abhāvitā me sabbaloke anabhiratasaññā, natthi me pubbenāparaṃ vireso, appattaṃ me bhāvanābala’nti. Itiha tattha sampajāno hoti. Sace pana, bhikkhave, bhikkhuno sabbaloke anabhiratasaññāpariciteṇa cetasā bahulaṃ viharato lokacitresu cittaṃ patilīyati...pe... upekkhā vā pāṭikulyatā vā saṅghāti; veditabbametaṃ, bhikkhave, bhikkhunā ‘subhāvitā me sabbaloke anabhiratasaññā, atthi me pubbenāparaṃ vireso, pattaṃ me bhāvanābala’nti. Itiha tattha sampajāno hoti. ‘Sabbaloke anabhiratasaññā, bhikkhave, bhāvitā bahulīkatā mahapphalā hoti mahānisamsā amatogadhā amatapariyosānā’ti, iti yaṃ taṃ vuttaṃ idametaṃ paṭicca vuttaṃ.

““Aniccasaññā, bhikkhave, bhāvitā bahulīkatā mahapphalā hoti mahānisamsā amatogadhā amatapariyosānā’ti, iti kho panetaṃ vuttaṃ. Kiñcetaṃ paṭicca vuttaṃ? Aniccasaññāparicītena, bhikkhave, bhikkhuno cetasā bahulaṃ viharato lābhasakkārasiloke cittaṃ patilīyati...pe... upekkhā vā pāṭikulyatā vā saṅghāti. Seyyathāpi, bhikkhave, kukkuṭapattaṃ vā nhārudaddulaṃ vā aggimhi pakkhittaṃ patilīyati patikuṭati pativattati na sampasāriyati. Evamevaṃ kho, bhikkhave, bhikkhuno aniccasaññāparicītena cetasā bahulaṃ viharato lābhasakkārasiloke cittaṃ patilīyati...pe... upekkhā vā pāṭikulyatā vā saṅghāti.

“Sace, bhikkhave, bhikkhuno aniccasaññāparicītena cetasā bahulaṃ viharato lābhasakkārasiloke cittaṃ anusandahati appaṭikulyatā saṅghāti; veditabbametaṃ, bhikkhave, bhikkhunā ‘abhāvitā me aniccasaññā, natthi me pubbenāparaṃ vireso, appattaṃ me bhāvanābala’nti. Itiha tattha sampajāno hoti. Sace pana, bhikkhave, bhikkhuno aniccasaññāparicītena cetasā bahulaṃ viharato lābhasakkārasiloke cittaṃ patilīyati patikuṭati pativattati, na sampasāriyati upekkhā vā pāṭikulyatā vā saṅghāti; veditabbametaṃ, bhikkhave, bhikkhunā ‘subhāvitā me aniccasaññā, atthi me pubbenāparaṃ vireso, pattaṃ me bhāvanābala’nti. Itiha tattha sampajāno hoti. ‘Aniccasaññā, bhikkhave, bhāvitā bahulīkatā mahapphalā hoti mahānisamsā amatogadhā amatapariyosānā’ti, iti yaṃ taṃ vuttaṃ idametaṃ paṭicca vuttaṃ.

““Anicce dukkhasaññā, bhikkhave, bhāvitā bahulīkatā mahapphalā hoti mahānisamsā amatogadhā amatapariyosānā’ti, iti kho panetaṃ vuttaṃ. Kiñcetaṃ paṭicca vuttaṃ? Anicce dukkhasaññāparicītena, bhikkhave, bhikkhuno cetasā bahulaṃ viharato ālasye kosajje viṣṭhāyā pamāde ananuyoge apaccavekkhaṇāya tibbā bhayasaññā paccupaṭṭhitā hoti, seyyathāpi, bhikkhave, ukkhittāsike vadhake.

“Sace, bhikkhave, bhikkhuno anicce dukkhasaññāparicītena cetasā bahulaṃ viharato ālasye kosajje viṣṭhāyā pamāde ananuyoge apaccavekkhaṇāya tibbā bhayasaññā, na paccupaṭṭhitā hoti, seyyathāpi, bhikkhave, ukkhittāsike vadhake. Veditabbametaṃ, bhikkhave, bhikkhunā ‘abhāvitā me anicce dukkhasaññā, natthi me pubbenāparaṃ vireso, appattaṃ me bhāvanābala’nti. Itiha tattha sampajāno hoti. Sace pana, bhikkhave, bhikkhuno anicce dukkhasaññāparicītena cetasā bahulaṃ viharato ālasye kosajje viṣṭhāyā pamāde ananuyoge apaccavekkhaṇāya tibbā bhayasaññā paccupaṭṭhitā hoti, seyyathāpi, bhikkhave, ukkhittāsike vadhake. Veditabbametaṃ, bhikkhave, bhikkhunā ‘subhāvitā me anicce dukkhasaññā, atthi me pubbenāparaṃ vireso, pattaṃ me bhāvanābala’nti. Itiha tattha sampajāno hoti. ‘Anicce dukkhasaññā, bhikkhave, bhāvitā bahulīkatā mahapphalā hoti mahānisamsā amatogadhā amatapariyosānā’ti, iti yaṃ taṃ vuttaṃ idametaṃ paṭicca vuttaṃ.

““Dukkhe anattasaññā, bhikkhave, bhāvitā bahulīkatā mahapphalā hoti mahānisamsā amatogadhā amatapariyosānā’ti, iti kho panetaṃ vuttaṃ. Kiñcetaṃ paṭicca vuttaṃ? Dukkhe anattasaññāparicītena, bhikkhave, bhikkhuno cetasā bahulaṃ viharato imasmiñca saviññāṇake kāye bahiddhā ca sabbanimittesu ahañkāramamañkāramānāpagataṃ mānaṃ hoti vidhāsamatikkantaṃ santaṃ suvimuttaṃ.

“Sace, bhikkhave, bhikkhuno dukkhe anattasaññāparicītena cetasā bahulaṃ viharato imasmiñca saviññāṇake kāye bahiddhā ca sabbanimittesu na ahañkāramamañkāramānāpagataṃ mānaṃ hoti vidhāsamatikkantaṃ santaṃ suvimuttaṃ. Veditabbametaṃ, bhikkhave, bhikkhunā ‘abhāvitā me dukkhe anattasaññā, natthi me pubbenāparaṃ vireso, appattaṃ me bhāvanābala’nti. Itiha tattha sampajāno hoti.

“Sace pana, bhikkhave, bhikkhuno dukkhe anattasaññāparicītena cetasā bahulaṃ viharato imasmiñca saviññāṇake kāye bahiddhā ca sabbanimittesu ahañkāramamañkāramānāpagataṃ mānaṃ hoti vidhāsamatikkantaṃ santaṃ suvimuttaṃ. Veditabbametaṃ, bhikkhave, bhikkhunā ‘subhāvitā me dukkhe anattasaññā, atthi me pubbenāparaṃ vireso, pattaṃ me bhāvanābala’nti. Itiha tattha sampajāno hoti. ‘Dukkhe anattasaññā, bhikkhave, bhāvitā bahulīkatā mahapphalā hoti mahānisamsā amatogadhā amatapariyosānā’ti, iti yaṃ taṃ vuttaṃ idametaṃ paṭicca vuttaṃ.

“Imā kho, bhikkhave, satta saññā bhāvitā bahulīkatā mahapphalā honti mahānisamsā amatogadhā amatapariyosānā”ti. Chaṭṭhaṃ.

7. Methunasuttaṃ

50. Atha kho jāṇussoṇi brāhmaṇo yena bhagavā tenupasaṅkami; upasaṅkamitvā bhagavatā saddhiṃ sammodi. Sammodanīyaṃ kathaṃ saraṇīyaṃ vītisāretvā ekamantaṃ nisīdi. Ekamantaṃ nisinno kho jāṇussoṇi brāhmaṇo bhagavantaṃ etadavoca – “bhavampi no gotamo brahmacārī paṭijānātī”ti? “Yañhi taṃ, brāhmaṇa, sammā vadamāno vadeyya – ‘akhaṇḍaṃ acchiddaṃ asabalaṃ akammāsaṃ paripuṇṇaṃ parisuddhaṃ brahmacariyaṃ caratī’ti, mameva taṃ, brāhmaṇa, sammā vadamāno vadeyya – ‘ahañhi, brāhmaṇa, akhaṇḍaṃ acchiddaṃ asabalaṃ akammāsaṃ paripuṇṇaṃ parisuddhaṃ brahmacariyaṃ carāmī”ti. “Kiṃ pana, bho gotama, brahmacariyassa khaṇḍampi chiddampi sabalampi kammāsampi”ti?

“Idha, brāhmaṇa, ekacco samaṇo vā brāhmaṇo vā sammā brahmacārī paṭijānamāno na heva kho mātuḡāmena saddhiṃ dvayaṃdvayasamāpattiṃ samāpajjati; api ca kho mātuḡāmassa ucchādanaparimaddananhāpanasambāhanaṃ sādīyati. So taṃ assādeti [so tadassādeti (sī.)], taṃ nikāmeti, tena ca vittiṃ āpajjati. Idampi kho, brāhmaṇa, brahmacariyassa khaṇḍampi chiddampi sabalampi kammāsampi. Ayaṃ vuccati, brāhmaṇa, aparissuddhaṃ brahmacariyaṃ carati, saṃyutto methunena saṃyogena na parimuccati jātiyā jarāya maraṇena [jarāmarāṇena (sī. syā.)] sokehi paridevehi dukkhehi domanassehi upāyāsehi, na parimuccati dukkhasmāti vadāmi.

“Puna caparaṃ, brāhmaṇa, idhekacco samaṇo vā brāhmaṇo vā sammā brahmacārī paṭijānamāno na heva kho mātuḡāmena saddhiṃ dvayaṃdvayasamāpattiṃ samāpajjati, napi mātuḡāmassa ucchādanaparimaddananhāpanasambāhanaṃ sādīyati; api ca kho mātuḡāmena saddhiṃ sañjagghati saṃkīḷati saṃkelāyati...pe... napi mātuḡāmena saddhiṃ sañjagghati saṃkīḷati saṃkelāyati; api ca kho mātuḡāmassa cakkhunā cakkhuṃ upanijjhāyati pekkhati...pe... napi mātuḡāmassa cakkhunā cakkhuṃ upanijjhāyati pekkhati; api ca kho mātuḡāmassa saddaṃ suṇāti tirokuṭṭaṃ vā tiropākāraṃ vā hasantiyā vā bhaṇantiyā vā gāyantiyā vā rodantiyā vā...pe... napi mātuḡāmassa saddaṃ suṇāti tirokuṭṭaṃ vā tiropākāraṃ vā hasantiyā vā bhaṇantiyā vā gāyantiyā vā rodantiyā vā; api ca kho yānissa tāni pubbe mātuḡāmena saddhiṃ hasitalapitakīḷitāni tāni anussarati...pe... napi yānissa tāni pubbe mātuḡāmena saddhiṃ hasitalapitakīḷitāni tāni anussarati; api ca kho passati gahapatiṃ vā gahapatiputtaṃ vā pañcahi kāmaguṇehi samappitaṃ samaṅgībhūtaṃ paricārayamānaṃ...pe... napi passati gahapatiṃ vā gahapatiputtaṃ vā pañcahi kāmaguṇehi samappitaṃ samaṅgībhūtaṃ paricārayamānaṃ; api ca kho aññataraṃ devanikāyaṃ pañidhāya brahmacariyaṃ carati imināhaṃ sīlena vā vatena vā tapena vā brahmacariyena vā devo vā bhavissāmi devaññataraṃ vāti. So taṃ assādeti, taṃ nikāmeti, tena ca vittiṃ āpajjati. Idampi kho, brāhmaṇa, brahmacariyassa khaṇḍampi chiddampi sabalampi kammāsampi. Ayaṃ vuccati, brāhmaṇa, aparissuddhaṃ brahmacariyaṃ carati saṃyutto methunena saṃyogena, na parimuccati jātiyā jarāya maraṇena sokehi paridevehi dukkhehi domanassehi upāyāsehi, na parimuccati dukkhasmāti vadāmi.

“Yāvakaṭvañcāhaṃ, brāhmaṇa, imesaṃ sattannaṃ methunasamāyogānaṃ aññataraññataramethunasamāyogaṃ [aññataraṃ methunasamāyogaṃ (sī. syā.)] attani appahīnaṃ samanupassim, neva tāvāhaṃ, brāhmaṇa, sadevake loke samārake sabrahmake sassamaṇabrāhmaṇiyā pajāya sadevamanussāya anuttaraṃ sammāsambodhiṃ abhisambuddhoti paccaññāsim [abhisambuddho paccaññāsim (sī. syā.)].

“Yato ca khohaṃ, brāhmaṇa, imesaṃ sattannaṃ methunasamāyogānaṃ aññataraññataramethunasamāyogaṃ attani appahīnaṃ na samanupassim, athāhaṃ, brāhmaṇa, sadevake loke samārake sabrahmake sassamaṇabrāhmaṇiyā pajāya sadevamanussāya anuttaraṃ sammāsambodhiṃ abhisambuddhoti paccaññāsim. ‘Nāṇaṇca pana me dassanaṃ udapādi, akuppā me

vimutti [cetovimutti (sī. ka.)], ayamantimā jāti, natthi dāni punabbhavo’’ti.

Evam vutte jāṇussoṇi brāhmaṇo bhagavantaṃ etadavoca – ‘‘abhikkantaṃ, bho gotama; abhikkantaṃ, bho gotama...pe... upāsakaṃ maṃ bhavaṃ gotamo dhāretu ajjatagge pāṇupetaṃ saraṇaṃ gata’’nti. Sattamaṃ.

8. Saṃyogasuttaṃ

51. ‘‘Saṃyogavisāmyogaṃ vo, bhikkhave, dhammapariyāyaṃ desessāmi. Taṃ suṇātha...pe... katamo ca so, bhikkhave, saṃyogo visāmyogo dhammapariyāyo?’’

‘‘Itthī, bhikkhave, ajjhattaṃ itthindriyaṃ manasi karoti – itthikuttaṃ itthākappaṃ itthividhaṃ itthicchandaṃ itthissaraṃ itthālaṅkāraṃ. Sā tattha rajjati tatrābhiramati. Sā tattha rattā tatrābhiratā bahiddhā purisindriyaṃ manasi karoti – purisakuttaṃ purisākappaṃ purisavidhaṃ purisacchandaṃ purisassaraṃ purisālaṅkāraṃ. Sā tattha rajjati tatrābhiramati. Sā tattha rattā tatrābhiratā bahiddhā saṃyogaṃ ākaṅkhati. Yañcassā saṃyogapaccayā uppajjati sukhaṃ somanassaṃ tañca ākaṅkhati. Itthatte, bhikkhave, abhiratā sattā purisesu saṃyogaṃ gatā. Evam kho, bhikkhave, itthī itthattaṃ nātivattati.

‘‘Puriso, bhikkhave, ajjhattaṃ purisindriyaṃ manasi karoti – purisakuttaṃ purisākappaṃ purisavidhaṃ purisacchandaṃ purisassaraṃ purisālaṅkāraṃ. So tattha rajjati tatrābhiramati. So tattha ratto tatrābhirato bahiddhā itthindriyaṃ manasi karoti – itthikuttaṃ itthākappaṃ itthividhaṃ itthicchandaṃ itthissaraṃ itthālaṅkāraṃ. So tattha rajjati tatrābhiramati. So tattha ratto tatrābhirato bahiddhā saṃyogaṃ ākaṅkhati. Yañcassa saṃyogapaccayā uppajjati sukhaṃ somanassaṃ tañca ākaṅkhati. Purisatte, bhikkhave, abhiratā sattā itthīsu saṃyogaṃ gatā. Evam kho, bhikkhave, puriso purisattaṃ nātivattati. Evam kho, bhikkhave, saṃyogo hoti.

‘‘Kathaṅca, bhikkhave, visāmyogo hoti? Itthī, bhikkhave, ajjhattaṃ itthindriyaṃ na manasi karoti – itthikuttaṃ itthākappaṃ itthividhaṃ itthicchandaṃ itthissaraṃ itthālaṅkāraṃ. Sā tattha na rajjati, sā tatra nābhiramati. Sā tattha arattā tatra anabhiratā bahiddhā purisindriyaṃ na manasi karoti – purisakuttaṃ purisākappaṃ purisavidhaṃ purisacchandaṃ purisassaraṃ purisālaṅkāraṃ. Sā tattha na rajjati, tatra nābhiramati. Sā tattha arattā tatra anabhiratā bahiddhā saṃyogaṃ nākaṅkhati. Yañcassā saṃyogapaccayā uppajjati sukhaṃ somanassaṃ tañca nākaṅkhati. Itthatte, bhikkhave, anabhiratā sattā purisesu visāmyogaṃ gatā. Evam kho, bhikkhave, itthī itthattaṃ ativattati.

‘‘Puriso, bhikkhave, ajjhattaṃ purisindriyaṃ na manasi karoti – purisakuttaṃ purisākappaṃ purisavidhaṃ purisacchandaṃ purisassaraṃ purisālaṅkāraṃ. So tattha na rajjati, so tatra nābhiramati. So tattha aratto tatra anabhirato bahiddhā itthindriyaṃ na manasi karoti – itthikuttaṃ itthākappaṃ itthividhaṃ itthicchandaṃ itthissaraṃ itthālaṅkāraṃ. So tattha na rajjati, tatra nābhiramati. So tattha aratto tatra anabhirato bahiddhā saṃyogaṃ nākaṅkhati. Yañcassa saṃyogapaccayā uppajjati sukhaṃ somanassaṃ tañca nākaṅkhati. Purisatte, bhikkhave, anabhiratā sattā itthīsu visāmyogaṃ gatā. Evam kho, bhikkhave, puriso purisattaṃ ativattati. Evam kho, bhikkhave, visāmyogo hoti. Ayam kho, bhikkhave, saṃyogo visāmyogo dhammapariyāyo’’ti. Aṭṭhamaṃ.

9. Dānamahapphalasuttaṃ

52. Ekam samayaṃ bhagavā campāyaṃ viharati gaggārāya pokkharāṇiyā tīre. Atha kho sambahulā campeyyakā upāsakā yena āyasmā sārīputto tenupasaṅkamim̐su; upasaṅkamitvā āyasmantaṃ sārīputtaṃ abhivādetvā ekamantaṃ nisīdim̐su. Ekamantaṃ nisinnā kho campeyyakā upāsakā āyasmantaṃ sārīputtaṃ etadavocum̐ – ‘‘cirassutā no, bhante [bhante sārīputta (sī.)], bhagavato sammukhā dhammīkathā. Sādhu mayaṃ, bhante, labheyyāma bhagavato sammukhā dhammim̐ kathaṃ [bhagavato

[santikā dhammiṃ katham \(sī.\)](#), [bhagavato dhammiṃ katham \(syā.\)](#)] savanāyā”ti. “Tenahāvuso, tadahuposathe āgaccheyyātha, appeva nāma labhēyyātha bhagavato sammukhā [[bhagavato santike \(syā.\)](#)] dhammiṃ katham savanāyā”ti. “Evaṃ, bhante”ti kho campeyyakā upāsakā āyasmato sārīputtassa paṭissutvā uṭṭhāyāsana āyasmantaṃ sārīputtaṃ abhivādetvā padakkhiṇaṃ katvā pakkamiṃsu.

Atha kho campeyyakā upāsakā tadahuposathe yenāyasmā sārīputto tenupasaṅkamimṃsu; upasaṅkamitvā āyasmantaṃ sārīputtaṃ abhivādetvā ekamantaṃ aṭṭhaṃsu. Atha kho āyasmā sārīputto tehi campeyyakehi upāsakehi saddhiṃ yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinno kho āyasmā sārīputto bhagavantaṃ etadavoca –

“Siyā nu kho, bhante, idhekaccassa tādisaṃyeva dānaṃ dinnāṃ na mahapphalaṃ hoti na mahānisaṃsaṃ; siyā pana, bhante, idhekaccassa tādisaṃyeva dānaṃ dinnāṃ mahapphalaṃ hoti mahānisaṃsa”nti? “Siyā, sārīputta, idhekaccassa tādisaṃyeva dānaṃ dinnāṃ na mahapphalaṃ hoti na mahānisaṃsaṃ; siyā pana, sārīputta, idhekaccassa tādisaṃyeva dānaṃ dinnāṃ mahapphalaṃ hoti mahānisaṃsa”nti. “Ko nu kho, bhante, hetu ko paccayo yena midhekaccassa tādisaṃyeva dānaṃ dinnāṃ na mahapphalaṃ hoti na mahānisaṃsaṃ; ko nu kho, bhante, hetu ko paccayo yena midhekaccassa tādisaṃyeva dānaṃ dinnāṃ mahapphalaṃ hoti mahānisaṃsa”nti?

“Idha, sārīputta, ekacco sāpekho [[sāpekkho \(syā.\)](#)] dānaṃ deti, patibaddhacitto [[patibandhacitto \(ka.\)](#)] dānaṃ deti, sannidhipekho dānaṃ deti, ‘imaṃ pecca paribhuñjissāmi’ti dānaṃ deti. So taṃ dānaṃ deti samaṇassa vā brāhmaṇassa vā annaṃ pānaṃ vatthaṃ yānaṃ mālāgandhavilepanaṃ seyyāvasathapadīpeyyaṃ. Taṃ kiṃ maññasi, sārīputta, dadeyya idhekacco evarūpaṃ dāna”nti? “Evaṃ, bhante”.

“Tatra, sārīputta, yvāyaṃ sāpekho dānaṃ deti, patibaddhacitto dānaṃ deti, sannidhipekho dānaṃ deti, ‘imaṃ pecca paribhuñjissāmi’ti dānaṃ deti. So taṃ dānaṃ datvā kāyassa bhedaṃ paraṃ maraṇā cātumahārājikānaṃ devānaṃ sahaṃyataṃ upapajjati. So taṃ kammaṃ khepetvā taṃ iddhiṃ taṃ yasaṃ taṃ ādhipaccaṃ āgāmi hoti āgantā itthattaṃ.

“Idha pana, sārīputta, ekacco na heva kho sāpekho dānaṃ deti, na patibaddhacitto dānaṃ deti, na sannidhipekho dānaṃ deti, na ‘imaṃ pecca paribhuñjissāmi’ti dānaṃ deti; api ca kho ‘sāhu dāna’nti dānaṃ deti...pe... napi ‘sāhu dāna’nti dānaṃ deti; api ca kho ‘dinnapubbaṃ katapubbaṃ pitupitāmahehi na arahāmi porāṇaṃ kulavaṃsaṃ hāpetu’nti dānaṃ deti...pe... napi ‘dinnapubbaṃ katapubbaṃ pitupitāmahehi na arahāmi porāṇaṃ kulavaṃsaṃ hāpetu’nti dānaṃ deti; api ca kho ‘ahaṃ pacāmi, ime na pacanti, nārahāmi pacanto apacantānaṃ dānaṃ adātu’nti dānaṃ deti...pe... napi ‘ahaṃ pacāmi, ime na pacanti, nārahāmi pacanto apacantānaṃ dānaṃ adātu’nti dānaṃ deti; api ca kho ‘yathā tesāṃ pubbakānaṃ isiṇaṃ tāni mahāyaññāni ahesuṃ, seyyathidaṃ – aṭṭhakassa vāmakassa vāmadevassa vessāmittassa yamadaggino aṅgīrasassa bhāradvājassa vāsetṭhassa kassapassa bhaguno, evaṃ me ayaṃ dānaṃ vibhāgo bhavissati’ti dānaṃ deti...pe... napi ‘yathā tesāṃ pubbakānaṃ isiṇaṃ tāni mahāyaññāni ahesuṃ, seyyathidaṃ – aṭṭhakassa vāmakassa vāmadevassa vessāmittassa yamadaggino aṅgīrasassa bhāradvājassa vāsetṭhassa kassapassa bhaguno, evaṃ me ayaṃ dānaṃ vibhāgo bhavissati’ti dānaṃ deti; api ca kho ‘imaṃ me dānaṃ dadato cittaṃ pasīdati, attamanatā somanassaṃ upajāyati’ti dānaṃ deti...pe... napi ‘imaṃ me dānaṃ dadato cittaṃ pasīdati, attamanatā somanassaṃ upajāyati’ti dānaṃ deti; api ca kho cittalāṅkāracittaparikkhāraṃ dānaṃ deti. So taṃ dānaṃ deti samaṇassa vā brāhmaṇassa vā annaṃ pānaṃ vatthaṃ yānaṃ mālāgandhavilepanaṃ seyyāvasathapadīpeyyaṃ. Taṃ kiṃ maññasi, sārīputta, dadeyya idhekacco evarūpaṃ dāna”nti? “Evaṃ, bhante”.

“Tatra, sārīputta, yvāyaṃ na heva [[naheva kho \(sī. syā.\)](#)] sāpekho dānaṃ deti; na patibaddhacitto dānaṃ deti; na sannidhipekho dānaṃ deti; na ‘imaṃ pecca paribhuñjissāmi’ti dānaṃ deti; napi ‘sāhu

dāna’nti dānaṃ deti; napi ‘dinnapubbaṃ katapubbaṃ pitupitāmahehi na arahāmi porāṇaṃ kulavaṃsaṃ hāpetu’nti dānaṃ deti; napi ‘ahaṃ pacāmi, ime na pacanti, nārahāmi pacanto apacantānaṃ dānaṃ adātu’nti dānaṃ deti; napi ‘yathā tesāṃ pubbakānaṃ isiṇaṃ tāni mahāyaññāni ahesuṃ, seyyathidaṃ – aṭṭhakassa vāmakassa vāmadevassa vessāmittassa yamadagginō aṅgīrasassa bhāradvājassa vāseṭṭhassa kassapassa bhaguno, evaṃ me ayaṃ dānaṃ vibhāgo bhavissatī’nti dānaṃ deti; napi ‘imaṃ me dānaṃ dadato cittaṃ pasīdati, attamanatā somanassaṃ upajāyatī’nti dānaṃ deti; api ca kho cittālaṅkāracittaparikkhāraṃ dānaṃ deti. So taṃ dānaṃ datvā kāyassa bhedaṃ paraṃ maraṇā brahmakāyikānaṃ devānaṃ saḥabyataṃ upapajjati. So taṃ kammaṃ khepetvā taṃ iddhiṃ taṃ yasaṃ taṃ ādhipaccaṃ anāgāmī hoti anāgantā itthattaṃ. Ayaṃ kho, sārīputta, hetu ayaṃ paccayo yena midhekaccassa tādisaṃyeva dānaṃ dinnāṃ na mahapphalaṃ hoti na mahānisaṃsaṃ. Ayaṃ pana, sārīputta, hetu ayaṃ paccayo yena midhekaccassa tādisaṃyeva dānaṃ dinnāṃ mahapphalaṃ hoti mahānisaṃsa’nti. Navamaṃ.

10. Nandamātāsuttaṃ

53. Evaṃ me suttaṃ – ekaṃ samayaṃ āyasmā ca sārīputto āyasmā ca mahāmoggallāno dakkhiṇāgīrisiṃ cārikaṃ caranti mahatā bhikkhusaṅghena saddhiṃ. Tena kho pana samayena veḷukaṇḍakī [veḷukaṇḍakī (syā.) a. ni. 6.37; 2.134; sam. ni. 2.173 passitabbaṃ] nandamātā upāsikā rattiyaṃ paccūsasamayaṃ paccuṭṭhāya pārāyanaṃ [cūḷani. pārāyanavagga, vatthugāthā] sareṇa bhāsati.

Tena kho pana samayena vessavaṇo mahārājā uttarāya disāya dakkhiṇaṃ disaṃ gacchati kenacideva karaṇīyena. Assosi kho vessavaṇo mahārājā nandamātāya upāsikāya pārāyanaṃ sareṇa bhāsantiyaṃ, sutvā kathāpariyosānaṃ āgamayamāno aṭṭhāsi.

Atha kho nandamātā upāsikā pārāyanaṃ sareṇa bhāsivā tuṅhī ahoṣi. Atha kho vessavaṇo mahārājā nandamātāya upāsikāya kathāpariyosānaṃ viditvā abbhānumodī – “sādhu bhagini, sādhu bhagini”ti! “Ko paneso, bhādrāmukhā”ti? “Ahaṃ te, bhagini, bhātā vessavaṇo, mahārājā”ti. “Sādhu, bhādrāmukha, tena hi yo me ayaṃ dhammapariyāyo bhaṇito idaṃ te hotu ātithēyya”nti. “Sādhu, bhagini, etañceva me hotu ātithēyyaṃ. Sveva [sve ca (sī.)] sārīputtamoggallānappamukho bhikkhusaṅgho akatapātarāso veḷukaṇḍakaṃ āgamissati, tañca bhikkhusaṅghaṃ parivisitvā mama dakkhiṇaṃ ādisēyyāsi. Etañceva [evañca (sī. syā.), etañca (?)] me bhavissati ātithēyya”nti.

Atha kho nandamātā upāsikā tassā rattiyaṃ accayena sake nivesane paṇītaṃ khādaniyaṃ bhojanīyaṃ paṭiyādāpesi. Atha kho sārīputtamoggallānappamukho bhikkhusaṅgho akatapātarāso yena veḷukaṇḍako tadavasari. Atha kho nandamātā upāsikā aññataraṃ purisaṃ āmantesi – “ehi tvaṃ, ambho purisa, ārāmaṃ gantvā bhikkhusaṅghassa kālaṃ ārocehi – ‘kālo, bhante, ayyāya nandamātuyā nivesane niṭṭhitaṃ bhatta’”nti. “Evaṃ, ayye”ti kho so puriso nandamātāya upāsikāya paṭissutvā ārāmaṃ gantvā bhikkhusaṅghassa kālaṃ ārocesi – ‘kālo, bhante, ayyāya nandamātuyā nivesane niṭṭhitaṃ bhatta’nti. Atha kho sārīputtamoggallānappamukho bhikkhusaṅgho pubbaṅhasamayaṃ nivāsetvā pattacīvaramādāya yena nandamātāya upāsikāya nivesanaṃ tenupasaṅkami; upasaṅkamitvā paññatte āsane nisīdi. Atha kho nandamātā upāsikā sārīputtamoggallānappamukhaṃ bhikkhusaṅghaṃ paṇītena khādaniyena bhojanīyena sahatthā santappesi sampavāresi.

Atha kho nandamātā upāsikā āyasmantaṃ sārīputtaṃ bhuttāviṃ onītapattapaṇiṃ ekamantaṃ nisīdi. Ekamantaṃ nisinnaṃ kho nandamātāraṃ upāsikaṃ āyasmā sārīputto etadavoca – “ko pana te, nandamāte, bhikkhusaṅghassa abbhāgamaṇaṃ ārocesi”ti?

“Idhāhaṃ, bhante, rattiyaṃ paccūsasamayaṃ paccuṭṭhāya pārāyanaṃ sareṇa bhāsivā tuṅhī ahoṣiṃ. Atha kho, bhante, vessavaṇo mahārājā mama kathāpariyosānaṃ viditvā abbhānumodī – “sādhu, bhagini, sādhu, bhagini”ti! “Ko paneso, bhādrāmukhā”ti? “Ahaṃ te, bhagini, bhātā vessavaṇo, mahārājā”ti. “Sādhu, bhādrāmukha, tena hi yo me ayaṃ dhammapariyāyo bhaṇito idaṃ te hotu ātithēyya”nti. “Sādhu,

bhagini, etañceva me hotu ātithēyyaṃ. Sveva sārīputtamoggallānappamukho bhikkhusaṅgho akatapātarāso veḷukaṇḍakaṃ āgamissati, tañca bhikkhusaṅghaṃ parivisitvā mama dakkhiṇaṃ ādisēyyāsi. Etañceva [etañca (sī.), evañca (syā.)] me bhavissati ātithēyya’nti. Yadidaṃ [yamidaṃ (ma. ni. 1.363)], bhante, dāne [puññaṃ hi taṃ (sī.), puññaṃ puññaṃ mahitaṃ (syā.), puññaṃ vā puññaṃ mahā vā (pī.), puññaṃ vā puññaṃ mahī vā (ka.)] puññañca puññaṃ mahī ca taṃ [puññaṃ hi taṃ (sī.), puññaṃ puññaṃ mahitaṃ (syā.), puññaṃ vā puññaṃ mahā vā (pī.), puññaṃ vā puññaṃ mahī vā (ka.)] vessavaṇassa mahārājassa sukhāya hotū’’ti.

“Acchariyaṃ, nandaṃāte, abbhutaṃ, nandaṃāte! Yatra hi nāma vessavaṇena mahārājena evaṃmahiddhikena evaṃmahesakkhena devaputtana sammukhā sallapissasi’’ti.

“Na kho me, bhante, eseṃva acchariyo abbhuto dhammo. Atthi me aññopi acchariyo abbhuto dhammo. Idha me, bhante, nando nāma ekaputtako piyo manāpo. Taṃ rājāno kismiñcīdeva pakaraṇe okassa pasayha jīvitā voropesuṃ. Tasmīṃ kho panāhaṃ, bhante, dārake gahite vā gayhamāne vā vadhe vā vajjhamāne vā hate vā haññamāne vā nābhijānāmi cittassa aññathatta’nti. “Acchariyaṃ, nandaṃāte, abbhutaṃ nandaṃāte! Yatra hi nāma cittuppādampi [cittuppādamattampi (syā.)] parisodhessasi’’ti.

“Na kho me, bhante, eseṃva acchariyo abbhuto dhammo. Atthi me aññopi acchariyo abbhuto dhammo. Idha me, bhante, sāmiko kālañkato aññataraṃ yakkhayoniṃ upaṃanno. So me teneva purimena attabhāvena uddassesi. Na kho panāhaṃ, bhante, abhijānāmi tatonidānaṃ cittassa aññathatta’nti. “Acchariyaṃ, nandaṃāte, abbhutaṃ, nandaṃāte! Yatra hi nāma cittuppādampi parisodhessasi’’ti.

“Na kho me, bhante, eseṃva acchariyo abbhuto dhammo. Atthi me aññopi acchariyo abbhuto dhammo. Yatoḥaṃ, bhante, sāmikassa daharasseva daharā ānītā nābhijānāmi sāmikaṃ manasāpi aticaritā [aticaritaṃ (syā.), aticārittaṃ (ka.)], kuto pana kāyenā’’ti! “Acchariyaṃ, nandaṃāte, abbhutaṃ, nandaṃāte! Yatra hi nāma cittuppādampi parisodhessasi’’ti.

“Na kho me, bhante, eseṃva acchariyo abbhuto dhammo. Atthi me aññopi acchariyo abbhuto dhammo. Yadāhaṃ, bhante, upāsikā paṭidesitā nābhijānāmi kiñci sikkhāpadaṃ sañcicca vītikkamitā’nti. “Acchariyaṃ, nandaṃāte, abbhutaṃ, nandaṃāte’’ti!

“Na kho me, bhante, eseṃva acchariyo abbhuto dhammo. Atthi me aññopi acchariyo abbhuto dhammo. Idhāhaṃ, bhante, yāvadeva [yāvadeva (sī. syā.)] saṃ. ni. 2.152 pāḷi ca aṭṭhakathāṭikā ca passitabbā] ākañkhāmi vivicceva kāmehi vivicca akusalehi dhammehi savitakkaṃ savicāraṃ vivekajaṃ pītisukhaṃ paṭhamāṃ jhānaṃ upasampajja viharāmi. Vitakkavicārānaṃ vūpasamā ajjhattaṃ sampasādanaṃ cetaso ekodibhāvaṃ avitakkaṃ avicāraṃ vivekajaṃ pītisukhaṃ dutiyaṃ jhānaṃ upasampajja viharāmi. Pītiyā ca virāgā upekkhikā ca viharāmi satā ca sampajānā sukhañca kāye paṭisaṃvedemi, yaṃ taṃ ariyā ācikkhanti – ‘upekkhako satimā sukhavīhārī’ti tatiyaṃ jhānaṃ upasampajja viharāmi. Sukhassa ca pahānā dukkhassa ca pahānā pubbeva somanassadomanassānaṃ atthaṅgamā adukkhamasukhaṃ upekkhāsati pārisuddhiṃ catutthaṃ jhānaṃ upasampajja viharāmi’nti. “Acchariyaṃ, nandaṃāte, abbhutaṃ, nandaṃāte’’ti!

“Na kho me, bhante, eseṃva acchariyo abbhuto dhammo. Atthi me aññopi acchariyo abbhuto dhammo. Yānimāni, bhante, bhagavatā desitāni pañcorambhāgiyāni saṃyojanāni nāhaṃ tesāṃ kiñci attani appahīnaṃ samanupassāmi’nti. “Acchariyaṃ, nandaṃāte, abbhutaṃ, nandaṃāte’nti!

Atha kho āyasmā sārīputto nandaṃātaraṃ upāsikaṃ dhammiyā kathāya sandassetvā samādapetvā samuttejetvā sampahaṃsetvā uṭṭhāyāsanaṃ pakkāmīti. Dasamaṃ.

Mahāyaññavaggo pañcamaṃ.

Tassuddānaṃ –

Ṭhiti ca parikkhāraṃ dve, aggī saññā ca dve parā;
Methunā saṃyogo dānaṃ, nandamātena te dasāti.

Paṭhamapaṇṇāsakaṃ samattaṃ.

6. Abyākatavaggo

1. Abyākatasuttaṃ

54. Atha kho aññataro bhikkhu yena bhagavā tenupasaṅkami; upasaṅkamitvā bhagavantam abhivādetvā ekamantaṃ nisīdi. Ekamantaṃ nisinno kho so bhikkhu bhagavantam etadavoca – “ko nu kho, bhante, hetu ko paccayo yena sutavato ariyasāvakaṃ vicikicchā nuppajjati abyākatavattḥū”ti?

“Diṭṭhinirodhā kho, bhikkhu, sutavato ariyasāvakaṃ vicikicchā nuppajjati abyākatavattḥū. ‘Hoti tathāgato paraṃ marañā’ti kho, bhikkhu, diṭṭhigatametam; ‘na hoti tathāgato paraṃ marañā’ti kho, bhikkhu, diṭṭhigatametam; ‘hoti ca na ca hoti tathāgato paraṃ marañā’ti kho, bhikkhu, diṭṭhigatametam; ‘neva hoti na na hoti tathāgato paraṃ marañā’ti kho, bhikkhu, diṭṭhigatametam. Assutavā, bhikkhu, puthujjano diṭṭhiṃ nappajānāti, diṭṭhisamudayaṃ nappajānāti, diṭṭhinirodham nappajānāti, diṭṭhinirodhagāminiṃ paṭipadaṃ nappajānāti. Tassa sā diṭṭhi pavaḍḍhati, so na parimuccati jātiyā jarāya marañena sokehi paridevehi dukkhehi domanassehi upāyāsehi, na parimuccati dukkhasmāti vadāmi.

“Sutavā ca kho, bhikkhu, ariyasāvako diṭṭhiṃ pajānāti, diṭṭhisamudayaṃ pajānāti, diṭṭhinirodham pajānāti, diṭṭhinirodhagāminiṃ paṭipadaṃ pajānāti. Tassa sā diṭṭhi nirujjhati, so parimuccati jātiyā jarāya marañena sokehi paridevehi dukkhehi domanassehi upāyāsehi, parimuccati dukkhasmāti vadāmi. Evaṃ jānaṃ kho, bhikkhu, sutavā ariyasāvako evaṃ passaṃ ‘hoti tathāgato paraṃ marañā’tipi na byākaroti; ‘na hoti tathāgato paraṃ marañā’tipi na byākaroti; ‘hoti ca na ca hoti tathāgato paraṃ marañā’tipi na byākaroti; ‘neva hoti na na hoti tathāgato paraṃ marañā’tipi na byākaroti. Evaṃ jānaṃ kho, bhikkhu, sutavā ariyasāvako evaṃ passaṃ evaṃ abyākaraṇadhammo hoti abyākatavattḥū. Evaṃ jānaṃ kho, bhikkhu, sutavā ariyasāvako evaṃ passaṃ na chambhati, na kampati, na vedhati, na santāsaṃ āpajjati abyākatavattḥū.

“‘Hoti tathāgato paraṃ marañā’ti kho, bhikkhu, taṇhāgatametam...pe... saññāgatametam ...pe... maññitametaṃ...pe... papañcitametam...pe... upādānagatametam...pe... ‘hoti tathāgato paraṃ marañā’ti kho, bhikkhu, vippaṭisāro eso; ‘na hoti tathāgato paraṃ marañā’ti kho, bhikkhu, vippaṭisāro eso; ‘hoti ca na ca hoti tathāgato paraṃ marañā’ti kho, bhikkhu, vippaṭisāro eso; ‘neva hoti na na hoti tathāgato paraṃ marañā’ti kho, bhikkhu, vippaṭisāro eso. Assutavā, bhikkhu, puthujjano vippaṭisāraṃ nappajānāti, vippaṭisārasamudayaṃ nappajānāti, vippaṭisāranirodham nappajānāti, vippaṭisāranirodhagāminiṃ paṭipadaṃ nappajānāti. Tassa so vippaṭisāro pavaḍḍhati, so na parimuccati jātiyā jarāya marañena sokehi paridevehi dukkhehi domanassehi upāyāsehi, na parimuccati dukkhasmāti vadāmi.

“Sutavā ca kho, bhikkhu, ariyasāvako vippaṭisāraṃ pajānāti, vippaṭisārasamudayaṃ pajānāti, vippaṭisāranirodham pajānāti, vippaṭisāranirodhagāminiṃ paṭipadaṃ pajānāti. Tassa so vippaṭisāro nirujjhati, so parimuccati jātiyā...pe... dukkhasmāti vadāmi. Evaṃ jānaṃ kho, bhikkhu, sutavā ariyasāvako evaṃ passaṃ ‘hoti tathāgato paraṃ marañā’tipi na byākaroti...pe... ‘neva hoti na na hoti tathāgato paraṃ marañā’tipi na byākaroti. Evaṃ jānaṃ kho, bhikkhu, sutavā ariyasāvako evaṃ passaṃ evaṃ abyākaraṇadhammo hoti abyākatavattḥū. Evaṃ jānaṃ kho, bhikkhu, sutavā ariyasāvako evaṃ passaṃ na chambhati, na kampati, na vedhati, na santāsaṃ āpajjati abyākatavattḥū. Ayaṃ kho,

bhikkhu, hetu ayam paccayo yena sutavato ariyasāvakassa vicikicchā nuppajjati abyākatavatthūsū”ti. Paṭhamam.

2. Purisagatisuttaṃ

55. “Satta ca [satta (sī.), satta ca kho (ka.)], bhikkhave, purisagatiyo desessāmi anupādā ca parinibbānaṃ [parinibbānaṃ (sī.)]. Taṃ suṇātha, sādhukaṃ manasi karotha; bhāsissāmi”ti. “Evaṃ, bhante”ti kho te bhikkhū bhagavato paccassosum. Bhagavā etadavoca – “katamā ca, bhikkhave, satta purisagatiyo?

“Idha, bhikkhave, bhikkhu evaṃ paṭipanno hoti – ‘no cassa no ca me siyā, na bhavissati na me bhavissati, yadatthi yaṃ bhūtaṃ taṃ pajahāmi’ti upekkhaṃ paṭilabhāti. So bhava na rajjati, sambhave na rajjati, atthuttari padaṃ santaṃ sammappaññāya passati. Tañca khvassa padaṃ na sabbena sabbaṃ sacchikataṃ hoti, tassa na sabbena sabbaṃ mānānusayo pahīno hoti, na sabbena sabbaṃ bhavarāgānusayo pahīno hoti, na sabbena sabbaṃ avijjānusayo pahīno hoti. So pañcannaṃ orambhāgiyānaṃ saṃyojanānaṃ parikkhayā antarāparinibbāyī hoti. Seyyathāpi, bhikkhave, divasaṃsantatte [divasasantatte (sī. syā.) ma. ni. 2.154] ayokapāle haññamāne papaṭikā nibbattitvā nibbāyeyya. Evamevaṃ kho, bhikkhave, bhikkhu evaṃ paṭipanno hoti – ‘no cassa no ca me siyā, na bhavissati na me bhavissati, yadatthi yaṃ bhūtaṃ taṃ pajahāmi’ti upekkhaṃ paṭilabhāti. So bhava na rajjati, sambhave na rajjati, atthuttari padaṃ santaṃ sammappaññāya passati. Tañca khvassa padaṃ na sabbena sabbaṃ sacchikataṃ hoti, tassa na sabbena sabbaṃ mānānusayo pahīno hoti, na sabbena sabbaṃ bhavarāgānusayo pahīno hoti, na sabbena sabbaṃ avijjānusayo pahīno hoti. So pañcannaṃ orambhāgiyānaṃ saṃyojanānaṃ parikkhayā antarāparinibbāyī hoti.

“Idha pana, bhikkhave, bhikkhu evaṃ paṭipanno hoti – ‘no cassa no ca me siyā, na bhavissati na me bhavissati, yadatthi yaṃ bhūtaṃ taṃ pajahāmi’ti upekkhaṃ paṭilabhāti. So bhava na rajjati, sambhave na rajjati, atthuttari padaṃ santaṃ sammappaññāya passati. Tañca khvassa padaṃ na sabbena sabbaṃ sacchikataṃ hoti, tassa na sabbena sabbaṃ mānānusayo pahīno hoti, na sabbena sabbaṃ bhavarāgānusayo pahīno hoti, na sabbena sabbaṃ avijjānusayo pahīno hoti. So pañcannaṃ orambhāgiyānaṃ saṃyojanānaṃ parikkhayā antarāparinibbāyī hoti. Seyyathāpi, bhikkhave, divasaṃsantatte ayokapāle haññamāne papaṭikā nibbattitvā uppatitvā nibbāyeyya. Evamevaṃ kho, bhikkhave, bhikkhu evaṃ paṭipanno hoti – no cassa no ca me siyā...pe... so pañcannaṃ orambhāgiyānaṃ saṃyojanānaṃ parikkhayā antarāparinibbāyī hoti.

“Idha pana, bhikkhave, bhikkhu evaṃ paṭipanno hoti – no cassa no ca me siyā...pe... so pañcannaṃ orambhāgiyānaṃ saṃyojanānaṃ parikkhayā antarāparinibbāyī hoti. Seyyathāpi, bhikkhave, divasaṃsantatte ayokapāle haññamāne papaṭikā nibbattitvā uppatitvā anupahacca talaṃ nibbāyeyya. Evamevaṃ kho, bhikkhave, bhikkhu evaṃ paṭipanno hoti – no cassa no ca me siyā...pe... so pañcannaṃ orambhāgiyānaṃ saṃyojanānaṃ parikkhayā antarāparinibbāyī hoti.

“Idha pana, bhikkhave, bhikkhu evaṃ paṭipanno hoti – no cassa no ca me siyā...pe... so pañcannaṃ orambhāgiyānaṃ saṃyojanānaṃ parikkhayā upahaccaparinibbāyī hoti. Seyyathāpi, bhikkhave, divasaṃsantatte ayokapāle haññamāne papaṭikā nibbattitvā uppatitvā upahacca talaṃ nibbāyeyya. Evamevaṃ kho, bhikkhave, bhikkhu evaṃ paṭipanno hoti – no cassa no ca me siyā...pe... so pañcannaṃ orambhāgiyānaṃ saṃyojanānaṃ parikkhayā upahaccaparinibbāyī hoti.

“Idha pana, bhikkhave, bhikkhu evaṃ paṭipanno hoti – no cassa no ca me siyā...pe... so pañcannaṃ orambhāgiyānaṃ saṃyojanānaṃ parikkhayā asaṅkhāraparinibbāyī hoti. Seyyathāpi, bhikkhave, divasaṃsantatte ayokapāle haññamāne papaṭikā nibbattitvā uppatitvā paritite tiṇapuñje vā kaṭṭhapuñje vā nipateyya. Sā tattha aggimpi janeyya, dhūmampi janeyya, aggimpi janetvā dhūmampi janetvā tameva parittaṃ tiṇapuñjaṃ vā kaṭṭhapuñjaṃ vā pariyādiyitvā anāhārā nibbāyeyya. Evamevaṃ

kho, bhikkhave, bhikkhu evaṃ paṭipanno hoti – no cassa no ca me siyā...pe... so pañcannaṃ orambhāgiyānaṃ saṃyojanānaṃ parikkhayā asaṅkhāraparinibbāyī hoti.

“Idha pana, bhikkhave, bhikkhu evaṃ paṭipanno hoti – no cassa no ca me siyā...pe... so pañcannaṃ orambhāgiyānaṃ saṃyojanānaṃ parikkhayā sasaṅkhāraparinibbāyī hoti. Seyyathāpi, bhikkhave, divasaṃsantatte ayokapāle haññamāne papaṭikā nibbattitvā uppatitvā vipule tiṇapuñje vā kaṭṭhapuñje vā nipateyya. Sā tattha aggimpi janeyya, dhūmampi janeyya, aggimpi janetvā dhūmampi janetvā tameva vipulaṃ tiṇapuñjaṃ vā kaṭṭhapuñjaṃ vā pariyādiyitvā anāhārā nibbāyeyya. Evamevaṃ kho, bhikkhave, bhikkhu evaṃ paṭipanno hoti – no cassa no ca me siyā...pe... so pañcannaṃ orambhāgiyānaṃ saṃyojanānaṃ parikkhayā sasaṅkhāraparinibbāyī hoti.

“Idha pana, bhikkhave, bhikkhu evaṃ paṭipanno hoti – ‘no cassa no ca me siyā, na bhavissati na me bhavissati, yadatthi yaṃ bhūtaṃ taṃ pajahāmī’ ti upekkhaṃ paṭilabhati. So bhava na rajjati, sambhave na rajjati, atthuttari padaṃ santaṃ sammappaññāya passati. Tañca khvassa padaṃ na sabbena sabbaṃ sacchikataṃ hoti, tassa na sabbena sabbaṃ mānānusayo pahīno hoti, na sabbena sabbaṃ bhavarāgānusayo pahīno hoti, na sabbena sabbaṃ avijjānusayo pahīno hoti. So pañcannaṃ orambhāgiyānaṃ saṃyojanānaṃ parikkhayā uddhaṃsoto hoti akaniṭṭhagāmī. Seyyathāpi, bhikkhave, divasaṃsantatte ayokapāle haññamāne papaṭikā nibbattitvā uppatitvā mahante tiṇapuñje vā kaṭṭhapuñje vā nipateyya. Sā tattha aggimpi janeyya, dhūmampi janeyya, aggimpi janetvā dhūmampi janetvā tameva mahantaṃ tiṇapuñjaṃ vā kaṭṭhapuñjaṃ vā pariyādiyitvā gacchampi daheyya [daheyya (aññattha)], dāyampi daheyya, gacchampi dahitvā dāyampi dahitvā haritantaṃ vā pathantaṃ vā [panthantaṃ vā (sī.) syāmapotthake idam na dissati] selantaṃ vā udakantaṃ vā ramaṇīyaṃ vā bhūmibhāgaṃ āgamma anāhārā nibbāyeyya. Evamevaṃ kho, bhikkhave, bhikkhu evaṃ paṭipanno hoti – no cassa no ca me siyā...pe... so pañcannaṃ orambhāgiyānaṃ saṃyojanānaṃ parikkhayā uddhaṃsoto hoti akaniṭṭhagāmī. Imā kho, bhikkhave, satta purisagatiyo.

“Katamañca, bhikkhave, anupādāparinibbānaṃ? Idha, bhikkhave, bhikkhu evaṃ paṭipanno hoti – ‘no cassa no ca me siyā, na bhavissati na me bhavissati, yadatthi yaṃ bhūtaṃ taṃ pajahāmī’ ti upekkhaṃ paṭilabhati. So bhava na rajjati, sambhave na rajjati, atthuttari padaṃ santaṃ sammappaññāya passati. Tañca khvassa padaṃ sabbena sabbaṃ sacchikataṃ hoti, tassa sabbena sabbaṃ mānānusayo pahīno hoti, sabbena sabbaṃ bhavarāgānusayo pahīno hoti, sabbena sabbaṃ avijjānusayo pahīno hoti. So āsavānaṃ khayā...pe... sacchikatvā upasampajja viharati. Idam vuccati, bhikkhave, anupādāparinibbānaṃ. Imā kho, bhikkhave, satta purisagatiyo anupādā ca parinibbāna’ nti. Dutiyaṃ.

3. Tissabrahmāsuttaṃ

56. Evaṃ me suttaṃ – ekaṃ samayaṃ bhagavā rājagahe viharati gijjhakūṭe pabbate. Atha kho dve devatā abhikkantāya rattiyā abhikkantavaṇṇā kevalakappaṃ gijjhakūṭaṃ obhāsetvā yena bhagavā tenupasaṅkamissa; upasaṅkamtivā bhagavantaṃ abhivādetvā ekamantaṃ aṭṭhaṃsu. Ekamantaṃ ṭhitā kho ekā devatā bhagavantaṃ etadavoca – ‘etā, bhante, bhikkhuniyo vimuttā’ ti. Aparā devatā bhagavantaṃ etadavoca – ‘etā, bhante, bhikkhuniyo anupādisesā suvimuttā’ ti. Idamavocum tā devatā. Samanuñño satthā ahoṣi. Atha kho tā devatā ‘samanuñño satthā’ ti bhagavantaṃ abhivādetvā padakkhiṇaṃ katvā tatthevantaradhāyissa.

Atha kho bhagavā tassā rattiyā accayena bhikkhū āmantesi – ‘imaṃ, bhikkhave, rattiṃ dve devatā abhikkantāya rattiyā abhikkantavaṇṇā kevalakappaṃ gijjhakūṭaṃ obhāsetvā yenāhaṃ tenupasaṅkamissa; upasaṅkamtivā maṃ abhivādetvā ekamantaṃ aṭṭhaṃsu. Ekamantaṃ ṭhitā kho, bhikkhave, ekā devatā maṃ etadavoca – ‘etā, bhante, bhikkhuniyo vimuttā’ ti. Aparā devatā maṃ etadavoca – ‘etā, bhante, bhikkhuniyo anupādisesā suvimuttā’ ti. Idamavocum, bhikkhave, tā devatā. Idam vatvā maṃ abhivādetvā padakkhiṇaṃ katvā tatthevantaradhāyissū’ ti.

Tena kho pana samayena āyasmā mahāmogallāno bhagavato avidūre nisinno hoti. Atha kho āyasmato mahāmogallānassa etadahosi – “katamesānaṃ kho devānaṃ evaṃ ñāṇaṃ hoti – ‘saupādisese vā saupādisesoti, anupādisese vā anupādiseso’”ti? Tena kho pana samayena tisso nāma bhikkhu adhunākālaṅkato aññataraṃ brahmalokaṃ upapanno hoti. Tatrāpi naṃ evaṃ jānanti – “tisso brahmā mahiddhiko mahānubhāvo”ti.

Atha kho āyasmā mahāmogallāno – seyyathāpi nāma balavā puriso samiñjitaṃ vā bāhaṃ pasāreyya, pasāritaṃ vā bāhaṃ samiñjeyya, evamevaṃ – gijjhakūṭe pabbate antarahito tasmim̐ brahmaloke pāturaṃ. Addasā kho tisso brahmā āyasmantaṃ mahāmogallānaṃ dūratova āgacchantaṃ. Disvā āyasmantaṃ mahāmogallānaṃ etadavoca – “ehi kho, mārisa moggallāna; svāgataṃ, mārisa moggallāna! Cirassaṃ kho, mārisa moggallāna, imaṃ pariyāyamakāsi, yadidaṃ idhāgamaṇāya. Nisīda, mārisa moggallāna, idamāsanaṃ paññatta’nti. Nisīdi kho āyasmā mahāmogallāno paññatte āsane. Tissopi kho brahmā āyasmantaṃ mahāmogallānaṃ abhivādetvā ekamantaṃ nisīdi. Ekamantaṃ nisinnaṃ kho tissaṃ brahmānaṃ āyasmā mahāmogallāno etadavoca – “katamesānaṃ kho, tissa, devānaṃ evaṃ ñāṇaṃ hoti – ‘saupādisese vā saupādisesoti, anupādisese vā anupādiseso’”ti? “Brahmakāyikānaṃ kho, mārisa moggallāna, devānaṃ evaṃ ñāṇaṃ hoti – ‘saupādisese vā saupādisesoti, anupādisese vā anupādiseso’”ti.

“Sabbesaññeva kho, tissa, brahmakāyikānaṃ devānaṃ evaṃ ñāṇaṃ hoti – ‘saupādisese vā saupādisesoti, anupādisese vā anupādiseso’”ti? “Na kho, mārisa moggallāna, sabbesaṃ brahmakāyikānaṃ devānaṃ evaṃ ñāṇaṃ hoti – ‘saupādisese vā saupādisesoti, anupādisese vā anupādiseso’”ti.

“Ye kho te, mārisa moggallāna, brahmakāyikā devā brahmena āyunā santuṭṭhā brahmena vaṇṇena brahmena sukkena brahmena yasena brahmena ādhipateyyena santuṭṭhā, te uttari nissaraṇaṃ yathābhūtaṃ nappajānanti. Tesam̐ na evaṃ ñāṇaṃ hoti – ‘saupādisese vā saupādisesoti, anupādisese vā anupādiseso’”ti. Ye ca kho te, mārisa moggallāna, brahmakāyikā devā brahmena āyunā asantuṭṭhā, brahmena vaṇṇena brahmena sukkena brahmena yasena brahmena ādhipateyyena asantuṭṭhā, te ca uttari nissaraṇaṃ yathābhūtaṃ pajānanti. Tesam̐ evaṃ ñāṇaṃ hoti – ‘saupādisese vā saupādisesoti, anupādisese vā anupādiseso’”ti.

“Idha, mārisa moggallāna, bhikkhu ubhatobhāgavimutto hoti. Tameṇaṃ te devā evaṃ jānanti – ‘ayaṃ kho āyasmā ubhatobhāgavimutto. Yāvassa kāyo ṭhassati tāva naṃ dakkhanti devamanussā. Kāyassa bhedaṃ na naṃ dakkhanti devamanussā’”ti. Evampi kho, mārisa moggallāna, tesam̐ devānaṃ ñāṇaṃ hoti – ‘saupādisese vā saupādisesoti, anupādisese vā anupādiseso’”ti.

“Idha pana, mārisa moggallāna, bhikkhu paññāvimutto hoti. Tameṇaṃ te devā evaṃ jānanti – ‘ayaṃ kho āyasmā paññāvimutto. Yāvassa kāyo ṭhassati tāva naṃ dakkhanti devamanussā. Kāyassa bhedaṃ na naṃ dakkhanti devamanussā’”ti. Evampi kho, mārisa moggallāna, tesam̐ devānaṃ ñāṇaṃ hoti – ‘saupādisese vā saupādisesoti, anupādisese vā anupādiseso’”ti.

“Idha pana, mārisa moggallāna, bhikkhu kāyasakkhī hoti. Tameṇaṃ devā evaṃ jānanti – ‘ayaṃ kho āyasmā kāyasakkhī. Appeva nāma ayamāyasmā anulomikāni senāsanāni paṭisevamāno kalyāṇamitte bhajamāno indriyāni samannāyamaṇo – yassatthāya kulaputtā sammadeva agārasmā anagāriyaṃ pabbajanti tadanuttaraṃ – brahmacariyapariyosānaṃ diṭṭheva dhamme sayam̐ abhiññā sacchikatvā upasampajja vihareyyā’”ti. Evampi kho, mārisa moggallāna, tesam̐ devānaṃ ñāṇaṃ hoti – ‘saupādisese vā saupādisesoti, anupādisese vā anupādiseso’”ti.

“Idha pana, mārisa moggallāna, bhikkhu diṭṭhippatto hoti...pe... saddhāvimutto hoti...pe... dhammānusārī hoti. Tameṇaṃ te devā evaṃ jānanti – ‘ayaṃ kho āyasmā dhammānusārī. Appeva nāma ayamāyasmā anulomikāni senāsanāni paṭisevamāno kalyāṇamitte bhajamāno indriyāni

samannāyamaṇo – yassatthāya kulaputtā sammadeva agārasmā anagāriyaṃ pabbajanti tadanuttaraṃ – brahmacariyapariyosānaṃ diṭṭheva dhamme sayamaṃ abhiññā sacchikatvā upasampajja vihareyyā’ti. Evampi kho, mārisa moggallāna, tesamaṃ devānaṃ ñāṇamaṃ hoti – ‘saupādisese vā saupādisesoti, anupādisese vā anupādiseso’’ti.

Atha kho āyasmā mahāmoggallāno tissassa brahmuno bhāsitaṃ abhinanditvā anumoditvā – seyyathāpi nāma balavā puriso samiñjitaṃ vā bāhaṃ pasāreyya, pasāritaṃ vā bāhaṃ samiñjeyya, evamevaṃ – brahmaloke antarahito gijjhakūṭe pabbate pāturaḥosi. Atha kho āyasmā mahāmoggallāno yena bhagavā tenupasaṅkami; upasaṅkamtivā bhagavantaṃ abhivādetvā ekamantaṃ nisīdi. Ekamantaṃ nisinna kho āyasmā mahāmoggallāno yāvatako ahoṣi tissenā brahmunā saddhiṃ kathāsallāpo taṃ sabbaṃ bhagavato ārocesi.

‘‘Na hi pana te, moggallāna, tisso brahmā sattamaṃ animittavihāriṃ puggalaṃ deseti’’. ‘‘Etassa, bhagavā, kālo; etassa, sugata, kālo! Yaṃ bhagavā sattamaṃ animittavihāriṃ puggalaṃ deseyya. Bhagavato sutvā bhikkhū dhāressanti’’ti. ‘‘Tena hi, moggallāna, suṇāhi, sādhukaṃ manasi karohi; bhāsissāmi’’ti. ‘‘Evaṃ, bhante’’ti kho āyasmā mahāmoggallāno bhagavato paccassosi. Bhagavā etadavoca –

‘‘Idha, moggallāna, bhikkhu sabbanimittānaṃ amanasikārā animittaṃ cetosamādhiṃ upasampajja viharati. Tameṇaṃ te devā evaṃ jānanti – ‘ayamaṃ kho āyasmā sabbanimittānaṃ amanasikārā animittaṃ cetosamādhiṃ upasampajja viharati. Appeva nāma ayamāyasmā anulomikāni senāsanāni paṭisevamāno kalyāṇamitte bhajamāno indriyāni samannāyamaṇo – yassatthāya kulaputtā sammadeva agārasmā anagāriyaṃ pabbajanti tadanuttaraṃ – brahmacariyapariyosānaṃ diṭṭheva dhamme sayamaṃ abhiññā sacchikatvā upasampajja vihareyyā’ti. Evaṃ kho, moggallāna, tesamaṃ devānaṃ ñāṇamaṃ hoti – ‘saupādisese vā saupādisesoti, anupādisese vā anupādiseso’’ti. Tatiyaṃ.

4. Sihasenāpatisuttaṃ

57. Evaṃ me sutamaṃ – ekaṃ samayaṃ bhagavā vesāliyaṃ viharati mahāvane kūtāgārasālāyaṃ. Atha kho sīho senāpati yena bhagavā tenupasaṅkami; upasaṅkamtivā bhagavantaṃ abhivādetvā ekamantaṃ nisīdi. Ekamantaṃ nisinna kho sīho senāpati bhagavantaṃ etadavoca – ‘‘sakkā nu kho, bhante, sandiṭṭhikaṃ dānaphalaṃ paññāpetu’’nti?

‘‘Tena hi, sīha, taññevetha paṭipucchissāmi, yathā te khameyya tathā naṃ byākareyyāsi. Taṃ kiṃ maññasi, sīha, idha dve purisā – eko puriso assaddho maccharī kadariyo paribhāsako, eko puriso saddho dānapati anuppadānarato. Taṃ kiṃ maññasi, sīha, kaṃ nu kho [kiṃ nu kho (ka.)] arahanto paṭhamaṃ anukampantā anukampeyyuṃ – ‘yo vā so puriso assaddho maccharī kadariyo paribhāsako, yo vā so puriso saddho dānapati anuppadānarato’’ti?

‘‘Yo so, bhante, puriso assaddho maccharī kadariyo paribhāsako, kintaṃ [kinti (ka.)] arahanto paṭhamaṃ anukampantā anukampissanti! Yo ca kho so, bhante, puriso saddho dānapati anuppadānarato taṃyeva arahanto paṭhamaṃ anukampantā anukampeyyuṃ’’.

‘‘Taṃ kiṃ maññasi, sīha, kaṃ nu kho arahanto paṭhamaṃ upasaṅkamantā upasaṅkameyyuṃ – ‘yo vā so puriso assaddho maccharī kadariyo paribhāsako, yo vā so puriso saddho dānapati anuppadānarato’’ti? ‘‘Yo so, bhante, puriso assaddho maccharī kadariyo paribhāsako, kintaṃ arahanto paṭhamaṃ upasaṅkamantā upasaṅkamissanti! Yo ca kho so, bhante, puriso saddho dānapati anuppadānarato taṃyeva arahanto paṭhamaṃ upasaṅkamantā upasaṅkameyyuṃ’’.

‘‘Taṃ kiṃ maññasi, sīha, kassa nu kho arahanto paṭhamaṃ paṭiggaṇhantā paṭiggaṇheyyuṃ – ‘yo vā so puriso assaddho maccharī kadariyo paribhāsako, yo vā so puriso saddho dānapati

anuppadānarato’’ti? “Yo so, bhante, puriso assaddho maccharī kadariyo paribhāsako, kintaṃ tassa arahanto paṭhamam paṭiggaṇhantā paṭiggaṇhissanti! Yo ca kho so, bhante, puriso saddho dānapati anuppadānarato tasseva arahanto paṭhamam paṭiggaṇhantā paṭiggaṇheyyum’’.

“Taṃ kiṃ maññasi, sīha, kassa nu kho arahanto paṭhamam dhammam desentā deseyyum – ‘yo vā so puriso assaddho maccharī kadariyo paribhāsako, yo vā so puriso saddho dānapati anuppadānarato’’ti? “Yo so, bhante, puriso assaddho maccharī kadariyo paribhāsako, kintaṃ tassa arahanto paṭhamam dhammam desentā desessanti! Yo ca kho so, bhante, puriso saddho dānapati anuppadānarato tasseva arahanto paṭhamam dhammam desentā deseyyum’’.

“Taṃ kiṃ maññasi, sīha, kassa nu kho kalyāṇo kittisaddo abbhuggaccheyya – ‘yo vā so puriso assaddho maccharī kadariyo paribhāsako, yo vā so puriso saddho dānapati anuppadānarato’’ti? “Yo so, bhante, puriso assaddho maccharī kadariyo paribhāsako, kintaṃ tassa kalyāṇo kittisaddo abbhuggacchissati! Yo ca kho so, bhante, puriso saddho dānapati anuppadānarato tasseva kalyāṇo kittisaddo abbhuggaccheyya’’.

“Taṃ kiṃ maññasi, sīha, ko nu kho yaṃyadeva parisam upasaṅkameyya, yadi khattiyaparisam yadi brāhmaṇaparisam yadi gahapatiparisam yadi samaṇaparisam visārado upasaṅkameyya amaṅkubhūto – ‘yo vā so puriso assaddho maccharī kadariyo paribhāsako, yo vā so puriso saddho dānapati anuppadānarato’’ti? “Yo so, bhante, puriso assaddho maccharī kadariyo paribhāsako, kiṃ so yaṃyadeva parisam upasaṅkamissati, yadi khattiyaparisam yadi brāhmaṇaparisam yadi gahapatiparisam yadi samaṇaparisam visārado upasaṅkamissati amaṅkubhūto! Yo ca kho so, bhante, puriso saddho dānapati anuppadānarato so yaṃyadeva parisam upasaṅkameyya, yadi khattiyaparisam yadi brāhmaṇaparisam yadi gahapatiparisam yadi samaṇaparisam visārado upasaṅkameyya amaṅkubhūto’’.

“Taṃ kiṃ maññasi, sīha, ko nu kho kāyassa bhedaṃ paraṃ maraṇā sugatiṃ saggam lokam upapajjeyya – ‘yo vā so puriso assaddho maccharī kadariyo paribhāsako, yo vā so puriso saddho dānapati anuppadānarato’’ti? “Yo so, bhante, puriso assaddho maccharī kadariyo paribhāsako, kiṃ so kāyassa bhedaṃ paraṃ maraṇā sugatiṃ saggam lokam upapajjissati! Yo ca kho so, bhante, puriso saddho dānapati anuppadānarato so kāyassa bhedaṃ paraṃ maraṇā sugatiṃ saggam lokam upapajjeyya’’.

“Yānimāni, bhante, bhagavatā sandiṭṭhikāni dānaphalāni akkhātāni, nāhaṃ ettha bhagavato saddhāya gacchāmi. Ahampi etāni jānāmi. Ahaṃ, bhante, dāyako dānapati, maṃ arahanto paṭhamam anukampantā anukampanti. Ahaṃ, bhante, dāyako dānapati, maṃ arahanto paṭhamam upasaṅkamantā upasaṅkamanti. Ahaṃ, bhante, dāyako dānapati, mayhaṃ arahanto paṭhamam paṭiggaṇhantā paṭiggaṇhanti. Ahaṃ, bhante, dāyako dānapati, mayhaṃ arahanto paṭhamam dhammam desentā desenti. Ahaṃ, bhante, dāyako dānapati, mayhaṃ kalyāṇo kittisaddo abbhuggato – ‘sīho senāpati dāyako kāraṇo saṅghupaṭṭhāko’’ti. Ahaṃ, bhante, dāyako dānapati yaṃyadeva parisam upasaṅkamāmi, yadi khattiyaparisam...pe... yadi samaṇaparisam visārado upasaṅkamāmi amaṅkubhūto. Yānimāni, bhante, bhagavatā sandiṭṭhikāni dānaphalāni akkhātāni, nāhaṃ ettha bhagavato saddhāya gacchāmi. Ahampi etāni jānāmi. Yañca kho maṃ, bhante, bhagavā evamāha – ‘dāyako, sīha, dānapati kāyassa bhedaṃ paraṃ maraṇā sugatiṃ saggam lokam upapajjati’’ti. Etāhaṃ na jānāmi, ettha ca panāhaṃ, bhagavato saddhāya gacchāmi’’ti. “Evametam, sīha; evametam, sīha! Dāyako, sīha, dānapati kāyassa bhedaṃ paraṃ maraṇā sugatiṃ saggam lokam upapajjati’’ti. Catuttham.

5. Arakkheyyasuttam

58. “Cattārimāni, bhikkhave, tathāgatassa arakkheyyāni, tīhi ca anupavajjo. Katamāni cattāri tathāgatassa arakkheyyāni? Parisuddhakāyasamācāro, bhikkhave, tathāgato; natthi tathāgatassa kāyaduccaritam yaṃ tathāgato rakkheyya – ‘mā me idaṃ paro aññāsī’’ti. Parisuddhavacīsamācāro, bhikkhave, tathāgato; natthi tathāgatassa vacīduccaritam yaṃ tathāgato rakkheyya – ‘mā me idaṃ paro

aññāsī’ti. Parisuddhamanosamācāro, bhikkhave, tathāgato; natthi tathāgatassa manoduccaritaṃ yaṃ tathāgato rakkheyya – ‘mā me idaṃ paro aññāsī’ti. Parisuddhājīvo, bhikkhave, tathāgato; natthi tathāgatassa micchājīvo yaṃ tathāgato rakkheyya – ‘mā me idaṃ paro aññāsī’ti. Imāni cattāri tathāgatassa arakkheyyāni.

“Katamehi tīhi anupavajjo? Svākkhātadhammo, bhikkhave, tathāgato. Tatra vata maṃ samaṇo vā brāhmaṇo vā devo vā māro vā brahmā vā koci vā lokasmiṃ sahadhammena paṭicodessati – ‘itipi tvam na svākkhātadhammo’ti. Nimittametam, bhikkhave, na samanupassāmi. Etamahaṃ [etampahaṃ (sī. syā.)], bhikkhave, nimittam asamanupassanto khemappatto abhayappatto vesārajappatto viharāmi.

“Supaññattā kho pana me, bhikkhave, sāvakanam nibbānagāminī paṭipadā. Yathāpaṭipannā mama sāvakā āsavānam khayā anāsavaṃ cetovimuttiṃ paññāvimuttiṃ diṭṭheva dhamme sayam abhiññā sacchikatvā upasampajja viharanti. Tatra vata maṃ samaṇo vā brāhmaṇo vā devo vā māro vā brahmā vā koci vā lokasmiṃ sahadhammena paṭicodessati – ‘itipi te na supaññattā sāvakanam nibbānagāminī paṭipadā. Yathāpaṭipannā tava sāvakā āsavānam khayā...pe... sacchikatvā upasampajja viharanti’ti. Nimittametam, bhikkhave, na samanupassāmi. Etamahaṃ, bhikkhave, nimittam asamanupassanto khemappatto abhayappatto vesārajappatto viharāmi.

“Anekasatā kho pana me, bhikkhave, sāvakaparisā āsavānam khayā...pe... sacchikatvā upasampajja viharanti. Tatra vata maṃ samaṇo vā brāhmaṇo vā devo vā māro vā brahmā vā koci vā lokasmiṃ sahadhammena paṭicodessati – ‘itipi te na anekasatā sāvakaparisā āsavānam khayā anāsavaṃ cetovimuttiṃ paññāvimuttiṃ diṭṭheva dhamme sayam abhiññā sacchikatvā upasampajja viharanti’ti. Nimittametam, bhikkhave, na samanupassāmi. Etamahaṃ, bhikkhave, nimittam asamanupassanto khemappatto abhayappatto vesārajappatto viharāmi. Imehi tīhi anupavajjo.

“Imāni kho, bhikkhave, cattāri tathāgatassa arakkheyyāni, imehi ca tīhi anupavajjo”ti. Pañcamam.

6. Kimilasuttam

59. Evaṃ me sutam – ekaṃ samayaṃ bhagavā kimilāyaṃ viharati niculavane [veḷuvane (sī. syā. kam. pī.) a. ni. 5.202; 7.40]. Atha kho āyasmā kimilo yena bhagavā tenupasaṅkami; upasaṅkamtivā bhagavantaṃ abhivādetvā ekamantaṃ nisīdi. Ekamantaṃ nisinno kho āyasmā kimilo bhagavantaṃ etadavoca – ‘ko nu kho, bhante, hetu ko paccayo yena tathāgate parinibbute saddhammo na ciraṭṭhitiko hotī’ti?

“Idha, kimila, tathāgate parinibbute bhikkhū bhikkhuniyo upāsakā upāsikāyo satthari agāravā viharanti appatissā, dhamme agāravā viharanti appatissā, saṅhe agāravā viharanti appatissā, sikkhāya agāravā viharanti appatissā, samādhismiṃ agāravā viharanti appatissā, appamāde agāravā viharanti appatissā, paṭisanthāre agāravā viharanti appatissā. Ayaṃ kho, kimila, hetu ayaṃ paccayo yena tathāgate parinibbute saddhammo na ciraṭṭhitiko hotī”ti.

“Ko pana, bhante, hetu ko paccayo yena tathāgate parinibbute saddhammo ciraṭṭhitiko hotī’ti? “Idha, kimila, tathāgate parinibbute bhikkhū bhikkhuniyo upāsakā upāsikāyo satthari sagāravā viharanti sappatissā, dhamme sagāravā viharanti sappatissā, saṅhe sagāravā viharanti sappatissā, sikkhāya sagāravā viharanti sappatissā, samādhismiṃ sagāravā viharanti sappatissā, appamāde sagāravā viharanti sappatissā, paṭisanthāre sagāravā viharanti sappatissā. Ayaṃ kho, kimila, hetu ayaṃ paccayo yena tathāgate parinibbute saddhammo ciraṭṭhitiko hotī”ti. Chaṭṭham.

7. Sattadhammasuttam

60. “Sattahi, bhikkhave, dhammehi samannāgato bhikkhu nacirasseva āsavānam khayā...pe...

sacchikatvā upasampajja vihareyya. Katamehi sattahi? Idha, bhikkhave, bhikkhu saddho hoti, sīlavā hoti, bahussuto hoti, paṭisallīno hoti, āraddhavīriyo hoti, satimā hoti, paññavā hoti. Imehi kho, bhikkhave, sattahi dhammehi samannāgato bhikkhu nacirasseva āsavānaṃ khayā...pe... sacchikatvā upasampajja vihareyyā”ti. Sattamaṃ.

8. Pacalāyamānasuttaṃ

61. Evaṃ me suttaṃ – ekaṃ samayaṃ bhagavā bhaggesu viharati susumāragire bhesakaḷāvane migadāye. Tena kho pana samayena āyasmā mahāmoggallāno magadhesu kallavālaputtagāme [kallavālamutttagāme (syā.)] pacalāyamāno nisinno hoti. Addasā kho bhagavā dibbena cakkhunā visuddhena atikkantamānusakena āyasmantaṃ mahāmoggallānaṃ magadhesu kallavālaputttagāme pacalāyamānaṃ nisinnaṃ. Disvā – seyyathāpi nāma balavā puriso samīñjitaṃ vā bāhaṃ pasāreyya, pasāritaṃ vā bāhaṃ samīñjeyya, evamevaṃ – bhaggesu susumāragire bhesakaḷāvane migadāye antarāhito magadhesu kallavālaputttagāme āyasmato mahāmoggallānassa sammukhe pāturahosi. Nisīdi bhagavā paññatte āsane. Nisajja kho bhagavā āyasmantaṃ mahāmoggallānaṃ etadavoca –

“Pacalāyasi no tvaṃ, moggallāna, pacalāyasi no tvaṃ, moggallānā”ti? “Evaṃ, bhante”.
 “Tasmātiha, moggallāna, yathāsaññissa te viharato taṃ middhaṃ okkamati, taṃ saññaṃ mā manasākāsi [mā manasikāsi (sī.), manasi kareyyāsi (syā.), manasākāsi (ka.)], taṃ saññaṃ mā bahulamakāsi [taṃ saññaṃ bahulaṃ kareyyāsi (syā.), taṃ saññaṃ bahulamakāsi (ka.)]. Tānaṃ kho panetaṃ, moggallāna, vijjati yaṃ te evaṃ viharato taṃ middhaṃ pahīyetha”.

“No ce te evaṃ viharato taṃ middhaṃ pahīyetha, tato tvaṃ, moggallāna, yathāsuttaṃ yathāpariyattaṃ dhammaṃ cetasā anuvitakkeyyāsi anuvicāreyyāsi, manasā anupekkheyyāsi. Tānaṃ kho panetaṃ vijjati yaṃ te evaṃ viharato taṃ middhaṃ pahīyetha.

“No ce te evaṃ viharato taṃ middhaṃ pahīyetha, tato tvaṃ, moggallāna, yathāsuttaṃ yathāpariyattaṃ dhammaṃ vitthārena sajjhāyaṃ kareyyāsi. Tānaṃ kho panetaṃ vijjati yaṃ te evaṃ viharato taṃ middhaṃ pahīyetha.

“No ce te evaṃ viharato taṃ middhaṃ pahīyetha, tato tvaṃ, moggallāna, ubho kaṇṇasotāni āviñcheyyāsi [āviñjeyyāsi (sī. syā.)], pāṇinā gattāni anumajjeyyāsi. Tānaṃ kho panetaṃ vijjati yaṃ te evaṃ viharato taṃ middhaṃ pahīyetha.

“No ce te evaṃ viharato taṃ middhaṃ pahīyetha, tato tvaṃ, moggallāna, utthāyāsanaṃ udakena akkhīni anumajjitvā [paniñjitvā (ka.)] disā anuvilokeyyāsi, nakkhattāni tārakarūpāni ullokeyyāsi. Tānaṃ kho panetaṃ vijjati yaṃ te evaṃ viharato taṃ middhaṃ pahīyetha.

“No ce te evaṃ viharato taṃ middhaṃ pahīyetha, tato tvaṃ, moggallāna, ālokasaññaṃ manasi kareyyāsi, divāsaññaṃ adhiṭṭhaheyyāsi – yathā divā tathā rattiṃ yathā rattiṃ tathā divā. Iti vivaṭṭena [vivaṭṭena (syā.), middhavigatena (ka.)] cetasā apariyonaddhena sappabhāsaṃ cittaṃ bhāveyyāsi. Tānaṃ kho panetaṃ vijjati yaṃ te evaṃ viharato taṃ middhaṃ pahīyetha.

“No ce te evaṃ viharato taṃ middhaṃ pahīyetha, tato tvaṃ, moggallāna, pacchāpuresaññī [pacchāpure tathāsaññī (katthaci)] caṅkamaṃ adhiṭṭhaheyyāsi antogatehi indriyehi abahigatena mānasena. Tānaṃ kho panetaṃ vijjati yaṃ te evaṃ viharato taṃ middhaṃ pahīyetha.

“No ce te evaṃ viharato taṃ middhaṃ pahīyetha, tato tvaṃ, moggallāna, dakkhiṇena passena sīhaseyyaṃ kappeyyāsi pāde pādaṃ accādhāya sato sampajāno utthānasaññaṃ manasi karitvā. Paṭibuddhena ca [paṭibuddheneva (syā.)] te, moggallāna, khippaññaṃ paccuṭṭhātabbaṃ – ‘na seyyasukhaṃ na passasukhaṃ na middhasukhaṃ anuyutto viharissāmi’ti. Evañhi te, moggallāna,

sikkhitabbaṃ.

“Tasmātiha, moggallāna, evaṃ sikkhitabbaṃ – ‘na uccāsoṇḍaṃ paggaḥetvā kulāni upasaṅkamissāmi’ ti. Evañhi te, moggallāna, sikkhitabbaṃ. Sace, moggallāna, bhikkhu uccāsoṇḍaṃ paggaḥetvā kulāni upasaṅkamati, santi hi, moggallāna, kulesu kiccakaraṇīyāni. Yehi manussā āgataṃ bhikkhuṃ na manasi karonti, tatra bhikkhussa evaṃ hoti – ‘kosu nāma idāni maṃ imasmiṃ kule paribhindi, virattarūpā dānime mayi manussā’ ti. Itissa alābhena maṅkubhāvo, maṅkubhūtassa uddhaccaṃ, uddhatassa asaṃvaro, asaṃvutassa ārā cittaṃ samādhimhā.

“Tasmātiha, moggallāna, evaṃ sikkhitabbaṃ – ‘na viggāhikakathaṃ kathessāmi’ ti. Evañhi te, moggallāna, sikkhitabbaṃ. Viggāhikāya, moggallāna, kathāya sati kathābhūllaṃ pāṭikāṅkhaṃ, kathābhūlle sati uddhaccaṃ, uddhatassa asaṃvaro, asaṃvutassa ārā cittaṃ samādhimhā [nāhaṃ moggallāna sabbeveva samaggaṃ vaṇṇayāmi gahaṭṭhehi. pabbajitehi kho ahaṃ moggallāna samaggaṃ vaṇṇayāmi (ka.)]. Nāhaṃ, moggallāna, sabbeveva saṃsaggaṃ vaṇṇayāmi. Na panāhaṃ, moggallāna, sabbeveva saṃsaggaṃ na vaṇṇayāmi. Sagahaṭṭhapabbajitehi kho ahaṃ, moggallāna, saṃsaggaṃ na vaṇṇayāmi [nāhaṃ moggallāna sabbeveva samaggaṃ vaṇṇayāmi gahaṭṭhehi, pabbajitehi kho ahaṃ moggallāna samaggaṃ vaṇṇayāmi (ka.)]. Yāni ca kho tāni senāsanāni appasaddāni appanigghosāni vijanavātāni manussarāhasseyyakāni [manussarāhaseyyakāni (sī. syā.)] paṭisallānasārūppāni tathārūpehi senāsanehi saṃsaggaṃ [samaggaṃ (ka.)] vaṇṇayāmi’ ti.

Evaṃ vutte āyasmā mahāmoggallāno bhagavantaṃ etadavoca – ‘kittāvatā nu kho, bhante, bhikkhu saṃkhittena taṇhāsaṅkhayavimutto hoti accantaniṭṭho accantayogakkhemī accantabrahmacārī accantapariyosāno seṭṭho devamanussāna’ nti?

“Idha, moggallāna, bhikkhuno suttaṃ hoti – ‘sabbe dhammā nālaṃ abhinivesāyā’ ti; evañcetataṃ, moggallāna, bhikkhuno suttaṃ hoti – ‘sabbe dhammā nālaṃ abhinivesāyā’ ti. So sabbaṃ dhammaṃ abhijānāti, sabbaṃ dhammaṃ abhiññāya sabbaṃ dhammaṃ pariānāti. Sabbaṃ dhammaṃ pariññāya yaṃkiñci vedanaṃ vediyati sukhaṃ vā dukkhaṃ vā adukkhamasukhaṃ vā. So tāsu vedanāsu aniccānupassī viharati, virāgānupassī viharati, nirodhānupassī viharati, paṭinissaggānupassī viharati. So tāsu vedanāsu aniccānupassī viharanto virāgānupassī viharanto nirodhānupassī viharanto paṭinissaggānupassī viharanto na kiñci [na ca kiñci (sī. syā. ka.) ma. ni. 1.390 passitabbaṃ] loke upādiyati, anupādiyamaṃ na paritassati, aparitassaṃ paccattaṃyeva parinibbāyati. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ ti pajānāti. Ettāvatā kho, moggallāna, bhikkhu saṃkhittena taṇhāsaṅkhayavimutto hoti accantaniṭṭho accantayogakkhemī accantabrahmacārī accantapariyosāno seṭṭho devamanussāna’ nti. Aṭṭhamaṃ.

9. Mettasuttaṃ

62. [itivu. 22 itivuttakepi] “Mā, bhikkhave, puññānaṃ bhāyittha. Sukhassettaṃ, bhikkhave, adhivacanaṃ yadidaṃ puññāni [yadidaṃ puññānti (sī.), yadidaṃ puññāni (ka.)]. Abhijānāmi kho panāhaṃ [bhikkhave dīgharattaṃ iṭṭhaṃ (syā.), bhikkhave dīgharattaṃ puññānaṃ iṭṭhaṃ (?)], bhikkhave, dīgharattaṃ katānaṃ puññānaṃ dīgharattaṃ iṭṭhaṃ [bhikkhave dīgharattaṃ iṭṭhaṃ (syā.), bhikkhave dīgharattaṃ puññānaṃ iṭṭhaṃ (?)] kantaṃ manāpaṃ vipākaṃ paccanubhūtaṃ. Satta vassāni mettaṃ cittaṃ bhāvesiṃ. Satta vassāni mettaṃ cittaṃ bhāvetvā satta saṃvaṭṭavivaṭṭakappe nayimaṃ lokaṃ punāgamāsiṃ. Saṃvaṭṭamāne sudāhaṃ [saṃvaṭṭamānassudāhaṃ (ka.)], bhikkhave, loke ābhassarūpago homi, vivaṭṭamāne loke suññaṃ brahmavimānaṃ upapajjāmi.

“Tatra sudamaṃ, bhikkhave, brahmā homi mahābrahmā abhibhū anabhibhūto aññadatthudaso vasavattī. Chattimsakkhattuṃ kho panāhaṃ, bhikkhave, sakko ahoṣiṃ devānamindo; anekasatakkhattuṃ rājā ahoṣiṃ cakkavattī dhammiko dhammarājā caturanto vijitāvī janapadatthāvariappatto sattaratanasamannāgato. Tassa mayhaṃ, bhikkhave, imāni satta ratanāni ahesuṃ, seyyathidaṃ –

cakkaratanam, hatthiratanam, assaratanam, maṇiratanam, itthiratanam, gahapatiratanam, pariṇāyakaratanameva sattamam. Parosahassam kho pana me, bhikkhave, puttā ahesum sūrā vīraṅgarūpā parasenappamaddanā. So imaṃ pathaviṃ sāgarapariyantam adaṇḍena asatthena dhammena abhivijjīya ajjhāvasi”nti [ajjhāvasanti (syā.) ajjhāvasati (sī. ka.)].

“Passa puññānam vipākam, kusalānam sukhesino [sukhesinam (sī.)];
Mettam cittam vibhāvetvā, satta vassāni bhikkhavo [bhikkhave (ka.)];
Sattasamvaṭṭavivaṭṭakappe, nayimaṃ lokaṃ punāgamim [punāgamam (syā.)].

“Samvaṭṭamāne lokamhi, homi ābhassarūpago;
Vivaṭṭamāne lokasmim, suññabrahmūpago ahum.

“Sattakkhattum mahābrahmā, vasavattī tadā ahum;
Chattimsakkhattum devindo, devarajjamakārayim.

“Cakkavattī ahum rājā, jambumaṇḍassa [jambudīpassa (sī.), jambumaṇḍassa (syā.)] issaro;
Muddhāvasitto [muddhābhisitto (ka.)] khattiyo, manussādhipatī ahum.

“Adaṇḍena asatthena, vijeyya pathaviṃ imaṃ;
Asāhasena kammena [dhammena (sī. syā.)], samena anusāsi taṃ.

“Dhammena rajjam kāretvā, asmiṃ pathavimaṇḍale;
Mahaddhane mahābhoge, aḍḍhe ajāyiham kule.

“Sabbakāmehi sampanne [sambuṇṇe (ka.)], ratanehi ca sattahi;
Buddhā saṅgāhakā loke, tehi etaṃ sudesitaṃ.

“Eso hetu mahantassa, pathabyo me na vipajjati [esa hetu mahantassa, pathabyo yena vuccati (sī. syā.)];
Pahūtavittūpakaraṇo, rājā hoti [homi (sī. syā.)] patāpavā.

“Iddhimā yasavā hoti [homi (sī. syā.)], jambumaṇḍassa [jambumaṇḍassa (sī. syā.)] issaro;
Ko sutvā nappasīdeyya, api kaṇhābhijātiyo.

“Tasmā hi attakāmena [atthakāmena (syā. ka.)], mahattamabhikaṅkhatā;
Saddhammo garukātabbo, saram buddhānasāsana”nti. navamaṃ;

10. Bhariyāsuttam

63. Atha kho bhagavā pubbaṅhasamayaṃ nivāsetvā pattacīvaramādāya yena anāthapiṇḍikassa gahapatissa nivesanam tenupasaṅkami; upasaṅkamitvā paññatte āsane nisīdi. Tena kho pana samayena anāthapiṇḍikassa gahapatissa nivesane manussā uccāsaddā mahāsaddā honti. Atha kho anāthapiṇḍiko gahapati yena bhagavā tenupasaṅkami; upasaṅkamitvā bhagavantam abhivādetvā ekamantaṃ nisīdi. Ekamantaṃ nisinnaṃ kho anāthapiṇḍikaṃ gahapatim bhagavā etadavoca –

“Kiṃ nu te, gahapati, nivesane manussā uccāsaddā mahāsaddā kevaṭṭā maññe macchavilope”ti?
“Ayaṃ, bhante, sujātā gharasuṅhā aḍḍhakulā ānītā. Sā neva sassum ādiyati, na sasuraṃ ādiyati, na sāmikaṃ ādiyati, bhagavantampi na sakkaroti na garuṃ karoti na māneti na pūjeti”ti.

Atha kho bhagavā sujātaṃ gharasuṅhaṃ āmantesi – “ehi, sujāte”ti! “Evaṃ, bhante”ti kho sujātā

gharasuṇhā bhagavato paṭissutvā yena bhagavā tenupasaṅkami; upasaṅkamitvā bhagavantam abhivādetvā ekamantaṃ nisīdi. Ekamantaṃ nisinnaṃ kho sujātaṃ gharasuṇhaṃ bhagavā etadavoca –

“Satta kho imā, sujāte, purisassa bhariyāyo. Katamā satta? Vadhakasamā, corīsamā, ayyasamā, mātāsamā, bhaginīsamā, sakhīsamā, dāsīsamā. Imā kho, sujāte, satta purisassa bhariyāyo. Tāsaṃ tvam katamā’ ti? “Na kho ahaṃ [nāhaṃ (syā.)], bhante, imassa bhagavatā saṃkhittena bhāsītassa vitthārena atthaṃ ājānāmi. Sādhu me, bhante, bhagavā tathā dhammaṃ desetu yathāhaṃ imassa bhagavatā saṃkhittena bhāsītassa vitthārena atthaṃ jāneyya’ nti. “Tena hi, sujāte, suṇāhi, sādhukaṃ manasi karohi; bhāsissāmi’ ti. “Evaṃ, bhante’ ti kho sujātaṃ gharasuṇhā bhagavato paccassosi. Bhagavā etadavoca –

“Paduṭṭhacittā ahitānukampinī,
Aññesu rattā atimaññate patim;
Dhanena kītassa vadhāya ussukā,
Yā evarūpā purisassa bhariyā;
‘Vadhā ca bhariyā’ ti ca sā pavuccati.

“Yaṃ itthiyā vindati sāmiko dhanam,
Sippaṃ vaṇijjañca kasiṃ adhiṭṭhahaṃ;
Appampi tassa apahātumicchati,
Yā evarūpā purisassa bhariyā;
‘Corī ca bhariyā’ ti ca sā pavuccati.

“Akammakāmā alasā mahagghasā,
Pharusā ca caṇḍī duruttavādinī;
Uṭṭhāyakānaṃ abhibhuyya vattati,
Yā evarūpā purisassa bhariyā;
‘Ayyā ca bhariyā’ ti ca sā pavuccati.

“Yā sabbadā hoti hitānukampinī,
Mātāva puttaṃ anurakkhate patim;
Tato dhanam sambhatamassa rakkhati,
Yā evarūpā purisassa bhariyā;
‘Mātā ca bhariyā’ ti ca sā pavuccati.

“Yathāpi jeṭṭhā bhaginī kaniṭṭhakā [kaniṭṭhā (sī.), kaniṭṭhā (syā.)],
Sagāravā hoti sakamhi sāmike;
Hirīmanā bhattuvāsānuvattinī,
Yā evarūpā purisassa bhariyā; ‘Bhaginī ca bhariyā’ ti ca sā pavuccati.

“Yācīdha disvāna patim pamodati,
Sakhī sakhāraṃva cirassamāgataṃ;
Koleyyakā sīlavatī patibbatā,
Yā evarūpā purisassa bhariyā;
‘Sakhī ca bhariyā’ ti ca sā pavuccati.

“Akkuddhasantā vadhadaṇḍatajjitā,
Aduṭṭhacittā patino titikkhati;
Akkodhanā bhattuvāsānuvattinī,
Yā evarūpā purisassa bhariyā;
‘Dāsī ca bhariyā’ ti ca sā pavuccati.

“Yācīdha bhariyā vadhakāti vuccati,
 ‘Corī ca ayyā’ ti ca yā pavuccati;
 Dussīlarūpā pharusā anādarā,
 Kāyassa bhedaṃ nirayaṃ vajanti tā.

“Yācīdha mātā bhaginī sakhīti ca,
 ‘Dāsī ca bhariyā’ ti ca sā pavuccati;
 Sīle ʘhitattā cīrarattasaṃvutā,
 Kāyassa bhedaṃ sugatīṃ vajanti tā’ ti.

“Imā kho, sujāte, satta purisassa bhariyāyo. Tāsaṃ tvaṃ katamā’ ti? “Ajjatagge maṃ, bhante, bhagavā dāsīsaṃ sāmikassa bhariyaṃ dhāretū’ ti. Dasamaṃ.

11. Kodhanasuttaṃ

64. “Sattime, bhikkhave, dhammā sapattakantā sapattakaraṇā kodhanaṃ āgacchanti itthiṃ vā purisaṃ vā. Katame satta? Idha, bhikkhave, sapatto sapattassa evaṃ icchati – ‘aho vatāyaṃ dubbaṇṇo assā’ ti! Taṃ kissa hetu? Na, bhikkhave, sapatto sapattassa vaṇṇavatāya nandati. Kodhanoyaṃ [kodhanāyaṃ (ka.)], bhikkhave, purisapuggalo kodhābhībhūto kodhapareto, kiñcāpi so hoti sunhāto suvilitto kappitakesamassu odātavattavasano [odātavasano (ka.)]; atha kho so dubbaṇṇova hoti kodhābhībhūto. Ayaṃ, bhikkhave, paṭhamo dhammo sapattakanto sapattakaraṇo kodhanaṃ āgacchati itthiṃ vā purisaṃ vā.

“Puna caparaṃ, bhikkhave, sapatto sapattassa evaṃ icchati – ‘aho vatāyaṃ dukkhaṃ sayeyyā’ ti! Taṃ kissa hetu? Na, bhikkhave, sapatto sapattassa sukhaseyyāya nandati. Kodhanoyaṃ, bhikkhave, purisapuggalo kodhābhībhūto kodhapareto, kiñcāpi so pallaṅke seti gonakattate paṭalikattate kadalimigapavarapaccattharaṇe sauttaracchade ubhatolohitakūpadhāne; atha kho so dukkhaññeva seti kodhābhībhūto. Ayaṃ, bhikkhave, dutiyo dhammo sapattakanto sapattakaraṇo kodhanaṃ āgacchati itthiṃ vā purisaṃ vā.

“Puna caparaṃ, bhikkhave, sapatto sapattassa evaṃ icchati – ‘aho vatāyaṃ na pacurattho assā’ ti! Taṃ kissa hetu? Na, bhikkhave, sapatto sapattassa pacuratthatāya nandati. Kodhanoyaṃ, bhikkhave, purisapuggalo kodhābhībhūto kodhapareto, anattampi gahetvā ‘attho me gahito’ ti maññati, atthampi gahetvā ‘anatto me gahito’ ti maññati. Tassime dhammā aññamaññaṃ vipaccanīkā gahitā dīgharattaṃ ahitāya dukkhāya saṃvattanti kodhābhībhūtassa. Ayaṃ, bhikkhave, tatiyo dhammo sapattakanto sapattakaraṇo kodhanaṃ āgacchati itthiṃ vā purisaṃ vā.

“Puna caparaṃ, bhikkhave, sapatto sapattassa evaṃ icchati – ‘aho vatāyaṃ na bhogavā assā’ ti! Taṃ kissa hetu? Na, bhikkhave, sapatto sapattassa bhogavatāya nandati. Kodhanassa, bhikkhave, purisapuggalassa kodhābhībhūtassa kodhaparetassa, yepissa te honti bhogā uṭṭhānavīriyādhigatā bāhābalaparicitā sedāvakkhittā dhammikā dhammaladdhā, tepi rājāno rājakoṣaṃ pavesenti kodhābhībhūtassa. Ayaṃ, bhikkhave, catuttho dhammo sapattakanto sapattakaraṇo kodhanaṃ āgacchati itthiṃ vā purisaṃ vā.

“Puna caparaṃ, bhikkhave, sapatto sapattassa evaṃ icchati – ‘aho vatāyaṃ na yasavā assā’ ti! Taṃ kissa hetu? Na, bhikkhave, sapatto sapattassa yasavatāya nandati. Kodhanoyaṃ, bhikkhave, purisapuggalo kodhābhībhūto kodhapareto, yopissa so hoti yaso appamādādhigato, tamhāpi dhaṃsati kodhābhībhūto. Ayaṃ, bhikkhave, pañcamaṃ dhammo sapattakanto sapattakaraṇo kodhanaṃ āgacchati itthiṃ vā purisaṃ vā.

“Puna caparaṃ, bhikkhave, sapatto sapattassa evaṃ icchati – ‘aho vatāyaṃ na mittavā assā’ ti! Taṃ

kissa hetu? Na, bhikkhave, sapatto sapattassa mittavatāya nandati. Kodhanam, bhikkhave, purisapuggalam kodhābhībhūtam kodhaparetam, yepissa te honti mittāmaccā ñāṭisālohitā, tepi ārakā parivajjanti kodhābhībhūtam. Ayam, bhikkhave, chaṭṭho dhammo sapattakanto sapattakaraṇo kodhanam āgacchati itthim vā purisam vā.

“Puna caparam, bhikkhave, sapatto sapattassa evam icchati – ‘aho vatāyam kāyassa bheda param maraṇā apāyam duggatiṃ vinipātam nirayam upapajjeyyā’ ti! Tam kissa hetu? Na, bhikkhave, sapatto sapattassa sugatigamane nandati. Kodhanoyam, bhikkhave, purisapuggalo kodhābhībhūto kodhapareto kāyena duccharitam carati, vācāya duccharitam carati, manasā duccharitam carati. So kāyena duccharitam caritvā vācāya...pe... kāyassa bheda param maraṇā apāyam duggatiṃ vinipātam nirayam upapajjati kodhābhībhūto. Ayam, bhikkhave, sattamo dhammo sapattakanto sapattakaraṇo kodhanam āgacchati itthim vā purisam vā. Ime kho, bhikkhave, satta dhammā sapattakantā sapattakaraṇā kodhanam āgacchanti itthim vā purisam vā” ti.

“Kodhano dubbaṇṇo hoti, atho dukkhampi seti so;
Atho attham gahetvāna, anatham adhipajjati [[adhigacchati \(sī.\)](#)], [paṭipajjati \(syā.\)](#)].

“Tato kāyena vācāya, vadham katvāna kodhano;
Kodhābhībhūto puriso, dhanajāniṃ nigacchati.

“Kodhasammadasammatto, āyasakyam [[āyasakkham \(syā.\)](#)] nigacchati;
Ñāṭimittā suhajjā ca, parivajjanti kodhanam.

[\[itivu. 88 itivuttakepi\]](#) “Anatthajanano kodho, kodho cittappakopano;
Bhayamantarato jātam, tam jano nāvabujjhati.

“Kuddho attham na jānāti, kuddho dhammam na passati;
Andhatamam tadā hoti, yam kodho sahate naram.

“Yam kuddho uparodheti, sukaram viya dukkaram;
Pacchā so vigate kodhe, aggidaḍḍhova tappati.

“Dummanakuyam padasseti [[sadasseti \(sī.\)](#)], [paṭhamam dasseti \(syā.\)](#)], dhūmam dhūmīva pāvako;
Yato patāyati kodho, yena kujjhanti mānavā.

“Nāssa hirī na ottappam [[na assa hirī ottappaṇca \(ka.\)](#)], na vāco hoti gāravo;
Kodhena abhībhūtassa, na dīpam hoti kiñcanaṃ.

“Tapanīyāni kammāni, yāni dhammehi ārakā;
Tāni ārocayissāmi, tam suṇātha yathā tatham.

“Kuddho hi pitaram hanti, hanti kuddho samātaram;
Kuddho hi brāhmaṇam hanti, hanti kuddho puthujjanam.

“Yāya mātu bhato poso, imam lokam avekkhati;
Tampi paṇadadiṃ santiṃ, hanti kuddho puthujjano.

“Attūpamā hi te sattā, attā hi paramo [[paramam \(sī. syā.\)](#)] piyo;
Hanti kuddho puthuttānam, nānārūpesu mucchito.

“Asinā hanti attānaṃ, visaṃ khādanti mucchitā;
Rajjuyā bajjha mīyanti, pabbatāmapī kandare.

“Bhūnahaccāni [bhūtahaccāni (sī. syā.)] kammāni, attamāraṇiyāni ca;
Karontā nāvabujjhanti [karonto nāvabujjhati (ka.)], kodhajāto parābhavo.

“Itāyaṃ kodharūpena, maccupāso guhāsayo;
Taṃ damena samucchinde, paññāvīriyena diṭṭhiyā.

“Yathā metaṃ [ekametaṃ (syā.), ekametaṃ (sī.)] akusalaṃ, samucchindetha paṇḍito;
Tattheva dhamme sikkhetha, mā no dummaṅkuyaṃ ahu.

“Vītakodhā anāyāsā, vītalobhā anussukā [anissukā (sī. syā.) tadaṭṭhakathāsu pana “anussukā”
tveva dissati];

Dantā kodhaṃ pahantvāna, parinibbanti anāsavā”ti [parinibbissathanāsavāti (syā.),
parinibbimsu anāsavāti (ka.)]. ekādasamaṃ;

Abyākatavaggo chaṭṭho.

Tassuddānaṃ –

Abyākato purisagati, tissa sīha arakkhiyaṃ;
Kimilaṃ satta pacalā, mettā bhariyā kodhekādasāti.

7. Mahāvaggo

1. Hirīottappasuttaṃ

65. [a. ni. 5.24, 168; 2.6.50] “Hirottappe, bhikkhave, asati hirottappavipannassa hatūpaniso hoti indriyaṣaṃvaro; indriyaṣaṃvare asati indriyaṣaṃvaravipannassa hatūpanisaṃ hoti sīlaṃ; sīle asati sīlavipannassa hatūpaniso hoti sammāsamādhī; sammāsamādhimhi asati sammāsamādhivipannassa hatūpanisaṃ hoti yathābhūtañāṇadassanaṃ; yathābhūtañāṇadassane asati yathābhūtañāṇadassanavipannassa hatūpaniso hoti nibbidāvirāgo; nibbidāvirāge asati nibbidāvirāgavipannassa hatūpanisaṃ hoti vimuttiñāṇadassanaṃ. Seyyathāpi, bhikkhave, rukkho sākāpalāsavipanno. Tassa papaṭikāpi na pāripūriṃ gacchati, tacopi pheggupi sārōpi na pāripūriṃ gacchati. Evamevaṃ kho, bhikkhave, hirottappe asati hirottappavipannassa hatūpaniso hoti indriyaṣaṃvaro; indriyaṣaṃvare asati indriyaṣaṃvaravipannassa hatūpanisaṃ hoti sīlaṃ; sīle asati sīlavipannassa hatūpaniso hoti sammāsamādhī; sammāsamādhimhi asati sammāsamādhivipannassa hatūpanisaṃ hoti yathābhūtañāṇadassanaṃ; yathābhūtañāṇadassane asati yathābhūtañāṇadassanavipannassa hatūpaniso hoti nibbidāvirāgo; nibbidāvirāge asati nibbidāvirāgavipannassa hatūpanisaṃ hoti vimuttiñāṇadassanaṃ.

“Hirottappe, bhikkhave, sati hirottappasampannassa upanisasampanno hoti indriyaṣaṃvaro; indriyaṣaṃvare sati indriyaṣaṃvarasampannassa upanisasampannaṃ hoti sīlaṃ; sīle sati sīlasampannassa upanisasampanno hoti sammāsamādhī; sammāsamādhimhi sati sammāsamādhisampannassa upanisasampannaṃ hoti yathābhūtañāṇadassanaṃ; yathābhūtañāṇadassane sati yathābhūtañāṇadassanasampannassa upanisasampanno hoti nibbidāvirāgo; nibbidāvirāge sati nibbidāvirāgasampannassa upanisasampannaṃ hoti vimuttiñāṇadassanaṃ. Seyyathāpi, bhikkhave, rukkho sākāpalāsasampanno. Tassa papaṭikāpi pāripūriṃ gacchati, tacopi pheggupi sārōpi pāripūriṃ gacchati. Evamevaṃ kho, bhikkhave, hirottappe sati hirottappasampannassa upanisasampanno hoti...

pe... vimuttiñānadassana’nti. Paṭhamam.

2. Sattasūriyasuttam

66. Evaṃ me sutam – ekaṃ samayaṃ bhagavā vesāliyaṃ viharati ambapālivane. Tatra kho bhagavā bhikkhū āmantesi – “bhikkhavo”ti. “Bhadante”ti te bhikkhū bhagavato paccassosum. Bhagavā etadvoca –

“Aniccā, bhikkhave, saṅkhārā; adhuvā, bhikkhave, saṅkhārā; anassāsikā, bhikkhave, saṅkhārā. Yāvañcidam, bhikkhave, alameva sabbasaṅkhāresu nibbinditum alam virajjitum alam vimuccitum.

“Sineru, bhikkhave, pabbatarājā caturāsītiyojanasahassāni āyāmena, caturāsītiyojanasahassāni vitthārena, caturāsītiyojanasahassāni mahāsamudde ajjhogālo, caturāsītiyojanasahassāni mahāsamuddā accuggato. Hoti kho so, bhikkhave, samayo yaṃ kadāci karahaci dīghassa addhuno accayena bahūni vassāni bahūni vassatāni bahūni vassasahassāni bahūni vassasatasahassāni devo na vassati. Deve kho pana, bhikkhave, avassante ye kecime bījagāmabhūtagāmā osadhitiṇavanappatayo te ussussanti visussanti, na bhavanti. Evaṃ aniccā, bhikkhave, saṅkhārā; evaṃ adhuvā, bhikkhave, saṅkhārā...pe... alam vimuccitum.

“Hoti kho so, bhikkhave, samayo yaṃ kadāci karahaci dīghassa addhuno accayena dutiyo sūriyo pātubhavati. Dutiyassa, bhikkhave, sūriyassa pātubhāvā yā kāci kunnadiyo kusobbhā [kussubbho (sī.), kussobbhā (syā.)] tā ussussanti visussanti, na bhavanti. Evaṃ aniccā, bhikkhave, saṅkhārā...pe... alam vimuccitum.

“Hoti kho so, bhikkhave, samayo yaṃ kadāci karahaci dīghassa addhuno accayena tatiyo sūriyo pātubhavati. Tatiyassa, bhikkhave, sūriyassa pātubhāvā yā kāci mahānadiyo, seyyathidaṃ – gaṅgā, yamunā, aciravatī, sarabhū, mahī, tā ussussanti visussanti, na bhavanti. Evaṃ aniccā, bhikkhave, saṅkhārā...pe... alam vimuccitum.

“Hoti kho so, bhikkhave, samayo yaṃ kadāci karahaci dīghassa addhuno accayena catuttho sūriyo pātubhavati. Catutthassa, bhikkhave, sūriyassa pātubhāvā ye te mahāsarā yato imā mahānadiyo pavattanti, seyyathidaṃ – anottatā, sīhapapātā, rathakārā, kaṇṇamuṇḍā, kuṇālā, chaddantā, mandākiniyā, tā ussussanti visussanti, na bhavanti. Evaṃ aniccā, bhikkhave, saṅkhārā...pe... alam vimuccitum.

“Hoti kho so, bhikkhave, samayo yaṃ kadāci karahaci dīghassa addhuno accayena pañcama sūriyo pātubhavati. Pañcamassa, bhikkhave, sūriyassa pātubhāvā yojanasatikānīpi mahāsamudde udakāni ogacchanti, dviyojanasatikānīpi mahāsamudde udakāni ogacchanti, tiyojanasatikānīpi, catuyojanasatikānīpi, pañcayojanasatikānīpi, chayojanasatikānīpi, sattayojanasatikānīpi mahāsamudde udakāni ogacchanti; sattatālampi mahāsamudde udakaṃ saṅṭhāti, chatālampi, pañcatālampi, catutālampi, titālampi, dvitālampi, tālamattampi mahāsamudde udakaṃ saṅṭhāti; sattaporisampi mahāsamudde udakaṃ saṅṭhāti, chaporisampi, pañcaporisampi, catuporisampi, tiporisampi, dvīporisampi, porisampi [porisamattampi (syā.)], aḍḍhaporisampi, kaṭimattampi, jaṇṇukāmattampi, gopphakamattampi mahāsamudde udakaṃ saṅṭhāti. Seyyathāpi, bhikkhave, saradasamaye thullaphusitake deve vassante tattha tattha gopadesu [gopphakapadesesu (ka.)] udakāni ṭhitāni honti; evamevaṃ kho, bhikkhave, tattha tattha gopphakamattāni [gopadamattāni (sī. syā.)] mahāsamudde udakāni ṭhitāni honti. Pañcamassa, bhikkhave, sūriyassa pātubhāvā aṅgulipabbamattampi mahāsamudde udakaṃ na hoti. Evaṃ aniccā, bhikkhave, saṅkhārā...pe... alam vimuccitum.

“Hoti kho so, bhikkhave, samayo yaṃ kadāci karahaci dīghassa addhuno accayena chaṭṭho sūriyo pātubhavati. Chaṭṭhassa, bhikkhave, sūriyassa pātubhāvā ayañca mahāpathavī sineru ca pabbatarājā dhūmāyanti saṃdhūmāyanti sampadhūmāyanti [dhūpāyanti sandhūpāyanti sampadhūpāyanti (sī. syā.)].

Seyyathāpi, bhikkhave, kumbhakārapāko ālepito [ālimpito (sī. syā.)] paṭhamam dhūmeti samdhūmeti sampadhūmeti; evamevaṃ kho, bhikkhave, chaṭṭhassa sūriyassa pātubhāvā ayañca mahāpathavī sineru ca pabbatarājā dhūmayanti samdhūmayanti sampadhūmayanti. Evaṃ aniccā, bhikkhave, saṅkhārā...pe... alam vimuccitum.

“Hoti kho so, bhikkhave, samayo yaṃ kadāci karahaci dīghassa addhuno accayena sattamo sūriyo pātubhavati. Sattamassa, bhikkhave, sūriyassa pātubhāvā ayañca mahāpathavī sineru ca pabbatarājā ādippanti pajjalanti ekajālā bhavanti. Imissā ca, bhikkhave, mahāpathaviyā sinerussa ca pabbatarājassa jhāyamānaṃ dayhamānaṃ acci vātena khittā yāva brahmalokāpi gacchati. Sinerussa, bhikkhave, pabbatarājassa jhāyamānaṃ dayhamānaṃ vinassamānaṃ mahatā tejokhandhena abhibhūtaṃ yojanasatikānipi kūtāni palujjanti dviyojanasatikānipi, tiyojanasatikānipi, catuyojanasatikānipi, pañcayojanasatikānipi kūtāni palujjanti. Imissā ca, bhikkhave, mahāpathaviyā sinerussa ca pabbatarājassa jhāyamānaṃ dayhamānaṃ neva chārikā paññāyati na masi. Seyyathāpi, bhikkhave, sappissa vā telassa vā jhāyamānaṃ dayhamānaṃ neva chārikā paññāyati na masi; evamevaṃ kho, bhikkhave, imissā ca mahāpathaviyā sinerussa ca pabbatarājassa jhāyamānaṃ dayhamānaṃ neva chārikā paññāyati na masi. Evaṃ aniccā, bhikkhave, saṅkhārā; evaṃ adhuvā, bhikkhave, saṅkhārā; evaṃ anassāsikā, bhikkhave, saṅkhārā. Yāvañcidam, bhikkhave, alameva sabbasaṅkhāresu nibbinditum alam virajjitum alam vimuccitum.

“Tatra, bhikkhave, ko mantā ko saddhātā – ‘ayañca pathavī sineru ca pabbatarājā dayhissanti vinassissanti, na bhavissanti’ ti aññatra diṭṭhapadehi?

[a. ni. 6.54; 7.73] “Bhūtapubbaṃ, bhikkhave, sunetto nāma satthā ahoṣi titthakaro kāmesu vītarāgo. Sunettassa kho pana, bhikkhave, satthuno anekāni sāvakasatāni ahesum. Sunetto, bhikkhave, satthā sāvakanāṃ brahmalokasahabyatāya dhammaṃ desesi. Ye kho pana, bhikkhave, sunettassa satthuno brahmalokasahabyatāya dhammaṃ desentassa sabbena sabbam sāsanaṃ ājānimsu te kāyassa bhedaṃ paraṃ maraṇā sugatiṃ brahmalokaṃ upapajjimsu. Ye na sabbena sabbam sāsanaṃ ājānimsu te kāyassa bhedaṃ paraṃ maraṇā appekacce paranimmitavasavattīnaṃ devānaṃ saḥabyataṃ upapajjimsu, appekacce nimmānaratīnaṃ devānaṃ saḥabyataṃ upapajjimsu, appekacce tusitānaṃ devānaṃ saḥabyataṃ upapajjimsu, appekacce yāmānaṃ devānaṃ saḥabyataṃ upapajjimsu, appekacce tāvatimsānaṃ devānaṃ saḥabyataṃ upapajjimsu, appekacce cātumahārājikānaṃ devānaṃ saḥabyataṃ upapajjimsu, appekacce khattiyamahāsālānaṃ saḥabyataṃ upapajjimsu, appekacce brāhmaṇamahāsālānaṃ saḥabyataṃ upapajjimsu, appekacce gahapatimahāsālānaṃ saḥabyataṃ upapajjimsu.

“Atha kho, bhikkhave, sunettassa satthuno etadahosi – ‘na kho metam patirūpaṃ yoham sāvakanāṃ samasamagatiyo assam abhisamparāyaṃ, yaṃnūnāhaṃ uttari mettam [uttari maggaṃ (ka.)] bhāveyya’”nti.

“Atha kho, bhikkhave, sunetto satthā satta vassāni mettam cittaṃ bhāvesi. Satta vassāni mettam cittaṃ bhāvetvā satta samvaṭṭavivaṭṭakappe nayimaṃ lokaṃ punarāgamāsi. Samvaṭṭamāne sudaṃ, bhikkhave, loke ābhassarūpago hoti. Vivaṭṭamāne loke suññaṃ brahmavimānaṃ upapajjati. Tatra sudaṃ, bhikkhave, brahmā hoti mahābrahmā abhibhū anabhibhūto aññadatthudaso vasavattī. Chattimsakkhattum kho pana, bhikkhave, sakko ahoṣi devānamindo. Anekasatakkhattum rājā ahoṣi cakkavattī dhammiko dhammarājā cāturato vijitāvī janapadatthāvariyaṃ pattaṃ sattaratanasamannāgato. Parosahassaṃ kho panassa puttā ahesum sūrā vīraṅgarūpā parasenappamaddanā. So imaṃ pathaviṃ sāgarapariyantam adaṇḍena asatthena dhammena abhivijjiya ajjhāvasi. So hi nāma, bhikkhave, sunetto satthā evaṃ dīghāyuko samāno evaṃ ciraṭṭhitiko aparimutto ahoṣi – ‘jātiyā jarāya maraṇena sokehi paridevehi dukkhehi domanassehi upāyāsehi, aparimutto dukkhasmā’ ti vadāmi”.

“Tam kissa hetu? Catunnam dhammānaṃ ananubodhā appaṭivedhā. Katamesam catunnam?”

Ariyassa, bhikkhave, sīlassa ananubodhā appaṭivedhā, ariyassa samādhissa ananubodhā appaṭivedhā, ariyāya paññāya ananubodhā appaṭivedhā, ariyāya vimuttiyā ananubodhā appaṭivedhā. Tayidaṃ, bhikkhave, ariyaṃ sīlaṃ anubuddhaṃ paṭividdhaṃ, ariyo samādhi anubodho paṭividdho, ariyā paññā anubodhā paṭividdhā, ariyā vimutti anubodhā paṭividdhā, ucchinnā bhavataṇhā, khīṇā bhavanetti, natthi dāni punabbhavo”ti. Idamavoca bhagavā. Idaṃ vatvāna sugato athāparaṃ etadavoca satthā –

“Sīlaṃ samādhi paññā ca, vimutti ca anuttarā;
Anubuddhā ime dhammā, gotamena yasassinā.

“Iti buddho abhiññāya, dhammamakkhāsi bhikkhunaṃ;
Dukkassantakaro satthā, cakkhumā parinibbuto”ti. dutiyaṃ;

3. Nagaropamasuttaṃ

67. “Yato kho, bhikkhave, rañño paccantimaṃ nagaraṃ sattahi nagaraparikkhārehi suparikkhataṃ [suparikkhitaṃ (ka.)] hoti, catunnañca āhārānaṃ nikāmalābhī hoti akicchālābhī akasiralābhī. Idaṃ vuccati, bhikkhave, rañño paccantimaṃ nagaraṃ akaraṇīyaṃ bāhirehi paccatthikehi paccāmittehi.

“Katamehi sattahi nagaraparikkhārehi suparikkhataṃ hoti? Idha, bhikkhave, rañño paccantime nagare esikā hoti gambhīranemā [gambhīranemi (ka.)] sunikhātā acalā asampavedhī [asampavedhi (sī. syā.).]. Iminā paṭhamena nagaraparikkhārena suparikkhataṃ hoti rañño paccantimaṃ nagaraṃ abhantarānaṃ guttiyā bāhirānaṃ paṭighātāya.

“Puna caparaṃ, bhikkhave, rañño paccantime nagare parikhā hoti gambhīrā ceva vitthatā ca. Iminā dutiyena nagaraparikkhārena suparikkhataṃ hoti rañño paccantimaṃ nagaraṃ abhantarānaṃ guttiyā bāhirānaṃ paṭighātāya.

“Puna caparaṃ, bhikkhave, rañño paccantime nagare anupariyāyapatho hoti ucco ceva vitthato ca. Iminā tatiyena nagaraparikkhārena suparikkhataṃ hoti rañño paccantimaṃ nagaraṃ abhantarānaṃ guttiyā bāhirānaṃ paṭighātāya.

“Puna caparaṃ, bhikkhave, rañño paccantime nagare bahuṃ āvudhaṃ sannicitaṃ hoti salākañceva jevanikañca [jevaniyañca (sī. aṭṭha.).]. Iminā catutthena nagaraparikkhārena suparikkhataṃ hoti rañño paccantimaṃ nagaraṃ abhantarānaṃ guttiyā bāhirānaṃ paṭighātāya.

“Puna caparaṃ, bhikkhave, rañño paccantime nagare bahubalakāyo paṭivasati, seyyathidaṃ – hatthārohā assārohā rathikā dhanuggahā celakā calakā piṇḍadāyakā uggā rājaputtā pakkhandino mahānāgā sūrā cammayodhino dāsakaputtā. Iminā pañcamena nagaraparikkhārena suparikkhataṃ hoti rañño paccantimaṃ nagaraṃ abhantarānaṃ guttiyā bāhirānaṃ paṭighātāya.

“Puna caparaṃ, bhikkhave, rañño paccantime nagare dovāriko hoti paṇḍito byatto medhāvī aññātānaṃ nivāretā nātānaṃ pavesetā. Iminā chaṭṭhena nagaraparikkhārena suparikkhataṃ hoti rañño paccantimaṃ nagaraṃ abhantarānaṃ guttiyā bāhirānaṃ paṭighātāya.

“Puna caparaṃ, bhikkhave, rañño paccantime nagare pākāro hoti ucco ceva vitthato ca vāsanalepanasampanno ca. Iminā sattamena nagaraparikkhārena suparikkhataṃ hoti rañño paccantimaṃ nagaraṃ abhantarānaṃ guttiyā bāhirānaṃ paṭighātāya. Imehi sattahi nagaraparikkhārehi suparikkhataṃ hoti.

“Katamesaṃ catunnaṃ āhārānaṃ nikāmalābhī hoti akicchālābhī akasiralābhī? Idha, bhikkhave, rañño paccantime nagare bahuṃ tiṇakaṭṭhodakaṃ sannicitaṃ hoti abhantarānaṃ ratiyā aparitassāya

phāsuvihārāya bāhirānaṃ paṭighātāya.

“Puna caparaṃ, bhikkhave, rañño paccantime nagare bahuṃ sāliyavakaṃ sannicitaṃ hoti abbhantarānaṃ ratiyā aparitassāya phāsuvihārāya bāhirānaṃ paṭighātāya.

“Puna caparaṃ, bhikkhave, rañño paccantime nagare bahuṃ tilamuggamāsāparaṇṇaṃ sannicitaṃ hoti abbhantarānaṃ ratiyā aparitassāya phāsuvihārāya bāhirānaṃ paṭighātāya.

“Puna caparaṃ, bhikkhave, rañño paccantime nagare bahuṃ bhesajjaṃ sannicitaṃ hoti, seyyathidaṃ – sappi navanītaṃ telamaṃ madhu phāṇitaṃ loṇaṃ abbhantarānaṃ ratiyā aparitassāya phāsuvihārāya bāhirānaṃ paṭighātāya. Imesaṃ kho, bhikkhave, catunnaṃ āhārānaṃ nikāmalābhī hoti akicchālābhī akasiralābhī.

“Yato kho, bhikkhave, rañño paccantimaṃ nagaraṃ imehi sattahi nagaraparikkhārehi suparikkhataṃ hoti, imesaṃ catunnaṃ āhārānaṃ nikāmalābhī hoti akicchālābhī akasiralābhī. Idaṃ vuccati, bhikkhave, rañño paccantimaṃ nagaraṃ akaraṇīyaṃ bāhirehi paccatthikehi paccāmittehi. Evamevaṃ kho, bhikkhave, yato ariyasāvako sattahi saddhammehi samannāgato hoti, catunnaṃ āhārānaṃ ābhicetasikānaṃ diṭṭhadhammasukhavihārānaṃ nikāmalābhī hoti akicchālābhī akasiralābhī. Ayaṃ vuccati, bhikkhave, ariyasāvako akaraṇīyo mārassa akaraṇīyo pāpimato. Katamehi sattahi saddhammehi samannāgato hoti?

“Seyyathāpi, bhikkhave, rañño paccantime nagare esikā hoti gambhīranemā sunikhātā acalā asampavedhī abbhantarānaṃ guttiyā bāhirānaṃ paṭighātāya. Evamevaṃ kho, bhikkhave, ariyasāvako saddho hoti, saddahati tathāgatassa bodhiṃ ‘itipi so...pe... buddho bhagavā’ti. Saddhesiko, bhikkhave, ariyasāvako akusalaṃ pajahati, kusalaṃ bhāveti; sāvajjaṃ pajahati, anavajjaṃ bhāveti; suddhaṃ attānaṃ pariharati. Iminā paṭhamena saddhammena samannāgato hoti.

“Seyyathāpi, bhikkhave, rañño paccantime nagare parikkhā hoti gambhīrā ceva vitthatā ca abbhantarānaṃ guttiyā bāhirānaṃ paṭighātāya. Evamevaṃ kho, bhikkhave, ariyasāvako hirīmā hoti, hirīyati kāyaduccaritena vacīduccaritena manoduccaritena, hirīyati pāpakānaṃ akusalānaṃ dhammānaṃ samāpattiyā. Hirīparikkho kho, bhikkhave, ariyasāvako akusalaṃ pajahati, kusalaṃ bhāveti; sāvajjaṃ pajahati, anavajjaṃ bhāveti; suddhaṃ attānaṃ pariharati. Iminā dutiyena saddhammena samannāgato hoti.

“Seyyathāpi, bhikkhave, rañño paccantime nagare anupariyāyapatho hoti ucco ceva vitthato ca abbhantarānaṃ guttiyā bāhirānaṃ paṭighātāya. Evamevaṃ kho, bhikkhave, ariyasāvako ottappī hoti, ottappati kāyaduccaritena vacīduccaritena manoduccaritena, ottappati pāpakānaṃ akusalānaṃ dhammānaṃ samāpattiyā. Ottappariyāyapatho, bhikkhave, ariyasāvako akusalaṃ pajahati, kusalaṃ bhāveti; sāvajjaṃ pajahati, anavajjaṃ bhāveti; suddhaṃ attānaṃ pariharati. Iminā tatiyena saddhammena samannāgato hoti.

“Seyyathāpi, bhikkhave, rañño paccantime nagare bahuṃ āvudhaṃ sannicitaṃ hoti salākañceva jevanikaṃ abbhantarānaṃ guttiyā bāhirānaṃ paṭighātāya. Evamevaṃ kho, bhikkhave, ariyasāvako bahussuto hoti...pe... diṭṭhiyā suppaṭividdhā. Sutāvudho, bhikkhave, ariyasāvako akusalaṃ pajahati, kusalaṃ bhāveti; sāvajjaṃ pajahati, anavajjaṃ bhāveti; suddhaṃ attānaṃ pariharati. Iminā catutthena saddhammena samannāgato hoti.

“Seyyathāpi, bhikkhave, rañño paccantime nagare bahubalakāyo paṭivasati, seyyathidaṃ – hatthārohā assārohā rathikā dhanuggahā celakā calakā piṇḍadāyakā uggā rājaputtā pakkhandino mahānāgā sūrā cammayodhino dāsakaputtā abbhantarānaṃ guttiyā bāhirānaṃ paṭighātāya. Evamevaṃ kho, bhikkhave, ariyasāvako āraddhavīriyo viharati akusalānaṃ dhammānaṃ pahānāya, kusalaṃ

dhammānaṃ upasampadāya, thāmaṃva dāḥaparakkamo anikkhittadhuro kusalesu dhammesu. Vīriyabalakāyo, bhikkhave, ariyasāvako akusalaṃ pajahati, kusalaṃ bhāveti; sāvajjaṃ pajahati, anavajjaṃ bhāveti; suddhaṃ attānaṃ pariharati. Iminā pañcamena saddhammena samannāgato hoti.

“Seyyathāpi, bhikkhave, rañño paccantime nagare dovāriko hoti paṇḍito byatto medhāvī aññātānaṃ nivāretā nātānaṃ pavesetā abbhantarānaṃ guttiyā bāhirānaṃ paṭighātāya. Evamevaṃ kho, bhikkhave, ariyasāvako satimā hoti paramena satinepakkena samannāgato cirakatampi cirabhāsītampi saritā anussaritā. Satidovāriko, bhikkhave, ariyasāvako akusalaṃ pajahati, kusalaṃ bhāveti; sāvajjaṃ pajahati, anavajjaṃ bhāveti; suddhaṃ attānaṃ pariharati. Iminā chaṭṭhena saddhammena samannāgato hoti.

“Seyyathāpi, bhikkhave, rañño paccantime nagare pākāro hoti ucco ceva vitthato ca vāsanalepanasampanno ca abbhantarānaṃ guttiyā bāhirānaṃ paṭighātāya. Evamevaṃ kho, bhikkhave, ariyasāvako paññavā hoti udayatthagāminiyā paññāya samannāgato ariyāya nibbedhikāya sammā dukkhakkhayagāminiyā. Paññāvāsanalepanasampanno, bhikkhave, ariyasāvako akusalaṃ pajahati, kusalaṃ bhāveti; sāvajjaṃ pajahati, anavajjaṃ bhāveti; suddhaṃ attānaṃ pariharati. Iminā sattamaṃ saddhammena samannāgato hoti. Imehi sattahi saddhammehi samannāgato hoti.

“Katamesaṃ catunnaṃ jhānaṃ ābhicetasikānaṃ diṭṭhadhammasukhavihārānaṃ nikāmalābhī hoti akicchālābhī akasiralābhī? Seyyathāpi, bhikkhave, rañño paccantime nagare bahuṃ tiṇakatthodakaṃ sannicitāṃ hoti abbhantarānaṃ ratiyā aparitassāya phāsuvihārāya bāhirānaṃ paṭighātāya. Evamevaṃ kho, bhikkhave, ariyasāvako vivicceva kāmehi...pe... paṭhamaṃ jhānaṃ upasampajja viharati attano ratiyā aparitassāya phāsuvihārāya okkamanāya nibbānassa.

“Seyyathāpi, bhikkhave, rañño paccantime nagare bahuṃ sāliyavakaṃ sannicitāṃ hoti abbhantarānaṃ ratiyā aparitassāya phāsuvihārāya bāhirānaṃ paṭighātāya. Evamevaṃ kho, bhikkhave, ariyasāvako vitakkavicārānaṃ vūpasamā...pe... dutiyaṃ jhānaṃ upasampajja viharati attano ratiyā aparitassāya phāsuvihārāya okkamanāya nibbānassa.

“Seyyathāpi, bhikkhave, rañño paccantime nagare bahuṃ tilamuggamāsāparaṇṇaṃ sannicitāṃ hoti abbhantarānaṃ ratiyā aparitassāya phāsuvihārāya bāhirānaṃ paṭighātāya. Evamevaṃ kho, bhikkhave, ariyasāvako pītiyā ca virāgā...pe... tatiyaṃ jhānaṃ upasampajja viharati attano ratiyā aparitassāya phāsuvihārāya okkamanāya nibbānassa.

“Seyyathāpi, bhikkhave, rañño paccantime nagare bahuṃ bhesajjaṃ sannicitāṃ hoti, seyyathidaṃ – sappi navanītaṃ telaṃ madhu phāṇitaṃ loṇaṃ abbhantarānaṃ ratiyā aparitassāya phāsuvihārāya bāhirānaṃ paṭighātāya. Evamevaṃ kho bhikkhave, ariyasāvako sukhasa ca pahānā dukkhassa ca pahānā pubbeva somanassadomanassānaṃ atthaṅgamā adukkhamasukhaṃ upekkhāsati pārisuddhiṃ catutthaṃ jhānaṃ upasampajja viharati attano ratiyā aparitassāya phāsuvihārāya okkamanāya nibbānassa. Imesaṃ catunnaṃ jhānaṃ ābhicetasikānaṃ diṭṭhadhammasukhavihārānaṃ nikāmalābhī hoti akicchālābhī akasiralābhī.

“Yato kho, bhikkhave, ariyasāvako imehi sattahi saddhammehi samannāgato hoti, imesañca catunnaṃ jhānaṃ ābhicetasikānaṃ diṭṭhadhammasukhavihārānaṃ nikāmalābhī hoti akicchālābhī akasiralābhī. Ayaṃ vuccati, bhikkhave, ariyasāvako akaraṇīyo mārassa akaraṇīyo pāpimato”ti. Tatiyaṃ.

4. Dhammaññūsuttaṃ

68. “Sattahi, bhikkhave, dhammehi samannāgato bhikkhu āhuneyyo hoti ...pe... anuttaraṃ puññakkhettaṃ lokassa. Katamehi sattahi? Idha, bhikkhave, bhikkhu dhammaññū ca hoti atthaññū ca atthaññū ca mattaññū ca kālaññū ca parisaññū ca puggalaparoparaññū ca.

“Kathañca, bhikkhave, bhikkhu dhammaññū hoti? Idha, bhikkhave, bhikkhu dhammaṃ jānāti – suttaṃ geyyaṃ veyyākaraṇaṃ gāthaṃ udānaṃ itivuttakaṃ jātaṃ abbhutadhammaṃ vedallaṃ. No ce, bhikkhave, bhikkhu dhammaṃ jāneyya – suttaṃ geyyaṃ...pe... abbhutadhammaṃ vedallaṃ, nayidha ‘dhammaññū’ti vucceyya. Yasmā ca kho, bhikkhave, bhikkhu dhammaṃ jānāti – suttaṃ geyyaṃ...pe... abbhutadhammaṃ vedallaṃ, tasmā ‘dhammaññū’ti vuccati. Iti dhammaññū.

“Atthaññū ca kathaṃ hoti? Idha, bhikkhave, bhikkhu tassa tasseva bhāsītassa atthaṃ jānāti – ‘ayaṃ imassa bhāsītassa attho, ayaṃ imassa bhāsītassa attho’ti. No ce, bhikkhave, bhikkhu tassa tasseva bhāsītassa atthaṃ jāneyya – ‘ayaṃ imassa bhāsītassa attho, ayaṃ imassa bhāsītassa attho’ti, nayidha ‘atthaññū’ti vucceyya. Yasmā ca kho, bhikkhave, bhikkhu tassa tasseva bhāsītassa atthaṃ jānāti – ‘ayaṃ imassa bhāsītassa attho, ayaṃ imassa bhāsītassa attho’ti, tasmā ‘atthaññū’ti vuccati. Iti dhammaññū, atthaññū.

“Attaññū ca kathaṃ hoti? Idha, bhikkhave, bhikkhu attānaṃ jānāti – ‘ettakomhi saddhāya sīlena sutena cāgena paññāya paṭibhānenā’ti. No ce, bhikkhave, bhikkhu attānaṃ jāneyya – ‘ettakomhi saddhāya sīlena sutena cāgena paññāya paṭibhānenā’ti, nayidha ‘attaññū’ti vucceyya. Yasmā ca, bhikkhave, bhikkhu attānaṃ jānāti – ‘ettakomhi saddhāya sīlena sutena cāgena paññāya paṭibhānenā’ti, tasmā ‘attaññū’ti vuccati. Iti dhammaññū, atthaññū, attaññū.

“Mattaññū ca kathaṃ hoti? Idha, bhikkhave, bhikkhu mattaṃ jānāti cīvarapiṇḍapātasenāsanagilānappaccayabhesajjaparikkhārānaṃ paṭiggahaṇāya. No ce, bhikkhave, bhikkhu mattaṃ jāneyya cīvarapiṇḍapātasenāsanagilānappaccayabhesajjaparikkhārānaṃ paṭiggahaṇāya, nayidha ‘mattaññū’ti vucceyya. Yasmā ca kho, bhikkhave, bhikkhu mattaṃ jānāti cīvarapiṇḍapātasenāsanagilānappaccayabhesajjaparikkhārānaṃ paṭiggahaṇāya, tasmā ‘mattaññū’ti vuccati. Iti dhammaññū, atthaññū, attaññū, mattaññū.

“Kālaññū ca kathaṃ hoti? Idha, bhikkhave, bhikkhu, kālaṃ jānāti – ‘ayaṃ kālo uddesassa, ayaṃ kālo paripucchāya, ayaṃ kālo yogassa, ayaṃ kālo paṭisallānassā’ti. No ce, bhikkhave, bhikkhu kālaṃ jāneyya – ‘ayaṃ kālo uddesassa, ayaṃ kālo paripucchāya, ayaṃ kālo yogassa, ayaṃ kālo paṭisallānassā’ti, nayidha ‘kālaññū’ti vucceyya. Yasmā ca kho, bhikkhave, bhikkhu kālaṃ jānāti – ‘ayaṃ kālo uddesassa, ayaṃ kālo paripucchāya, ayaṃ kālo yogassa, ayaṃ kālo paṭisallānassā’ti, tasmā ‘kālaññū’ti vuccati. Iti dhammaññū, atthaññū, attaññū, mattaññū, kālaññū.

“Parisaññū ca kathaṃ hoti? Idha, bhikkhave, bhikkhu parisāṃ jānāti – ‘ayaṃ khattiyaparisā, ayaṃ brāhmaṇaparisā, ayaṃ gahapatiparisā, ayaṃ samaṇaparisā. Tattha evaṃ upasaṅkamitabbaṃ, evaṃ ṭhātabbaṃ, evaṃ kattabbaṃ, evaṃ nisīditabbaṃ, evaṃ bhāsītabbaṃ, evaṃ tuṅhī bhavitabba’nti. No ce, bhikkhave, bhikkhu parisāṃ jāneyya – ‘ayaṃ khattiyaparisā...pe... evaṃ tuṅhī bhavitabba’nti, nayidha ‘parisaññū’ti vucceyya. Yasmā ca kho, bhikkhave, bhikkhu parisāṃ jānāti – ‘ayaṃ khattiyaparisā, ayaṃ brāhmaṇaparisā, ayaṃ gahapatiparisā, ayaṃ samaṇaparisā. Tattha evaṃ upasaṅkamitabbaṃ, evaṃ ṭhātabbaṃ, evaṃ kattabbaṃ, evaṃ nisīditabbaṃ, evaṃ bhāsītabbaṃ, evaṃ tuṅhī bhavitabba’nti, tasmā ‘parisaññū’ti vuccati. Iti dhammaññū, atthaññū, attaññū, mattaññū, kālaññū, parisāññū.

“Puggalaparoparaññū ca kathaṃ hoti? Idha, bhikkhave, bhikkhuno [sabbatthapi idha ārambhe ‘bhikkhuno’ tveva dissati] dvayena puggalā viditā honti. Dve puggalā – eko ariyānaṃ dassanakāmo, eko ariyānaṃ na dassanakāmo. Yvāyaṃ puggalo ariyānaṃ na dassanakāmo, evaṃ so tenaṅgena gārayho. Yvāyaṃ puggalo ariyānaṃ dassanakāmo, evaṃ so tenaṅgena pāsaṃso.

“Dve puggalā ariyānaṃ dassanakāmā – eko saddhammaṃ sotukāmo, eko saddhammaṃ na sotukāmo. Yvāyaṃ puggalo saddhammaṃ na sotukāmo, evaṃ so tenaṅgena gārayho. Yvāyaṃ puggalo saddhammaṃ sotukāmo, evaṃ so tenaṅgena pāsaṃso.

“Dve puggalā saddhammaṃ sotukāmā – eko ohitasoto dhammaṃ suṇāti, eko anohitasoto dhammaṃ suṇāti. Yvāyaṃ puggalo anohitasoto dhammaṃ suṇāti, evaṃ so tenaṅgena gārayho. Yvāyaṃ puggalo ohitasoto dhammaṃ suṇāti, evaṃ so tenaṅgena pāsaṃso.

“Dve puggalā ohitasotā dhammaṃ suṇanti [suṇantā (ka.)] – eko sutvā dhammaṃ dhāreti, eko sutvā dhammaṃ na dhāreti. Yvāyaṃ puggalo sutvā na dhammaṃ dhāreti, evaṃ so tenaṅgena gārayho. Yvāyaṃ puggalo sutvā dhammaṃ dhāreti, evaṃ so tenaṅgena pāsaṃso.

“Dve puggalā sutvā dhammaṃ dhārenti [dhārentā (ka.)] – eko dhātānaṃ [dhatānaṃ (sī. syā. kaṃ. pī.)] dhammānaṃ atthaṃ upaparikkhati, eko dhātānaṃ dhammānaṃ atthaṃ na upaparikkhati. Yvāyaṃ puggalo dhātānaṃ dhammānaṃ atthaṃ na upaparikkhati, evaṃ so tenaṅgena gārayho. Yvāyaṃ puggalo dhātānaṃ dhammānaṃ atthaṃ upaparikkhati, evaṃ so tenaṅgena pāsaṃso.

“Dve puggalā dhātānaṃ dhammānaṃ atthaṃ upaparikkhanti [upaparikkhantā (ka.)] – eko atthamaññāya dhammamaññāya dhammānaṃ atthaṃ na upaparikkhati, eko atthamaññāya dhammamaññāya na dhammānaṃ atthaṃ na upaparikkhati. Yvāyaṃ puggalo atthamaññāya dhammamaññāya na dhammānaṃ atthaṃ na upaparikkhati, evaṃ so tenaṅgena gārayho. Yvāyaṃ puggalo atthamaññāya dhammamaññāya dhammānaṃ atthaṃ upaparikkhanti, evaṃ so tenaṅgena pāsaṃso.

“Dve puggalā atthamaññāya dhammamaññāya dhammānaṃ atthaṃ na upaparikkhati – eko atthamaññāya dhammamaññāya dhammānaṃ atthaṃ na upaparikkhati, eko atthamaññāya dhammamaññāya na dhammānaṃ atthaṃ na upaparikkhati. Yvāyaṃ puggalo atthamaññāya dhammamaññāya na dhammānaṃ atthaṃ na upaparikkhati, evaṃ so tenaṅgena gārayho. Yvāyaṃ puggalo atthamaññāya dhammamaññāya dhammānaṃ atthaṃ upaparikkhati, evaṃ so tenaṅgena pāsaṃso. Evaṃ kho, bhikkhave, bhikkhuno [bhikkhuno (sī. syā.)] dvayena puggalā veditā honti. Evaṃ, bhikkhave, bhikkhu puggalaparoparaññū hoti. “Imehi kho, bhikkhave, sattahi dhammehi samannāgato bhikkhu āhuneyyo hoti pāhuneyyo...pe... anuttaram puññakkhettaṃ lokassā”ti. Catutthaṃ.

5. Pāricchattakasuttaṃ

69. “Yasmiṃ, bhikkhave, samaye devānaṃ tāvatimsānaṃ pāricchattako koviḷāro paṇḍupalāso hoti, attamanā, bhikkhave, devā tāvatimsā tasmim samaye honti – ‘paṇḍupalāso dāni pāricchattako koviḷāro nacirasseva dāni pannapalāso bhavissatī’”ti.

“Yasmiṃ, bhikkhave, samaye devānaṃ tāvatimsānaṃ pāricchattako koviḷāro pannapalāso hoti, attamanā, bhikkhave, devā tāvatimsā tasmim samaye honti – ‘pannapalāso dāni pāricchattako koviḷāro nacirasseva dāni jālakajāto bhavissatī’”ti.

“Yasmiṃ, bhikkhave, samaye devānaṃ tāvatimsānaṃ pāricchattako koviḷāro jālakajāto hoti, attamanā, bhikkhave, devā tāvatimsā tasmim samaye honti – ‘jālakajāto dāni pāricchattako koviḷāro nacirasseva dāni khārakajāto bhavissatī’”ti.

“Yasmiṃ, bhikkhave, samaye devānaṃ tāvatimsānaṃ pāricchattako koviḷāro khārakajāto hoti, attamanā, bhikkhave, devā tāvatimsā tasmim samaye honti – ‘khārakajāto dāni pāricchattako koviḷāro nacirasseva dāni kuṭumalakajāto [kuṭumalakajāto (sī. syā. pī.)] bhavissatī’”ti.

“Yasmiṃ, bhikkhave, samaye devānaṃ tāvatimsānaṃ pāricchattako koviḷāro kuṭumalakajāto hoti, attamanā, bhikkhave, devā tāvatimsā tasmim samaye honti – ‘kuṭumalakajāto dāni pāricchattako koviḷāro nacirasseva dāni korakajāto [kokāsakajāto (sī. syā.), kosakajāto (ka.)] bhavissatī’”ti.

“Yasmiṃ, bhikkhave, samaye devānaṃ tāvatimsānaṃ pāricchattako koviḷāro korakajāto hoti, attamanā, bhikkhave, devā tāvatimsā tasmim samaye honti – ‘korakajāto dāni pāricchattako koviḷāro

nacirasseva dāni sabbaphāliphullo [[sabbapāliphullo \(sī. pī.\)](#)] bhavissatī’’ti.

‘‘Yasmiṃ, bhikkhave, samaye devānaṃ tāvatiṃsānaṃ pāricchattako koviḷāro sabbaphāliphullo hoti, attamanā, bhikkhave, devā tāvatiṃsā pāricchattakassa koviḷārassa mūle dibbe cattāro māse pañcahi kāmagaṇehi samappitā samaṅgībhūtā paricārenti.

‘‘Sabbaphāliphullassa kho pana, bhikkhave, pāricchattakassa koviḷārassa samantā paññāsayojanāni ābhāya phuṭaṃ hoti, anuvātaṃ yojanasataṃ gandho gacchati, ayamānubhāvo pāricchattakassa koviḷārassa.

‘‘Evamevaṃ kho, bhikkhave, yasmiṃ samaye ariyasāvako agārasmā anagāriyaṃ pabbajjāya ceteti, paṇḍupalāso, bhikkhave, ariyasāvako tasmīṃ samaye hoti devānaṃva tāvatiṃsānaṃ pāricchattako koviḷāro.

‘‘Yasmiṃ, bhikkhave, samaye ariyasāvako kesamassuṃ ohāretvā kāsāyāni vatthāni acchādetvā agārasmā anagāriyaṃ pabbajito hoti, pannapalāso, bhikkhave, ariyasāvako tasmīṃ samaye hoti devānaṃva tāvatiṃsānaṃ pāricchattako koviḷāro.

‘‘Yasmiṃ, bhikkhave, samaye ariyasāvako vivicceva kāmehi...pe... paṭhamam jhānaṃ upasampajja viharati, jālakajāto, bhikkhave, ariyasāvako tasmīṃ samaye hoti devānaṃva tāvatiṃsānaṃ pāricchattako koviḷāro.

‘‘Yasmiṃ, bhikkhave, samaye ariyasāvako vitakkavicārānaṃ vūpasamā...pe... dutiyaṃ jhānaṃ upasampajja viharati, khārakajāto, bhikkhave, ariyasāvako tasmīṃ samaye hoti devānaṃva tāvatiṃsānaṃ pāricchattako koviḷāro.

‘‘Yasmiṃ, bhikkhave, samaye ariyasāvako pītiyā ca virāgā...pe... tatiyaṃ jhānaṃ upasampajja viharati, kuṭumalakajāto, bhikkhave, ariyasāvako tasmīṃ samaye hoti devānaṃva tāvatiṃsānaṃ pāricchattako koviḷāro.

‘‘Yasmiṃ, bhikkhave, samaye ariyasāvako sukhasa ca pahānā dukkhasa ca pahānā...pe... catuttham jhānaṃ upasampajja viharati, korakajāto, bhikkhave, ariyasāvako tasmīṃ samaye hoti devānaṃva tāvatiṃsānaṃ pāricchattako koviḷāro.

‘‘Yasmiṃ, bhikkhave, samaye ariyasāvako āsavānaṃ khayā...pe... sacchikatvā upasampajja viharati, sabbaphāliphullo, bhikkhave, ariyasāvako tasmīṃ samaye hoti devānaṃva tāvatiṃsānaṃ pāricchattako koviḷāro.

‘‘Tasmīṃ, bhikkhave, samaye bhummā devā saddamanussāventi – ‘eso itthannāmo āyasmā itthannāmassa āyasmato saddhivihāriko amukamhā gāmā vā nigamā vā agārasmā anagāriyaṃ pabbajito āsavānaṃ khayā anāsavaṃ cetovimuttiṃ paññāvimuttiṃ diṭṭheva dhamme sayam abhiññā sacchikatvā upasampajja viharatī’’ti. Bhummānaṃ devānaṃ saddam sutvā cātumahārājikā devā...pe... tāvatiṃsā devā... yāmā devā... tusitā devā... nimmānaratī devā... paranimmitavasavattī devā... brahmakāyikā devā saddamanussāventi – ‘eso itthannāmo āyasmā itthannāmassa āyasmato saddhivihāriko amukamhā gāmā vā nigamā vā agārasmā anagāriyaṃ pabbajito āsavānaṃ khayā anāsavaṃ cetovimuttiṃ paññāvimuttiṃ diṭṭheva dhamme sayam abhiññā sacchikatvā upasampajja viharatī’’ti. Itiha tena khaṇena tena muhuttena yāva brahmalokā saddo [[sādhukārasaddo \(sī. aṭṭha., ka. aṭṭha.\)](#)] abbhuggacchati, ayamānubhāvo khīṇāsavassa bhikkhuno’’ti. Pañcamaṃ.

6. Sakkaccasuttam

70. Atha kho āyasmato sārīputtassa rahogatassa paṭisallīnassa evaṃ cetaso parivitaṅko udapādi – “kiṃ nu kho, bhikkhu, sakkatvā garuṃ katvā upanissāya viharanto akusalaṃ pajaheyya, kusalaṃ bhāveyyā”ti? Atha kho āyasmato sārīputtassa etadahosi – “sathāraṃ kho, bhikkhu, sakkatvā garuṃ katvā upanissāya viharanto akusalaṃ pajaheyya, kusalaṃ bhāveyya. Dhammaṃ kho, bhikkhu...pe... saṅghaṃ kho, bhikkhu...pe... sikkhaṃ kho, bhikkhu...pe... samādhiṃ kho, bhikkhu...pe... appamādaṃ kho, bhikkhu...pe... paṭisanthāraṃ kho, bhikkhu sakkatvā garuṃ katvā upanissāya viharanto akusalaṃ pajaheyya, kusalaṃ bhāveyyā”ti.

Atha kho āyasmato sārīputtassa etadahosi – “ime kho me dhammā parisuddhā pariyodātā, yaṃnūnāhaṃ ime dhamme gantvā [gahetvā (ka.)] bhagavato āroceyyaṃ. Evaṃ me ime dhammā parisuddhā ceva bhavissanti parisuddhasaṅkhātatarā ca. Seyyathāpi nāma puriso suvaṇṇanikkhaṃ adhigaccheyya parisuddhaṃ pariyodātaṃ. Tassa evamassa – ayaṃ kho me suvaṇṇanikkho parisuddho pariyodāto, yaṃnūnāhaṃ imaṃ suvaṇṇanikkhaṃ gantvā [gahetvā (ka.)] kammārānaṃ dasseyyaṃ. Evaṃ me ayaṃ suvaṇṇanikkho sakammāragato parisuddho ceva bhavissati parisuddhasaṅkhātataro ca. Evamevaṃ [kho (ka.)] me ime dhammā parisuddhā pariyodātā, yaṃnūnāhaṃ ime dhamme gantvā [gahetvā (ka.)] bhagavato āroceyyaṃ. Evaṃ me ime dhammā parisuddhā ceva bhavissanti parisuddhasaṅkhātatarā cā”ti.

Atha kho āyasmā sārīputto sāyanhasamayaṃ paṭisallānā vuṭṭhito yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinno kho āyasmā sārīputto bhagavantaṃ etadavoca –

“Idha mayhaṃ, bhante, rahogatassa paṭisallīnassa evaṃ cetaso parivitaṅko udapādi – ‘kiṃ nu kho, bhikkhu, sakkatvā garuṃ katvā upanissāya viharanto akusalaṃ pajaheyya, kusalaṃ bhāveyyā’ti? Atha kho tassa mayhaṃ, bhante, etadahosi – ‘sathāraṃ kho, bhikkhu, sakkatvā garuṃ katvā upanissāya viharanto akusalaṃ pajaheyya, kusalaṃ bhāveyya. Dhammaṃ kho, bhikkhu ...pe... paṭisanthāraṃ kho, bhikkhu sakkatvā...pe... kusalaṃ bhāveyyā’ti. Atha kho tassa mayhaṃ, bhante, etadahosi – ‘ime kho me dhammā parisuddhā pariyodātā, yaṃnūnāhaṃ ime dhamme gantvā bhagavato āroceyyaṃ. Evaṃ me ime dhammā parisuddhā ceva bhavissanti parisuddhasaṅkhātatarā ca. Seyyathāpi nāma puriso suvaṇṇanikkhaṃ adhigaccheyya parisuddhaṃ pariyodātaṃ. Tassa evamassa – ayaṃ kho me suvaṇṇanikkho parisuddho pariyodāto, yaṃnūnāhaṃ imaṃ suvaṇṇanikkhaṃ gantvā kammārānaṃ dasseyyaṃ. Evaṃ me ayaṃ suvaṇṇanikkho sakammāragato parisuddho ceva bhavissati parisuddhasaṅkhātataro ca. Evamevaṃ me ime dhammā parisuddhā pariyodātā, yaṃnūnāhaṃ ime dhamme gantvā bhagavato āroceyyaṃ. Evaṃ me ime dhammā parisuddhā ceva bhavissanti parisuddhasaṅkhātatarā cā”ti.

“Sādhu sādhu, sārīputta! Sathāraṃ kho, sārīputta, bhikkhu sakkatvā garuṃ katvā upanissāya viharanto akusalaṃ pajaheyya, kusalaṃ bhāveyya. Dhammaṃ kho, sārīputta, bhikkhu sakkatvā garuṃ katvā upanissāya viharanto akusalaṃ pajaheyya, kusalaṃ bhāveyya. Saṅghaṃ kho...pe... sikkhaṃ kho... samādhiṃ kho... appamādaṃ kho... paṭisanthāraṃ kho, sārīputta, bhikkhu sakkatvā garuṃ katvā upanissāya viharanto akusalaṃ pajaheyya, kusalaṃ bhāveyyā”ti.

Evaṃ vutte āyasmā sārīputto bhagavantaṃ etadavoca – “imassa kho ahaṃ, bhante, bhagavatā saṃkhittena bhāsītassa evaṃ vitthārena atthaṃ ājānāmi. So vata, bhante, bhikkhu satthari agāravo dhamme sagāravo bhavissatīti netam ṭhānaṃ vijjati. Yo so, bhante, bhikkhu satthari agāravo dhammepi so agāravo”.

“So vata, bhante, bhikkhu satthari agāravo dhamme agāravo saṅghe sagāravo bhavissatīti netam ṭhānaṃ vijjati. Yo so, bhante, bhikkhu satthari agāravo dhamme agāravo saṅghepi so agāravo.

“So vata, bhante, bhikkhu satthari agāravo dhamme agāravo saṅghe agāravo sikkhāya sagāravo

bhavissatīti netam ṭhānaṃ vijjati. Yo so, bhante, bhikkhu satthari agāraṃ dhamme agāraṃ saṅghe agāraṃ sikkhāyapi so agāraṃ.

“So vata, bhante, bhikkhu satthari agāraṃ dhamme agāraṃ saṅghe agāraṃ sikkhāya agāraṃ samādhismiṃ sagāraṃ bhavissatīti netam ṭhānaṃ vijjati. Yo so, bhante, bhikkhu satthari agāraṃ dhamme agāraṃ saṅghe agāraṃ sikkhāya agāraṃ samādhismimpi so agāraṃ.

“So vata, bhante, bhikkhu satthari agāraṃ dhamme agāraṃ saṅghe agāraṃ sikkhāya agāraṃ samādhismiṃ agāraṃ appamāde sagāraṃ bhavissatīti netam ṭhānaṃ vijjati. Yo so, bhante, bhikkhu satthari agāraṃ dhamme agāraṃ saṅghe agāraṃ sikkhāya agāraṃ samādhismiṃ agāraṃ appamādepi so agāraṃ.

“So vata, bhante, bhikkhu satthari agāraṃ dhamme agāraṃ saṅghe agāraṃ sikkhāya agāraṃ samādhismiṃ agāraṃ appamāde agāraṃ paṭisanthāre sagāraṃ bhavissatīti netam ṭhānaṃ vijjati. Yo so, bhante, bhikkhu satthari agāraṃ...pe... appamāde agāraṃ paṭisanthārepi so agāraṃ.

“So vata, bhante, bhikkhu satthari sagāraṃ dhamme agāraṃ bhavissatīti netam ṭhānaṃ vijjati. Yo so, bhante, bhikkhu satthari sagāraṃ dhammepi so sagāraṃ...pe....

“So vata, bhante, bhikkhu satthari sagāraṃ...pe. ... appamāde sagāraṃ paṭisanthāre agāraṃ bhavissatīti netam ṭhānaṃ vijjati. Yo so, bhante, bhikkhu satthari sagāraṃ...pe... appamāde sagāraṃ paṭisanthārepi so sagāraṃ.

“So vata, bhante, bhikkhu satthari sagāraṃ dhammepi sagāraṃ bhavissatīti ṭhānametaṃ vijjati. Yo so, bhante, bhikkhu satthari sagāraṃ dhammepi so sagāraṃ...pe....

“So vata, bhante, bhikkhu satthari sagāraṃ...pe... appamāde sagāraṃ paṭisanthārepi sagāraṃ bhavissatīti ṭhānametaṃ vijjati. Yo so, bhante, bhikkhu satthari sagāraṃ dhamme sagāraṃ saṅghe sagāraṃ sikkhāya sagāraṃ samādhismiṃ sagāraṃ appamāde sagāraṃ paṭisanthārepi so sagāraṃ”ti.

“Imassa kho ahaṃ, bhante, bhagavatā saṃkhittena bhāsitaṃ evaṃ vitthārena atthaṃ ājānāmi”ti.

“Sādhu sādhu, sārīputta! Sādhu kho tvaṃ, sārīputta, imassa mayā saṃkhittena bhāsitaṃ evaṃ vitthārena atthaṃ ājānāsi. So vata, sārīputta, bhikkhu satthari agāraṃ dhamme sagāraṃ bhavissatīti netam ṭhānaṃ vijjati...pe... yo so, sārīputta, bhikkhu satthari agāraṃ dhamme agāraṃ saṅghe agāraṃ sikkhāya agāraṃ samādhismiṃ agāraṃ appamādepi so agāraṃ.

“So vata, sārīputta, bhikkhu satthari agāraṃ dhamme agāraṃ saṅghe agāraṃ sikkhāya agāraṃ samādhismiṃ agāraṃ appamāde agāraṃ paṭisanthāre sagāraṃ bhavissatīti netam ṭhānaṃ vijjati. Yo so, sārīputta, bhikkhu satthari agāraṃ dhamme agāraṃ saṅghe agāraṃ sikkhāya agāraṃ samādhismiṃ agāraṃ appamāde agāraṃ paṭisanthārepi so agāraṃ.

“So vata, sārīputta, bhikkhu satthari sagāraṃ dhamme agāraṃ bhavissatīti netam ṭhānaṃ vijjati...pe... yo so, sārīputta, bhikkhu satthari sagāraṃ dhammepi so sagāraṃ ...pe....

“So vata, sārīputta, bhikkhu satthari sagāraṃ dhamme sagāraṃ...pe... appamāde sagāraṃ paṭisanthāre agāraṃ bhavissatīti netam ṭhānaṃ vijjati. Yo so, sārīputta, bhikkhu satthari sagāraṃ...pe... appamāde sagāraṃ paṭisanthārepi so sagāraṃ.

“So vata, sārīputta, bhikkhu satthari sagāraṃ dhammepi sagāraṃ bhavissatīti ṭhānametaṃ vijjati. Yo so, sārīputta, bhikkhu satthari sagāraṃ dhammepi so sagāraṃ...pe....

“So vata, sārīputta, bhikkhu satthari sagāravo...pe... appamāde sagāravo paṭisanthārepi so sagāravo bhavissatīti ṭhānametaṃ vijjati. Yo so, sārīputta, bhikkhu satthari sagāravo...pe... appamāde sagāravo paṭisanthārepi so sagāravo”ti.

“Imassa kho, sārīputta, mayā saṃkhittena bhāsītassa evaṃ vitthārena attho daṭṭhabbo”ti. Chaṭṭhaṃ.

7. Bhāvanāsuttam

71. “Bhāvanam ananuyuttassa, bhikkhave, bhikkhuno viharato kiñcāpi evaṃ icchā uppajjeyya – ‘aho vata me anupādāya āsavehi cittaṃ vimucceyyā’ti, atha khvassa neva anupādāya āsavehi cittaṃ vimuccati. Taṃ kissa hetu? ‘Abhāvitattā’ tissa vacanīyaṃ. Kissa abhāvitattā? Catunnaṃ satipaṭṭhānānaṃ, catunnaṃ sammappadhānānaṃ, catunnaṃ iddhipādānaṃ, pañcannaṃ indriyānaṃ, pañcannaṃ balānaṃ, sattannaṃ bojjhaṅgānaṃ, ariyassa aṭṭhaṅgikassa maggassa.

“Seyyathāpi, bhikkhave, kukkuṭiyā aṇḍāni aṭṭha vā dasa vā dvādasa vā. Tānassu kukkuṭiyā na sammā adhisayitāni, na sammā pariseditāni, na sammā paribhāvitāni. Kiñcāpi tassā kukkuṭiyā evaṃ icchā uppajjeyya – ‘aho vata me kukkuṭapotakā pādanakhasikhāya vā mukhatuṇḍakena vā aṇḍakosaṃ padāletvā sotthinā abhinibbhijjeyyu’nti, atha kho abhabbāva te kukkuṭapotakā pādanakhasikhāya vā mukhatuṇḍakena vā aṇḍakosaṃ padāletvā sotthinā abhinibbhijjituṃ. Taṃ kissa hetu? Tathā hi, bhikkhave, kukkuṭiyā aṇḍāni na sammā adhisayitāni, na sammā pariseditāni, na sammā paribhāvitāni. Evamevaṃ kho, bhikkhave, bhāvanam ananuyuttassa bhikkhuno viharato kiñcāpi evaṃ icchā uppajjeyya – ‘aho vata me anupādāya āsavehi cittaṃ vimucceyyā’ti, atha khvassa neva anupādāya āsavehi cittaṃ vimuccati. Taṃ kissa hetu? ‘Abhāvitattā’ tissa vacanīyaṃ. Kissa abhāvitattā? Catunnaṃ satipaṭṭhānānaṃ, catunnaṃ sammappadhānānaṃ, catunnaṃ iddhipādānaṃ, pañcannaṃ indriyānaṃ, pañcannaṃ balānaṃ, sattannaṃ bojjhaṅgānaṃ, ariyassa aṭṭhaṅgikassa maggassa.

“Bhāvanam anuyuttassa, bhikkhave, bhikkhuno viharato kiñcāpi na evaṃ icchā uppajjeyya – ‘aho vata me anupādāya āsavehi cittaṃ vimucceyyā’ti, atha khvassa anupādāya āsavehi cittaṃ vimuccati. Taṃ kissa hetu? ‘Bhāvitattā’ tissa vacanīyaṃ. Kissa bhāvitattā? Catunnaṃ satipaṭṭhānānaṃ, catunnaṃ sammappadhānānaṃ, catunnaṃ iddhipādānaṃ, pañcannaṃ indriyānaṃ, pañcannaṃ balānaṃ, sattannaṃ bojjhaṅgānaṃ, ariyassa aṭṭhaṅgikassa maggassa.

“Seyyathāpi, bhikkhave, kukkuṭiyā aṇḍāni aṭṭha vā dasa vā dvādasa vā. Tānassu kukkuṭiyā sammā adhisayitāni, sammā pariseditāni, sammā paribhāvitāni. Kiñcāpi tassā kukkuṭiyā na evaṃ icchā uppajjeyya – ‘aho vata me kukkuṭapotakā pādanakhasikhāya vā mukhatuṇḍakena vā aṇḍakosaṃ padāletvā sotthinā abhinibbhijjeyyu’nti, atha kho bhābbāva te kukkuṭapotakā pādanakhasikhāya vā mukhatuṇḍakena vā aṇḍakosaṃ padāletvā sotthinā abhinibbhijjituṃ. Taṃ kissa hetu? Tathā hi, bhikkhave, kukkuṭiyā aṇḍāni sammā adhisayitāni, sammā pariseditāni, sammā paribhāvitāni. Evamevaṃ kho, bhikkhave, bhāvanam anuyuttassa bhikkhuno viharato kiñcāpi na evaṃ icchā uppajjeyya – ‘aho vata me anupādāya āsavehi cittaṃ vimucceyyā’ti, atha khvassa anupādāya āsavehi cittaṃ vimuccati. Taṃ kissa hetu? ‘Bhāvitattā’ tissa vacanīyaṃ. Kissa bhāvitattā? Catunnaṃ satipaṭṭhānānaṃ...pe... ariyassa aṭṭhaṅgikassa maggassa.

“Seyyathāpi, bhikkhave, phalagaṇḍassa [palagaṇḍassa (?)] vā phalagaṇḍantevāsikassa vā dissanteva [khīyante (ka.)] vāsijaṭe [dissanti aṅgulipadāni (sī.), aṅgulapadāni dissanti aṅgulapadam (ka.)] aṅgulipadāni dissati [dissanti (syā.)] aṅguṭṭhapadam [dissanti aṅgulipadāni (sī.), aṅgulapadāni dissanti aṅgulapadam (ka.)]. No ca khvassa evaṃ ñāṇam hoti – ‘ettakaṃ me ajja vāsijaṭassa khīṇam, ettakaṃ hiyyo, ettakaṃ pare’ti, atha khvassa khīṇe ‘khīṇa’nteva ñāṇam hoti. Evamevaṃ kho, bhikkhave, bhāvanam anuyuttassa bhikkhuno viharato kiñcāpi na evaṃ ñāṇam hoti – ‘ettakaṃ me ajja āsavānaṃ khīṇam, ettakaṃ hiyyo, ettakaṃ pare’ti, atha khvassa khīṇe ‘khīṇa’nteva ñāṇam hoti.

“Seyyathāpi, bhikkhave, sāmuddikāya nāvāya vettabandhanabaddhāya [vettabandhāya (ka.)] cha māsāni udake pariyādāya hemantikena thale ukkhittāya vātātapaparetāni bandhanāni, tāni pāvussakena megghena abhippavuttāni appakasireneva parihāyanti [paṭippassambhanti (sī. syā.)], pūtikāni bhavanti. Evamevaṃ kho, bhikkhave, bhāvanam anuyuttassa bhikkhuno viharato appakasireneva saṃyojanāni paṭippassambhanti, pūtikāni bhavanti”ti. Sattamaṃ.

8. Aggikkhandhopamasuttaṃ

72. Evaṃ me suttaṃ – ekaṃ samayaṃ bhagavā kosalesu cārikaṃ carati mahatā bhikkhusaṅghena saddhiṃ. Addasā kho bhagavā addhānamaggappaṭipanno aññatarasmiṃ padese mahantaṃ aggikkhandhaṃ ādittaṃ sampajjalitaṃ sajotibhūtaṃ [sañjotibhūtaṃ (syā.)]. Disvāna maggā okkamma aññatarasmiṃ rukkhamūle paññatte āsane nisīdi. Nisajja kho bhagavā bhikkhū āmantesi – “passatha no tumhe, bhikkhave, amuṃ mahantaṃ aggikkhandhaṃ ādittaṃ sampajjalitaṃ sajotibhūtaṃ”nti? “Evaṃ, bhante”ti.

“Taṃ kiṃ maññatha, bhikkhave, katamaṃ nu kho varaṃ – yaṃ amuṃ mahantaṃ aggikkhandhaṃ ādittaṃ sampajjalitaṃ sajotibhūtaṃ āliṅgetvā upanisīdeyya vā upanipajjeyya vā, yaṃ vā khattiyakaññaṃ vā brāhmaṇakaññaṃ vā gahapatikaññaṃ vā mudotalunahatthapādaṃ āliṅgetvā upanisīdeyya vā upanipajjeyya vā”ti? “Etadeva, bhante, varaṃ – yaṃ khattiyakaññaṃ vā brāhmaṇakaññaṃ vā gahapatikaññaṃ vā mudotalunahatthapādaṃ āliṅgetvā upanisīdeyya vā upanipajjeyya vā, dukkhañhetam, bhante, yaṃ amuṃ mahantaṃ aggikkhandhaṃ ādittaṃ sampajjalitaṃ sajotibhūtaṃ āliṅgetvā upanisīdeyya vā upanipajjeyya vā”ti.

“Ārocayāmi vo, bhikkhave, paṭivedayāmi vo, bhikkhave, yathā etadeva tassa varaṃ dussīlassa pāpadhammassa asucisaṅkassarasamācārassa paṭicchannakammantassa assamaṇassa samaṇapaṭiññassa abrahmacārissa brahmacāripaṭiññassa antopūtikassa avassutassa kasambujātassa yaṃ amuṃ mahantaṃ aggikkhandhaṃ ādittaṃ sampajjalitaṃ sajotibhūtaṃ āliṅgetvā upanisīdeyya vā upanipajjeyya vā. Taṃ kissa hetu? Tatonidānañhi so, bhikkhave, maraṇam vā nigaccheyya maraṇamattaṃ vā dukkham, na tveva tappaccayā kāyassa bhedaṃ paraṃ maraṇā apāyaṃ duggatiṃ vinipātaṃ nirayaṃ upapajjeyya.

“Yañca kho so, bhikkhave, dussīlo pāpadhammo asucisaṅkassarasamācāro...pe... kasambujāto khattiyakaññaṃ vā brāhmaṇakaññaṃ vā gahapatikaññaṃ vā mudotalunahatthapādaṃ āliṅgetvā upanisīdati vā upanipajjati vā, tañhi tassa [taṃ hissa (ka.)], bhikkhave, hoti dīgharattaṃ ahitāya dukkhāya kāyassa bhedaṃ paraṃ maraṇā apāyaṃ duggatiṃ vinipātaṃ nirayaṃ upapajjati.

“Taṃ kiṃ maññatha, bhikkhave, katamaṃ nu kho varaṃ – yaṃ balavā puriso dalhāya vālarajjuyā ubho jaṅghā veṭhetvā ghaṃseyya – sā chaviṃ chindeyya chaviṃ chetvā cammaṃ chindeyya cammaṃ chetvā maṃsaṃ chindeyya maṃsaṃ chetvā nhāruṃ chindeyya nhāruṃ chetvā aṭṭhiṃ chindeyya aṭṭhiṃ chetvā aṭṭhimiñjaṃ āhacca tiṭṭheyya, yaṃ vā khattiyamahāsālānaṃ vā brāhmaṇamahāsālānaṃ vā gahapatimahāsālānaṃ vā abhivādanaṃ sādīyeyyā”ti? “Etadeva, bhante, varaṃ – yaṃ khattiyamahāsālānaṃ vā brāhmaṇamahāsālānaṃ vā gahapatimahāsālānaṃ vā abhivādanaṃ sādīyeyya, dukkhañhetam, bhante, yaṃ balavā puriso dalhāya vālarajjuyā...pe... aṭṭhimiñjaṃ āhacca tiṭṭheyyā”ti.

“Ārocayāmi vo, bhikkhave, paṭivedayāmi vo, bhikkhave, yathā etadeva tassa varaṃ dussīlassa... pe... kasambujātassa yaṃ balavā puriso dalhāya vālarajjuyā ubho jaṅghā veṭhetvā...pe... aṭṭhimiñjaṃ āhacca tiṭṭheyya. Taṃ kissa hetu? Tatonidānañhi so, bhikkhave, maraṇam vā nigaccheyya maraṇamattaṃ vā dukkham, na tveva tappaccayā kāyassa bhedaṃ paraṃ maraṇā apāyaṃ duggatiṃ vinipātaṃ nirayaṃ upapajjeyya. Yañca kho so, bhikkhave, dussīlo...pe... kasambujāto khattiyamahāsālānaṃ vā brāhmaṇamahāsālānaṃ vā gahapatimahāsālānaṃ vā abhivādanaṃ sādīyati, tañhi tassa, bhikkhave, hoti dīgharattaṃ ahitāya dukkhāya kāyassa bhedaṃ paraṃ maraṇā apāyaṃ duggatiṃ vinipātaṃ nirayaṃ upapajjati.

“Taṃ kiṃ maññaṭṭha, bhikkhave, katamaṃ nu kho varaṃ – yaṃ balavā puriso tiṇhāya sattiyaṃ teladhotāya paccorasmim̐ pahareyya, yaṃ vā khattiyamahāsālānaṃ vā brāhmaṇamahāsālānaṃ vā gahapatimahāsālānaṃ vā añjalikammaṃ sādīyeyyā”ti? “Etadeva, bhante, varaṃ – yaṃ khattiyamahāsālānaṃ vā brāhmaṇamahāsālānaṃ vā gahapatimahāsālānaṃ vā añjalikammaṃ sādīyeyya, dukkhañhetam̐, bhante, yaṃ balavā puriso tiṇhāya sattiyaṃ teladhotāya paccorasmim̐ pahareyyā”ti.

“Ārocayāmi vo, bhikkhave, paṭivedayāmi vo, bhikkhave, yathā etadeva tassa varaṃ dussīlassa... pe... kasambujātassa yaṃ balavā puriso tiṇhāya sattiyaṃ teladhotāya paccorasmim̐ pahareyya. Taṃ kissa hetu? Tatonidānañhi so, bhikkhave, maraṇam̐ vā nigaccheyya maraṇamattam̐ vā dukkham̐, na tveva tappaccayā kāyassa bhedaṃ paraṃ maraṇā apāyaṃ duggatiṃ vinipātam̐ nirayaṃ upapajjeyya. Yañca kho so, bhikkhave, dussīlo pāpadhammo...pe... kasambujāto khattiyamahāsālānaṃ vā brāhmaṇamahāsālānaṃ vā gahapatimahāsālānaṃ vā añjalikammaṃ sādīyati, tañhi tassa, bhikkhave, hoti dīgharattam̐ ahitāya dukkhāya kāyassa bhedaṃ paraṃ maraṇā apāyaṃ duggatiṃ vinipātam̐ nirayaṃ upapajjati.

“Taṃ kiṃ maññaṭṭha, bhikkhave, katamaṃ nu kho varaṃ – yaṃ balavā puriso tattena ayopaṭṭena ādittena sampajjalitena sajotibhūtena kāyaṃ sampaliveṭṭheyya, yaṃ vā khattiyamahāsālānaṃ vā brāhmaṇamahāsālānaṃ vā gahapatimahāsālānaṃ vā saddhādeyyam̐ cīvaraṃ paribhuñjeyyā”ti? “Etadeva, bhante, varaṃ – yaṃ khattiyamahāsālānaṃ vā...pe... saddhādeyyam̐ cīvaraṃ paribhuñjeyya, dukkhañhetam̐, bhante, yaṃ balavā puriso tattena ayopaṭṭena ādittena sampajjalitena sajotibhūtena kāyaṃ sampaliveṭṭheyyā”ti.

“Ārocayāmi vo, bhikkhave, paṭivedayāmi vo, bhikkhave, yathā etadeva tassa varaṃ dussīlassa... pe... kasambujātassa yaṃ balavā puriso tattena ayopaṭṭena ādittena sampajjalitena sajotibhūtena kāyaṃ sampaliveṭṭheyya. Taṃ kissa hetu? Tatonidānañhi so, bhikkhave, maraṇam̐ vā nigaccheyya maraṇamattam̐ vā dukkham̐, na tveva tappaccayā kāyassa bhedaṃ paraṃ maraṇā apāyaṃ duggatiṃ vinipātam̐ nirayaṃ upapajjeyya. Yañca kho so, bhikkhave, dussīlo...pe... kasambujāto khattiyamahāsālānaṃ vā brāhmaṇamahāsālānaṃ vā gahapatimahāsālānaṃ vā saddhādeyyam̐ cīvaraṃ paribhuñjati, tañhi tassa, bhikkhave, hoti dīgharattam̐ ahitāya dukkhāya kāyassa bhedaṃ paraṃ maraṇā apāyaṃ duggatiṃ vinipātam̐ nirayaṃ upapajjati.

“Taṃ kiṃ maññaṭṭha, bhikkhave, katamaṃ nu kho varaṃ – yaṃ balavā puriso tattena ayosaṅkunā mukham̐ vivarivā tattam̐ lohaguḷam̐ ādittam̐ sampajjalitam̐ sajotibhūtam̐ mukhe pakkhipeyya – tam̐ tassa oṭṭhampi daheyya [daheyya (katthaci)] mukhampi daheyya jivhampi daheyya kaṇṭhampi daheyya urampi [ma. ni. 3.270 devadūtasutte pana “udarampi” iti videsapāṭho dissati] daheyya antampi antaguṇampi ādāya adhobhāgā [adhobhāgam̐ (ka.)] nikkhameyya, yaṃ vā khattiyamahāsālānaṃ vā brāhmaṇamahāsālānaṃ vā gahapatimahāsālānaṃ vā saddhādeyyam̐ piṇḍapātam̐ paribhuñjeyyā”ti? “Etadeva, bhante, varaṃ – yaṃ khattiyamahāsālānaṃ vā brāhmaṇamahāsālānaṃ vā gahapatimahāsālānaṃ vā saddhādeyyam̐ piṇḍapātam̐ paribhuñjeyya, dukkhañhetam̐, bhante, yaṃ balavā puriso tattena ayosaṅkunā mukham̐ vivarivā tattam̐ lohaguḷam̐ ādittam̐ sampajjalitam̐ sajotibhūtam̐ mukhe pakkhipeyya – tam̐ tassa oṭṭhampi daheyya mukhampi daheyya jivhampi daheyya kaṇṭhampi daheyya urampi daheyya antampi antaguṇampi ādāya adhobhāgam̐ nikkhameyyā”ti.

“Ārocayāmi vo, bhikkhave, paṭivedayāmi vo, bhikkhave, yathā etadeva tassa varaṃ dussīlassa... pe... kasambujātassa yaṃ balavā puriso tattena ayosaṅkunā mukham̐ vivarivā tattam̐ lohaguḷam̐ ādittam̐ sampajjalitam̐ sajotibhūtam̐ mukhe pakkhipeyya – tam̐ tassa oṭṭhampi daheyya mukhampi daheyya jivhampi daheyya kaṇṭhampi daheyya urampi daheyya antampi antaguṇampi ādāya adhobhāgam̐ nikkhameyya. Taṃ kissa hetu? Tatonidānañhi so, bhikkhave, maraṇam̐ vā nigaccheyya maraṇamattam̐ vā dukkham̐, na tveva tappaccayā kāyassa bhedaṃ paraṃ maraṇā apāyaṃ duggatiṃ vinipātam̐ nirayaṃ upapajjeyya. Yañca kho so, bhikkhave, dussīlo pāpadhammo...pe... kasambujāto khattiyamahāsālānaṃ vā brāhmaṇamahāsālānaṃ vā gahapatimahāsālānaṃ vā saddhādeyyam̐ piṇḍapātam̐ paribhuñjati, tañhi

tassa hoti dīgharattaṃ ahitāya dukkhāya kāyassa bhedaṃ paraṃ marañā apāyaṃ duggatiṃ vinipātaṃ nirayaṃ upapajjati.

“Taṃ kiṃ maññatha, bhikkhave, katamaṃ nu kho varam – yaṃ balavā puriso sīse vā gahetvā khandhe vā gahetvā tattaṃ ayomañcaṃ vā ayopīṭhaṃ vā abhinisīdāpeyya vā abhinipajjāpeyya vā, yaṃ vā khattiyamahāsālānaṃ vā brāhmaṇamahāsālānaṃ vā gahapatimahāsālānaṃ vā saddhādeyyaṃ mañcapīṭhaṃ [mañcaṃ vā pīṭhaṃ vā (ka.)] paribhuñjeyyā”ti? “Etadeva, bhante, varam – yaṃ khattiyamahāsālānaṃ vā brāhmaṇamahāsālānaṃ vā gahapatimahāsālānaṃ vā saddhādeyyaṃ mañcapīṭhaṃ paribhuñjeyya, dukkhañhetam, bhante, yaṃ balavā puriso sīse vā gahetvā khandhe vā gahetvā tattaṃ ayomañcaṃ vā ayopīṭhaṃ vā abhinisīdāpeyya vā abhinipajjāpeyya vā”ti.

“Ārocayāmi vo, bhikkhave, paṭivedayāmi vo, bhikkhave, yathā etadeva tassa varam dussīlassa... pe... kasambujātassa yaṃ balavā puriso sīse vā gahetvā khandhe vā gahetvā tattaṃ ayomañcaṃ vā ayopīṭhaṃ vā abhinisīdāpeyya vā abhinipajjāpeyya vā. Taṃ kissa hetu? Tatonidānañhi so, bhikkhave, maraṇaṃ vā nigaccheyya maraṇamattaṃ vā dukkhaṃ, na tveva tappaccayā kāyassa bhedaṃ paraṃ marañā apāyaṃ duggatiṃ vinipātaṃ nirayaṃ upapajjeyya. Yañca kho so, bhikkhave, dussīlo pāpadhammo... pe... kasambujāto khattiyamahāsālānaṃ vā brāhmaṇamahāsālānaṃ vā gahapatimahāsālānaṃ vā saddhādeyyaṃ mañcapīṭhaṃ paribhuñjati. Tañhi tassa, bhikkhave, hoti dīgharattaṃ ahitāya dukkhāya kāyassa bhedaṃ paraṃ marañā apāyaṃ duggatiṃ vinipātaṃ nirayaṃ upapajjati.

“Taṃ kiṃ maññatha, bhikkhave, katamaṃ nu kho varam – yaṃ balavā puriso uddhampādaṃ adhosiraṃ gahetvā tattāya lohakumbhiyā pakkhipeyya ādittāya sampajjalitāya sajotibhūtāya – so tattha pheṇuddehakaṃ paccamāno sakimpi uddhaṃ gaccheyya sakimpi adho gaccheyya sakimpi tiriyaṃ gaccheyya, yaṃ vā khattiyamahāsālānaṃ vā brāhmaṇamahāsālānaṃ vā gahapatimahāsālānaṃ vā saddhādeyyaṃ vihāraṃ paribhuñjeyyā”ti? “Etadeva, bhante, varam – yaṃ khattiyamahāsālānaṃ vā brāhmaṇamahāsālānaṃ vā gahapatimahāsālānaṃ vā saddhādeyyaṃ vihāraṃ paribhuñjeyya, dukkhañhetam, bhante, yaṃ balavā puriso uddhampādaṃ adhosiraṃ gahetvā tattāya lohakumbhiyā pakkhipeyya ādittāya sampajjalitāya sajotibhūtāya – so tattha pheṇuddehakaṃ paccamāno sakimpi uddhaṃ gaccheyya sakimpi adho gaccheyya sakimpi tiriyaṃ gaccheyyā”ti.

“Ārocayāmi vo, bhikkhave, paṭivedayāmi vo, bhikkhave, yathā etadeva tassa varam dussīlassa pāpadhammassa...pe... kasambujātassa yaṃ balavā puriso uddhampādaṃ adhosiraṃ gahetvā...pe... sakimpi tiriyaṃ gaccheyya. Taṃ kissa hetu? Tatonidānañhi so, bhikkhave, maraṇaṃ vā nigaccheyya maraṇamattaṃ vā dukkhaṃ, na tveva tappaccayā kāyassa bhedaṃ paraṃ marañā apāyaṃ duggatiṃ vinipātaṃ nirayaṃ upapajjeyya. Yañca kho so, bhikkhave, dussīlo pāpadhammo...pe... kasambujāto khattiyamahāsālānaṃ vā brāhmaṇamahāsālānaṃ vā gahapatimahāsālānaṃ vā saddhādeyyaṃ vihāraṃ paribhuñjati. Tañhi tassa, bhikkhave, hoti dīgharattaṃ ahitāya dukkhāya kāyassa bhedaṃ paraṃ marañā apāyaṃ duggatiṃ vinipātaṃ nirayaṃ upapajjati.

“Tasmātiha, bhikkhave, evaṃ sikkhitabbaṃ – ‘yesañca [yesam (?)] mayam paribhuñjāma cīvarapiṇḍapātasenāsanagilānappaccayabhesajjaparikkhāraṃ [... parikkhārānaṃ (sī. syā. ka.)] tesam te kārā mahapphalā bhavissanti mahānisamsā, amhākañcevāyaṃ pabbajjā avañjhā bhavissati saphalā saudrayā”ti. Evañhi vo, bhikkhave, sikkhitabbaṃ – ‘attatthaṃ vā, bhikkhave, sampassamānena alameva appamādena sampādetum; paratthaṃ vā, bhikkhave, sampassamānena alameva appamādena sampādetum; ubhayatthaṃ vā, bhikkhave, sampassamānena alameva appamādena sampādetu”nti.

Idamavoca bhagavā [idamavoca bhagavā...pe... (ka.)]. Imasmiñca pana veyyākaraṇasmim bhaññamāne saṭṭhimattānaṃ bhikkhūnaṃ uṇhaṃ lohitaṃ mukhato uggañchi [uggacchi (ka.)]. Saṭṭhimattā bhikkhū sikkhaṃ paccakkhāya hīnāyāvattiṃsu – ‘sudukkaraṃ bhagavā, sudukkaraṃ bhagavā”ti. Saṭṭhimattānaṃ bhikkhūnaṃ anupādāya āsavehi cittāni vimuccisūti. Aṭṭhamam.

9. Sunettasuttam

73. [a. ni. 6.54; 7.66] “Bhūtapubbaṃ, bhikkhave, sunetto nāma satthā ahoṣi tittakaro kāmesu vītarāgo. Sunettassa kho pana, bhikkhave, satthuno anekāni sāvakasatāni ahesuṃ. Sunetto satthā sāvakānaṃ brahmalokasahabyatāya dhammaṃ desesi. Ye kho pana, bhikkhave [ye kho bhikkhave (sī. syā.)], sunettassa satthuno brahmalokasahabyatāya dhammaṃ desentassa cittāni nappasādesuṃ te kāyassa bhedaṃ paraṃ marañā apāyaṃ duggatiṃ vinipātaṃ nirayaṃ upapajjimsu. Ye kho pana, bhikkhave, sunettassa satthuno brahmalokasahabyatāya dhammaṃ desentassa cittāni pasādesuṃ te kāyassa bhedaṃ paraṃ marañā sugatiṃ saggamaṃ lokamaṃ upapajjimsu.

“Bhūtapubbaṃ, bhikkhave, mūgapakkho nāma satthā ahoṣi...pe... aranemi nāma satthā ahoṣi...pe... kuddālo [kuddālo (sī. syā.)] nāma satthā ahoṣi...pe... hatthipālo nāma satthā ahoṣi...pe... jotipālo nāma satthā ahoṣi...pe... arako nāma satthā ahoṣi tittakaro kāmesu vītarāgo. Arakassa kho pana, bhikkhave, satthuno anekāni sāvakasatāni ahesuṃ. Arako nāma satthā sāvakānaṃ brahmalokasahabyatāya dhammaṃ desesi. Ye kho pana, bhikkhave, arakassa satthuno brahmalokasahabyatāya dhammaṃ desentassa cittāni nappasādesuṃ, te kāyassa bhedaṃ paraṃ marañā apāyaṃ duggatiṃ vinipātaṃ nirayaṃ upapajjimsu. Ye kho pana, bhikkhave, arakassa satthuno brahmalokasahabyatāya dhammaṃ desentassa cittāni pasādesuṃ, te kāyassa bhedaṃ paraṃ marañā sugatiṃ saggamaṃ lokamaṃ upapajjimsu.

“Taṃ kiṃ maññatha, bhikkhave, yo ime satta satthāre tittakare kāmesu vītarāge anekasataparivāre sasāvakaṅghe paduṭṭhacitto akkoseyya paribhāseyya, bahuṃ so apuññaṃ pasaveyyā”ti? “Evaṃ, bhante”. “Yo, bhikkhave, ime satta satthāre tittakare kāmesu vītarāge anekasataparivāre sasāvakaṅghe paduṭṭhacitto akkoseyya paribhāseyya, bahuṃ so apuññaṃ pasaveyya. Yo ekaṃ diṭṭhisampannaṃ puggalaṃ paduṭṭhacitto akkosati paribhāsati, ayaṃ tato bahutaraṃ apuññaṃ pasavati. Taṃ kissa hetu? Nāhaṃ, bhikkhave, ito bahiddhā evarūpiṃ khantiṃ vadāmi yathāmaṃ sabrahmacārīsu”.

“Tasmātiha, bhikkhave, evaṃ sikkhitabbaṃ – ‘na no sabrahmacārīsu [na tveva amhaṃ sabrahmacārīsu (syā.) aṅuttaranikāye aññathā dissati] cittāni paduṭṭhāni bhavissanti’ti. Evañhi vo, bhikkhave, sikkhitabba’nti. Navamaṃ.

10. Arakasuttam

74. “Bhūtapubbaṃ, bhikkhave, arako nāma satthā ahoṣi tittakaro kāmesu vītarāgo. Arakassa kho pana, bhikkhave, satthuno anekāni sāvakasatāni ahesuṃ. Arako satthā sāvakānaṃ evaṃ dhammaṃ deseti – appakaṃ, brāhmaṇa, jīvitaṃ manussānaṃ parittaṃ lahukaṃ [lahusaṃ (tīkā)] bahudukkhaṃ bahupāyāsaṃ mantāyaṃ [mantāya (sabbattha) tīkā passitabbā] boddhabbaṃ, kattabbaṃ kusalaṃ, caritabbaṃ brahmacariyaṃ, natthi jātassa amaraṇaṃ.

“Seyyathāpi, brāhmaṇa, tiṅage ussāvabindu sūriye uggacchante khippaṃyeva paṭivigacchati, na ciratṭhitikaṃ hoti; evamevaṃ kho, brāhmaṇa, ussāvabindūpamaṃ jīvitaṃ manussānaṃ parittaṃ lahukaṃ bahudukkhaṃ bahupāyāsaṃ mantāyaṃ boddhabbaṃ, kattabbaṃ kusalaṃ, caritabbaṃ brahmacariyaṃ, natthi jātassa amaraṇaṃ.

“Seyyathāpi, brāhmaṇa, thullaphusitake deve vassante udakabubbuḷaṃ [udakapuppuḷaṃ (ka.)] khippaṃyeva paṭivigacchati, na ciratṭhitikaṃ hoti; evamevaṃ kho, brāhmaṇa, udakabubbuḷūpamaṃ jīvitaṃ manussānaṃ parittaṃ lahukaṃ bahudukkhaṃ bahupāyāsaṃ mantāyaṃ boddhabbaṃ, kattabbaṃ kusalaṃ, caritabbaṃ brahmacariyaṃ, natthi jātassa amaraṇaṃ.

“Seyyathāpi, brāhmaṇa, udake daṇḍarāji khippaṃyeva paṭivigacchati, na ciratṭhitikā hoti;

evamevaṃ kho, brāhmaṇa, udake daṇḍarājūpamaṃ jīvitam manussānaṃ parittam...pe... natthi jātassa amaraṇam.

“Seyyathāpi, brāhmaṇa, nadī pabbateyyā dūraṅgamā sīghasotā hārahārini, natthi so khaṇo vā layo vā muhutto vā yaṃ sā [yāya (ka.)] āvattati [tharati (sī.), dharati (syā.), avatiṭṭheyya (?)], atha kho sā gacchateva vattateva sandateva; evamevaṃ kho, brāhmaṇa, nadīpabbateyyūpamaṃ jīvitam manussānaṃ parittam lahukam...pe... natthi jātassa amaraṇam.

“Seyyathāpi, brāhmaṇa, balavā puriso jivhagge khelapiṇḍam saṃyūhitvā akasireneva vameyya [patāpeyya (ka.)]; evamevaṃ kho, brāhmaṇa, khelapiṇḍūpamaṃ jīvitam manussānaṃ parittam...pe... natthi jātassa amaraṇam.

“Seyyathāpi, brāhmaṇa, divasaṃsantatte ayokaṭāhe maṃsapesi [maṃsapesī (sī. syā.)] pakkhittā khippaṃyeva paṭivigacchati, na ciraṭṭhitikā hoti; evamevaṃ kho, brāhmaṇa, maṃsapesūpamaṃ jīvitam manussānaṃ parittam...pe... natthi jātassa amaraṇam.

“Seyyathāpi, brāhmaṇa, gāvī vajjhā āghātanaṃ nīyamānā yaṃ yadeva pādam uddharati, santikeva hoti vadhasa santikeva maraṇassa; evamevaṃ kho, brāhmaṇa, govajjhūpamaṃ [gāvīvajjhūpamaṃ (sī. syā.)] jīvitam manussānaṃ parittam lahukam bahudukkham bahupāyāsam mantāyam boddhabbam, kattabbam kusalam, caritabbam brahmacariyam, natthi jātassa amaraṇa’nti.

“Tena kho pana, bhikkhave, samayena manussānaṃ saṭṭhivassasahassāni āyuppamaṇam ahoṣi, pañcavassasatikā kumārikā alaṃpateyyā ahoṣi. Tena kho pana, bhikkhave, samayena manussānaṃ chaḷeva ābādhā ahesuṃ – sītam, uṇham, jighacchā, pipāsā, uccāro, passāvo. So hi nāma, bhikkhave, arako satthā evaṃ dīghāyukesu manussesu evaṃ ciraṭṭhitikesu evaṃ appābādhesu sāvakānaṃ evaṃ dhammaṃ desessati – ‘appakam, brāhmaṇa, jīvitam manussānaṃ parittam lahukam bahudukkham bahupāyāsam mantāyam boddhabbam, kattabbam kusalam, caritabbam brahmacariyam, natthi jātassa amaraṇa’nti.

“Etarahi taṃ, bhikkhave, sammā vadamāno vadeyya – ‘appakam jīvitam manussānaṃ parittam lahukam bahudukkham bahupāyāsam mantāyam boddhabbam, kattabbam kusalam, caritabbam brahmacariyam, natthi jātassa amaraṇa’nti. Etarahi, bhikkhave, yo ciraṃ jīvati so vassasataṃ appam vā bhiyyo. Vassasataṃ kho pana, bhikkhave, jīvanto tīṇīyeva utusatāni jīvati – utusataṃ hemantānaṃ, utusataṃ gimhānaṃ, utusataṃ vassānaṃ. Tīṇi kho pana, bhikkhave, utusatāni jīvanto dvādasa [dvādasam (sī. ka.)] yeva māsasatāni jīvati – cattāri māsasatāni hemantānaṃ, cattāri māsasatāni gimhānaṃ, cattāri māsasatāni vassānaṃ. Dvādasa kho pana, bhikkhave, māsasatāni jīvanto catuvīsatiyeva addhamāsasatāni jīvati – aṭṭhaddhamāsasatāni hemantānaṃ, aṭṭhaddhamāsasatāni gimhānaṃ, aṭṭhaddhamāsasatāni vassānaṃ. Catuvīsati kho pana, bhikkhave, addhamāsasatāni jīvanto chattimsaṃyeva rattisahassāni jīvati – dvādasa rattisahassāni hemantānaṃ, dvādasa rattisahassāni gimhānaṃ, dvādasa rattisahassāni vassānaṃ. Chattimsam kho pana, bhikkhave, rattisahassāni jīvanto dvesattatiyeva [dvesattatiṇṇeva (syā.), dvesattatiṇṇeva (ka.)] bhattasahassāni bhuñjati – catuvīsati bhattasahassāni hemantānaṃ, catuvīsati bhattasahassāni gimhānaṃ, catuvīsati bhattasahassāni vassānaṃ saddhiṃ mātuthaññāya saddhiṃ bhattantarāyena.

“Tatrima bhattantarāyā kapimiddhopi bhattam na bhuñjati, dukkhitopi bhattam na bhuñjati, byādhitopi bhattam na bhuñjati, uposathikopi bhattam na bhuñjati, alābhakenapi bhattam na bhuñjati. Iti kho, bhikkhave, mayā vassasatāyukassa manussassa āyupi saṅkhāto [saṅkhātam (?)], āyuppamaṇampi saṅkhātam, utūpi saṅkhātā, saṃvaccharāpi saṅkhātā, māsāpi saṅkhātā, addhamāsāpi saṅkhātā, rattipi saṅkhātā, divāpi saṅkhātā, bhattāpi saṅkhātā, bhattantarāyāpi saṅkhātā. Yaṃ, bhikkhave, satthārā karaṇīyam sāvakānaṃ hitesinā anukampakena anukampaṃ upādāya; kataṃ vo taṃ mayā etāni, bhikkhave, rukkhamaṇī etāni suññāgārāni. Jhāyatha, bhikkhave, mā pamādattha; mā pacchā

vippaṭṭisārino ahuvattha. Ayaṃ vo amhākaṃ anusāsani’’ti. Dasamaṃ.

Mahāvaggo sattamo.

Tassuddānaṃ –

Hirīsūriyaṃ upamā, dhammaññū pārichattakaṃ;
Sakkaccaṃ bhāvanā aggi, sunettaarakena cāti.

8. Vinayavaggo

1. Paṭhamavinayadharasuttaṃ

75. [pari. 327] ‘‘Sattahi, bhikkhave, dhammehi samannāgato bhikkhu vinayadharo hoti. Katamehi sattahi? Āpattiṃ jānāti, anāpattiṃ jānāti, lahukaṃ āpattiṃ jānāti, garukaṃ āpattiṃ jānāti, sīlavā hoti pātimokkhasaṃvarasaṃvuto viharati ācāragocarasampanno aṇumattesu vajjesu bhayadassāvī samādāya sikkhati sikkhāpadesu, catunnaṃ jhānaṃ ābhicetasikānaṃ diṭṭhadhammasukhavihārānaṃ nikāmalābhī hoti akicchālābhī akasiralābhī, āsavānaṃ khayā anāsavaṃ cetovimuttiṃ paññāvimuttiṃ diṭṭheva dhamme sayāṃ abhiññā sacchikatvā upasampajja viharati. Imehi kho, bhikkhave, sattahi dhammehi samannāgato bhikkhu vinayadharo hoti’’ti. Paṭhamaṃ.

2. Dutiyavinayadharasuttaṃ

76. [pari. 327] ‘‘Sattahi, bhikkhave, dhammehi samannāgato bhikkhu vinayadharo hoti. Katamehi sattahi? Āpattiṃ jānāti, anāpattiṃ jānāti, lahukaṃ āpattiṃ jānāti, garukaṃ āpattiṃ jānāti, ubhayāni kho panassa pātimokkhāni vitthārena svāgatāni honti suvibhattāni suppavattīni suvinicchitāni suttaso anubyañjanaso, catunnaṃ jhānaṃ ābhicetasikānaṃ diṭṭhadhammasukhavihārānaṃ nikāmalābhī hoti akicchālābhī akasiralābhī, āsavānaṃ khayā anāsavaṃ cetovimuttiṃ paññāvimuttiṃ diṭṭheva dhamme sayāṃ abhiññā sacchikatvā upasampajja viharati. Imehi kho, bhikkhave, sattahi dhammehi samannāgato bhikkhu vinayadharo hoti’’ti. Dutiyamaṃ.

3. Tatiyavinayadharasuttaṃ

77. ‘‘Sattahi, bhikkhave, dhammehi samannāgato bhikkhu vinayadharo hoti. Katamehi sattahi? Āpattiṃ jānāti, anāpattiṃ jānāti, lahukaṃ āpattiṃ jānāti, garukaṃ āpattiṃ jānāti, vinaye kho pana ṭhito hoti asaṃhīro, catunnaṃ jhānaṃ ābhicetasikānaṃ diṭṭhadhammasukhavihārānaṃ nikāmalābhī hoti akicchālābhī akasiralābhī, āsavānaṃ khayā anāsavaṃ cetovimuttiṃ paññāvimuttiṃ diṭṭheva dhamme sayāṃ abhiññā sacchikatvā upasampajja viharati. Imehi kho, bhikkhave, sattahi dhammehi samannāgato bhikkhu vinayadharo hoti’’ti. Tatiyamaṃ.

4. Catutthavinayadharasuttaṃ

78. [pari. 327] ‘‘Sattahi, bhikkhave, dhammehi samannāgato bhikkhu vinayadharo hoti. Katamehi sattahi? Āpattiṃ jānāti, anāpattiṃ jānāti, lahukaṃ āpattiṃ jānāti, garukaṃ āpattiṃ jānāti, anekavihitamaṃ pubbenivāsaṃ anussarati, seyyathidaṃ – ekampi jātiṃ, dvepi jātiyo...pe... iti sākāraṃ sauddesaṃ anekavihitamaṃ pubbenivāsaṃ anussarati. Dibbena cakkhunā visuddhena atikkantamānusakena yathākammūpage satte pajānāti. Āsavānaṃ khayā anāsavaṃ cetovimuttiṃ paññāvimuttiṃ diṭṭheva dhamme sayāṃ abhiññā sacchikatvā upasampajja viharati. Imehi kho, bhikkhave, sattahi dhammehi samannāgato bhikkhu vinayadharo hoti’’ti. Catutthamaṃ.

5. Paṭhamavinayadharasobhanasuttaṃ

79. “Sattahi, bhikkhave, dhammehi samannāgato [samannāgato bhikkhu (sī. syā. ka.) anantarasuttadveye pana idaṃ pāṭhanānattaṃ natthi. pari. 327] vinayadharo sobhati. Katamehi sattahi? Āpattiṃ jānāti, anāpattiṃ jānāti, lahukaṃ āpattiṃ jānāti, garukaṃ āpattiṃ jānāti, sīlavā hoti...pe... samādāya sikkhati sikkhāpadesu, catunnaṃ jhānaṃ ābhicetasikānaṃ nikāmalābhī hoti akicchālābhī akasiralābhī, āsavānaṃ khayā...pe... sacchikatvā upasampajja viharati. Imehi kho, bhikkhave, sattahi dhammehi samannāgato vinayadharo sobhati”’ti. Pañcamaṃ.

6. Dutiyavinayadharasobhanasuttaṃ

80. “Sattahi, bhikkhave, dhammehi samannāgato vinayadharo sobhati. Katamehi sattahi? Āpattiṃ jānāti, anāpattiṃ jānāti, lahukaṃ āpattiṃ jānāti, garukaṃ āpattiṃ jānāti, ubhayāni kho panassa pātimokkhāni vitthārena svāgatāni honti suvibhattāni suppvattīni suvinicchitāni suttaso anubyañjanaso, catunnaṃ jhānaṃ...pe... akasiralābhī, āsavānaṃ khayā...pe... sacchikatvā upasampajja viharati. Imehi kho, bhikkhave, sattahi dhammehi samannāgato vinayadharo sobhati”’ti. Chaṭṭhaṃ.

7. Tatiyavinayadharasobhanasuttaṃ

81. “Sattahi, bhikkhave, dhammehi samannāgato vinayadharo sobhati. Katamehi sattahi? Āpattiṃ jānāti, anāpattiṃ jānāti, lahukaṃ āpattiṃ jānāti, garukaṃ āpattiṃ jānāti, vinaye kho pana ṭhito hoti asaṃhīro, catunnaṃ jhānaṃ...pe... akasiralābhī, āsavānaṃ khayā...pe... sacchikatvā upasampajja viharati. Imehi kho, bhikkhave, sattahi dhammehi samannāgato vinayadharo sobhati”’ti. Sattamaṃ.

8. Catutthavinayadharasobhanasuttaṃ

82. “Sattahi, bhikkhave, dhammehi samannāgato [samannāgato bhikkhu (ka.)] vinayadharo sobhati. Katamehi sattahi? Āpattiṃ jānāti, anāpattiṃ jānāti, lahukaṃ āpattiṃ jānāti, garukaṃ āpattiṃ jānāti, anekavihiṭṭaṃ pubbenivāsaṃ anussarati, seyyathidaṃ – ekampi jātiṃ, dvepi jātiyo...pe... iti sākāraṃ sauddesaṃ anekavihiṭṭaṃ pubbenivāsaṃ anussarati, dibbena cakkhunā visuddhena atikkantaṃ anusakena...pe... āsavānaṃ khayā...pe... sacchikatvā upasampajja viharati. Imehi kho, bhikkhave, sattahi dhammehi samannāgato vinayadharo sobhati”’ti. Aṭṭhamaṃ.

9. Satthusāsanasuttaṃ

83. Atha kho āyasmā upāli yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinno kho āyasmā upāli bhagavantaṃ etadavoca –

“Sādhu me, bhante, bhagavā saṃkhittena dhammaṃ desetu, yamaṃ bhagavato dhammaṃ sutvā eko vūpakaṭṭho appamatto ātāpī pahitatto vihareyya”’nti. “Ye kho tvaṃ, upāli, dhamme jāneyyāsi – ‘ime dhammā na ekantanibbidāya virāgāya nirodhāya upasamāya abhiññāya sambodhāya nibbānāya saṃvattantī’ti; ekaṃsena, upāli, dhāreyyāsi – ‘neso dhammo neso vinayo netāṃ satthusāsana’nti. Ye ca kho tvaṃ, upāli, dhamme jāneyyāsi – ‘ime dhammā ekantanibbidāya virāgāya nirodhāya upasamāya abhiññāya sambodhāya nibbānāya saṃvattantī’ti; ekaṃsena, upāli, dhāreyyāsi – ‘eso dhammo eso vinayo etaṃ satthusāsana’”’nti. Navamaṃ.

10. Adhikaraṇasamathasuttaṃ

84. “Sattime, bhikkhave, adhikaraṇasamathā dhammā uppannuppannānaṃ adhikaraṇānaṃ samathāya vūpasamāya. Katame satta? Sammukhāvinayo dātabbo, sativinayo dātabbo, amūḷhavinayo dātabbo [paṭiññātakaraṇaṃ, yebhuyyassikā, tassapāpiyyassikā, tiṇavattārako (syā.) dī. ni. 3.332

saṅgītisuttena ca pāci. 655 vinayena ca saṃsandetabbam], paṭiññātakaraṇam dātabbam, yebhuyyasikā dātabbā, tassapāpiyasikā dātabbā, tiṇavattārako dātabbo [paṭiññātakaraṇam, yebhuyyasikā, tassapāpiyyassikā, tiṇavattārako (syā.) dī. ni. 3.332 saṅgītisuttena ca pāci. 655 vinayena ca saṃsandetabbam]. Ime kho, bhikkhave, satta adhikaraṇasamathā dhammā uppannuppannānam adhikaraṇānam samathāya vūpasamāyā'ti. Dasamaṃ.

Vinayavaggo aṭṭhamo.

Tassuddānam –

Caturo vinayadharā, caturo ceva sobhanā;
Sāsanam adhikaraṇa-samathenaṭṭhame dasāti.

9. Samaṇavaggo

1. Bhikkhusuttaṃ

85. [mahāni. 18; cūḷani. ajitamāṇavapucchāniddeśa 8] “Sattannaṃ, bhikkhave, dhammānam bhinnattā bhikkhu hoti. Katamesaṃ sattannaṃ? Sakkāyadiṭṭhi bhinnā hoti, vicikicchā bhinnā hoti, silabbataparāmāso bhinno hoti, rāgo bhinno hoti, doso bhinno hoti, moho bhinno hoti, māno bhinno hoti. Imesaṃ kho, bhikkhave, sattannaṃ dhammānam bhinnattā bhikkhu hoti'ti. Paṭhamam.

2. Samaṇasuttaṃ

86. Sattannaṃ, bhikkhave, dhammānam samitattā samaṇo hoti...pe.... Dutiyam.

3. Brāhmaṇasuttaṃ

87. Bāhitattā brāhmaṇo hoti...pe.... Tatiyam.

4. Sottiyasuttaṃ

88. Nissuttattā [nissuttattā (syā.) ma. ni. 1.434 passitabbam] sottiyō [sothhiko (sī.), sottiko (syā.)] hoti...pe.... Catuttham.

5. Nhātakasuttaṃ

89. Nhātattā nhātako [nahātatto nahātako (sī. syā.)] hoti...pe.... Pañcamam.

6. Vedagūsuttaṃ

90. Veditattā vedagū hoti...pe.... Chattham.

7. Ariyasuttaṃ

91. Ārakattā [arahattā (sī.), arī hatattā (ka.) ma. ni. 1.434 pāḷi aṭṭhakathāṭīkā passitabbā. syāmapotthake pana sakalampi idaṃ sattamasuttaṃ natthi] ariyo hoti...pe.... Sattamam.

8. Arahāsuttaṃ

92. “Ārakattā arahā hoti. Katamesaṃ sattannaṃ? Sakkāyadiṭṭhi ārakā hoti, vicikicchā ārakā hoti, silabbataparāmāso ārako hoti, rāgo ārako hoti, doso ārako hoti, moho ārako hoti, māno ārako hoti. Imesaṃ kho, bhikkhave, sattannaṃ dhammānaṃ ārakattā arahā hotī”ti. Aṭṭhamaṃ.

9. Asaddhammasuttaṃ

93. “Sattime, bhikkhave, asaddhammā. Katame satta? Assaddho hoti, ahiriko hoti, anottappī hoti, appassuto hoti, kusīto hoti, muṭṭhassati hoti, duppañño hoti. Ime kho, bhikkhave, satta asaddhammā”ti. Navamaṃ.

10. Saddhammasuttaṃ

94. “Sattime, bhikkhave, saddhammā. Katame satta? Saddho hoti, hirīmā hoti, ottappī hoti, bahussuto hoti, āradhaviṛiyo hoti, satimā hoti, paññavā hoti. Ime kho, bhikkhave, satta saddhammā”ti. Dasamaṃ.

Samaṇavaggo navamo.

Tassuddānaṃ –

Bhikkhuṃ samaṇo brāhmaṇo, sottiyo ceva nhātako;
Vedagū ariyo arahā, asaddhammā ca saddhammāti.

10. Āhuneyyavaggo

95. “Sattime, bhikkhave, puggalā āhuneyyā...pe... dakkhiṇeyyā añjalikaraṇīyā anuttaraṃ puññakkhettaṃ lokassa. Katame satta? Idha, bhikkhave, ekacco puggalo cakkhusmiṃ aniccānupassī viharati aniccasaññī aniccaṭisaṃvedī satataṃ samitaṃ abbokiṇṇaṃ cetasā adhimuccamāno paññāya pariyoḡāhamāno. So āsavānaṃ khayā anāsavaṃ cetovimuttiṃ paññāvimuttiṃ diṭṭheva dhamme sayamaṃ abhiññā sacchikatvā upasampajja viharati. Ayaṃ kho, bhikkhave, paṭhamo puggalo āhuneyyo pāhuneyyo...pe... anuttaraṃ puññakkhettaṃ lokassa.

“Puna caparaṃ, bhikkhave, idhekacco puggalo cakkhusmiṃ aniccānupassī viharati aniccasaññī aniccaṭisaṃvedī satataṃ samitaṃ abbokiṇṇaṃ cetasā adhimuccamāno paññāya pariyoḡāhamāno. Tassa apubbaṃ acarimaṃ āsavapariyādānaṃca hoti jīvitapariyādānaṃca. Ayaṃ, bhikkhave, dutiyo puggalo āhuneyyo...pe... anuttaraṃ puññakkhettaṃ lokassa.

“Puna caparaṃ, bhikkhave, idhekacco puggalo cakkhusmiṃ aniccānupassī viharati aniccasaññī aniccaṭisaṃvedī satataṃ samitaṃ abbokiṇṇaṃ cetasā adhimuccamāno paññāya pariyoḡāhamāno. So pañcannaṃ orambhāgiyānaṃ saṃyojanānaṃ parikkhayā antarāparinibbāyī hoti...pe... upahaccaparinibbāyī hoti...pe... asaṅkhāraparinibbāyī hoti...pe... sasaṅkhāraparinibbāyī hoti...pe... uddhamso hoti akaniṭṭhagāmī. Ayaṃ, bhikkhave, sattaṃ puggalo āhuneyyo...pe... anuttaraṃ puññakkhettaṃ lokassa. Ime kho, bhikkhave, satta puggalā āhuneyyā pāhuneyyā dakkhiṇeyyā añjalikaraṇīyā anuttaraṃ puññakkhettaṃ lokassā”ti.

96-622. Sattime, bhikkhave, puggalā āhuneyyā pāhuneyyā...pe... anuttaraṃ puññakkhettaṃ lokassa. Katame satta? Idha, bhikkhave, ekacco puggalo cakkhusmiṃ dukkhānupassī viharati...pe... cakkhusmiṃ anattānupassī viharati...pe... cakkhusmiṃ khayānupassī viharati...pe... cakkhusmiṃ vayānupassī viharati...pe... cakkhusmiṃ virāḡānupassī viharati...pe... cakkhusmiṃ nirodhānupassī viharati...pe... cakkhusmiṃ paṭinissagḡānupassī viharati...pe....

Sotasmim...pe... ghānasmim... jivhāya... kāyasmim... manasmim...pe....

Rūpesu...pe... saddesu... gandhesu... rasesu... phoṭṭhabbesu ... dhammesu ...pe....

Cakkhuvīññāṇe...pe... sotavīññāṇe... ghānavīññāṇe... jivhāvīññāṇe... kāyavīññāṇe...
manovīññāṇe...pe....

Cakkhusamphasse...pe... sotasamphasse... ghānasamphasse... jivhāsamphasse...
kāyasamphasse... manosamphasse...pe....

Cakkhusamphassajāya vedanāya...pe... sotasamphassajāya vedanāya... ghānasamphassajāya
vedanāya... jivhāsamphassajāya vedanāya... kāyasamphassajāya vedanāya... manosamphassajāya
vedanāya...pe....

Rūpasaññāya...pe... saddasaññāya... gandhasaññāya... rasasaññāya... phoṭṭhabbasaññāya...
dhammasaññāya...pe....

Rūpasañcetanāya...pe... saddasañcetanāya... gandhasañcetanāya... rasasañcetanāya...
phoṭṭhabbasañcetanāya... dhammasañcetanāya...pe....

Rūpataṇhāya...pe... saddataṇhāya... gandhataṇhāya... rasataṇhāya... phoṭṭhabbataṇhāya...
dhammataṇhāya...pe....

Rūpavitakke ...pe... saddavitakke... gandhavitakke... rasavitakke... phoṭṭhabbavitakke...
dhammavitakke...pe....

Rūpavicāre...pe... saddavicāre... gandhavicāre... rasavicāre... phoṭṭhabbavicāre...
dhammavicāre...pe....

“Pañcakkhandhe [() sī. syā. potthakesu natthi] ...pe... rūpakkhandhe... vedanākkhandhe...
saññākkhandhe... sañkhārakkhandhe... viññāṇakkhandhe aniccānupassī viharati...pe... dukkhānupassī
viharati... anattānupassī viharati... khayānupassī viharati... vayānupassī viharati... virāgānupassī
viharati... nirodhānupassī viharati... paṭinissaggānupassī viharati...pe... lokassā”ti.

“Chadvārārammaṇesvettha, viññāṇesu ca phassesu;
Vedanāsu ca dvārassa, suttā hontī visuṃ aṭṭha.

“Saññā sañcetanā taṇhā, vitakkesu vicāre ca;
Gocarassa visuṃ aṭṭha, pañcakkhandhe ca pacceke.

“Soḷasasettha mūlesu, aniccaṃ dukkhamanattā;
Khayā vayā virāgā ca, nirodhā paṭinissaggā.

“Kamaṃ aṭṭhānupassanā, yojetvāna visuṃ visuṃ;
Sampiṇḍitesu sabbesu, hontī pañca satāni ca;
Aṭṭhavīsati suttāni, āhuneyye ca vaggike” [imā uddānagāthāyo sī. syā. potthakesu natthi].

Āhuneyyavaggo dasamo.

11. Rāgapeyyālaṃ

623. “Rāgassa, bhikkhave, abhiññāya satta dhammā bhāvetabbā. Katame satta? Satisambojjhaṅgo...pe... upekkhāsambojjhaṅgo – rāgassa, bhikkhave, abhiññāya ime satta dhammā bhāvetabbā”’ti.

624. “Rāgassa, bhikkhave, abhiññāya satta dhammā bhāvetabbā. Katame satta? Aniccasaññā, anattasaññā, asubhasaññā, ādīnavasaññā, pahānasaññā, virāgasaññā, nirodhasaññā – rāgassa, bhikkhave, abhiññāya ime satta dhammā bhāvetabbā”’ti.

625. “Rāgassa, bhikkhave, abhiññāya satta dhammā bhāvetabbā. Katame satta? Asubhasaññā, maraṇasaññā, āhāre paṭikūlasaññā, sabbaloke anabhiratasaññā, aniccasaññā, anicce dukkhasaññā, dukkhe anattasaññā – rāgassa, bhikkhave, abhiññāya ime satta dhammā bhāvetabbā”’ti.

626-652. “Rāgassa, bhikkhave, pariññāya...pe... parikkhayāya... pahānāya... khayāya... vayāya... virāgāya... nirodhāya... cāgāya...pe... paṭinissaggāya ime satta dhammā bhāvetabbā”’ti.

653-1132. “Dosassa...pe... mohassa... kodhassa... upanāhassa... makkhassa... paḷāsassa... issāya... macchariyassa... māyāya... sāṭheyassa... thambhassa... sārambhassa... mānassa... atimānassa... madassa... pamādassa abhiññāya...pe... pariññāya... parikkhayāya... pahānāya... khayāya... vayāya... virāgāya... nirodhāya... cāgāya... paṭinissaggāya ime satta dhammā bhāvetabbā”’ti.

Idamavoca bhagavā. Attamanā te bhikkhū bhagavato bhāsitaṃ abhinanduntī.

Rāgapeyyālaṃ niṭṭhitam.

Sattakanipātapāli niṭṭhitā.